

84 (2Рос = Коми) 44
Р. 2С 57



ИВАН КОДАНЕВ

РАПОРТ

КОМИ КНИЖНОЙ ИЗДАТЕЛЬСТВО 1976

КОНТРОЛЬНЫЙ ЛИСТОК
СРОКОВ ВОЗВРАТА

КНИГА ДОЛЖНА БЫТЬ
ВОЗВРАЩЕНА НЕ ПОЗЖЕ
УКАЗАННОГО СРОКА

Колич. пред. выдач.

| |
|--|
| |
|--|

K57

ИВАН КОДАНЕВ

РАПОРТ

Висьтъяс

Мойдъяс

КОМИ КНИЖНОЙ ИЗДАТЕЛЬСТВО
СЫКТЫВКАР 1976

С (коми)
К 57

Коданёв И. В.

К 57 Рапорт. Висьтьяс, мойдъяс. Коми книжнӧй издательство. Сыктывкар, 1976.

88 лб.

Иван Васильевич Коданёвлӧн дас нельӧд книга. Книгасӧ армӧдысь висьтьяс да мойдъяс ӧта-мӧдкӧд топыда йитчӧмабсь — ӧтмоза, аслысь ногӧн петкӧдлӧны мортлысь пытшкӧсса серсӧ, мортлысь зӧльӧм-тӧждысьӧмсӧ, водзӧ выло думъяссӧ, миян вӧр-ва выло видзӧдлассӧ. Книгасӧ арталӧма челядьлы, да, дерт, уна гижӧдын петкӧдлӧма челядьлысь образъяс.

Книга петан воин авторыслы тырӧ 60 арӧс. Книгаыс — лыддысьысыяс вӧдзын И. В. Коданёвлӧн аслысыяма рапорт.

К $\frac{0762 - 024}{М 128(03) - 76}$ 39—76 м

С (коми)

© Коми книжнӧй издательство, 1976.



Челядь пырджык чукөртчылісны тайö луд вылас, кодi вöлі сикт-көд дзик орччөн. Нывкаяс танi чертаөн ворсöны, детинкаяс мачасöны да доминоөн ворсöны. Челядь луд вылас асьныс и пызан да скамья вöчисны. Гожся рытьясö пыр танi юргöны гора гөлöсьяс, кыпыд серам киссьö.

Лудсянь зэв матын кузь гуран ю дорөдз кыссьö. Сэни сöмын петшөр да йөн быдмö. Да сэтшöм сук, мый мунны он вермы.

Вöлі рытьявыв нин, кор Толя локтiс тайö луд вылас. Челядь абу на чукөртчöмабсь. Толя бөр нин көсийс мунны, но кыскö виччысьтөг луд вылö чеччалiгтыр матыстчис учительницалөн нылыс — Света. Дженьыдик гөрд платьöа, чужöмыс гожъялöма.

Света брун шыбитлас муö резинöвöй мачсö, сэсся мöдас кучкавын чеччалысь мач кузяыс кинас.

Кор нывка матыстчис пызан дорö, Толя звиркнитiс скамья вылысь, уськөдчис нывка дорö и мый вынсьыс чужийс мачас. Ачыс гораа мöдiс серавны.

Резинöвöй мач качлiс вылö-вылö, сэсся лэбзис джуджыд петшөр пöвстö и дзик пыр воши.

Света скөрмөмысла быдсөн бледөдiс, ичөтик кулакнас эрыштчис чань моз гөрдлысь Толя вылө.

— Онi жө вай мачсө, а то мамөлы висьтала.

— Ме эг өд нарошнө. Эг петшөр пөвстас көсий. Ме көсий... этийө... көсий,— дорйысис Толя.

Детина сулалiс юрсө өшөдөмөн: эз төд, мый вөчны. Көдлы нө окота пырны петшөр пөвстө? Мустөм да чуткасыйсь сийө. Но детина полiс и Света мамысь. Сийө өд учительница. Висьталас кө Света мамыслы, бурөс эн виччысь. Пакөть вөчөмсьыд тай некөн оз ошкыны.

«Көть и абу окота уявны петшөр пөвстын, а быть ковмас судзөдны мачсө. А то Светаыс бөрдны кутас. Нывкаясыд өд быдторсьыс лимзалөны. Абу мян кодьось»,— нывка вылө тоткис Толя да киянас петшөрсө вешталгтыр мөдiс корсьны мачсө.

Эз на удит вөчны вөськов-мөд, кызди скөр петшөрьяс мөдiсны гөгөрбок чуткавны детинаөс: кияссө и кокьяссө, морөссө и мышсө. Гөгөр мөдiс зөлитны.

Толя гурчнитiс пиньяссө, бөрдны окота, а терпитө. Öтилаө копыртчылас, мөдлаө видзөдлас — мачыс некөн оз тыдав. А тушаыс зөлитө пыр өнджыка и өнджыка. Синваыс нин мөдiс доршасыны.

Света сулалiс луд помас да горзiс детинкалы, скөрмөдiс сийөс:

— Сюрис эз на көть? Кытчөкө тай дзыкөдз вошин.

— Света, он кө ланьт, пельбокад сета!— ыдждалiс мач корсьысь, бытьтө эз сийө, а Света вөли мыжаыс ставсьыс.— Ачылд эськө мед пыралiн татчө. Ой, кызди чуткасьоны.

— Мед эн чужйы дай...

Буретш сәки луд вывтi вөли муно сельпоса бухгалтер Семён Семёнович, еджыд шляпаа, дженьыдик соска дөрөма. Сийө кылис челядьлысь зычитөмсө да пуксис скамья вылө. Колөкө, кузь лун уджалөм бөрын окота вөли бухгалтерлы шойччыштны? Со тай кутшөм мича рытыс: шоньд, лөнь, номьяс оз курччасьны.

— Но, Света, кутшөма нин олан? Кодөс нө сэтшөма видан? Некод некөн абу да.

— Толик мачөс петшөр пөвстас чужйис. Корсьө эськө да, гашкө, оз и сюр. Вот сийөс и вида.

Петшөр пөвстысь недыр мысти мыччысис Толялөн шырөм юрыс. Сэсся и ачыс петiс. Сийө шыбитiс Светалань мачсө, а ачыс ыджыд гөлөсөн бөрдзис.

Света да Семён Семёнович матыстчисны бөрдысь детинка дорө, мөдiсны бурөдны.

— Мый нө лимзалан, нөйтiсны али мый петшөрьясыд? Аттө дивө, лючки сьөд синваөн бөрдө. Абу и яндзим,— шмонитiс бухгалтер.— Матын жө тәнад синвайд.

— Ачылд эськө бөрдiн жө... Гөгөр со зөлитө.

— А тә дульнад зырав пупышьяссө, озджык кутны зөлитны,— велөдiс Толяөс Света.— Мөдысь сэсся он кут йөзлысь мач чужьявны.

— Гётрасьтөдзыд бурдас,— нурбыльтіс Семён Семёнович.— Пешөр вөсна он жө синва кысьт.

— Тэ өд ичөт дырйиыд бөрдлін жө,— скөра шуис детинка да кинас кутіс чышкавны синвасө.

— Бөрдлі эг ичөт дырйи, ог помнит. А вот война вылын бөрдлі. Сьөлөм бурмытөдз сыркъялі. И ог яндысь таысь. Да-а... Сэтшөм сьөкыд вөлі Москва дорйигөн, нелямын өтикөд во помын.

Света да Толя сюся видзөдлісны Семён Семёнович вылө. Пыр и мөдісны юасьны:

— Фашистьясыд кор ранітисны?

— Гашкө, повзин да, сійөн... Война вылад өд кутшөм шуштөм. Вины вермасны и.

Семён Семёнович бөр муніс челядь киясөн вөчөм пызан дорө, пөрччис юрсыыс шляпасө да пуксис скамья вылө. Сыкөд орччөн пуксисны и нывка да зонка. Толя өні эз нин бөрд, көть и киясас да кокъясас тыдалісны на гөрд чутъяс.

— Он тай нө висьтав, мыйысь бөрдлін?— эз терпитчысы гөрд платтьөа Светалы.

— Эк, донукъяс! Думышта та йылысь да өні на синваөй доршась, — ышловзис вөвлөм фронтовик. Сэсса надзөникөн өвтыштіс шляпанас, тыдалө, жар лои. И сөмын сы бөрын мөдіс висьтавны водзө.— Сьөкыд кад тайө вөлі. Фашистьяс зілісны босьтны Москва. Лун и вой ми вөрөгьяскөд нүөдім вир кыстана косяс. Узьөм ни олөм. Лун-лун грымгөны өрудиеяс, омлялөны бомбаяс, минаяс. Окопьяс вылө локтөны танкьяс. А ми сулалам из гөраяс моз, ог бөрыньтчөй, водзасаям. Төдам: бөрыньтчыны оз позь. Сэні Москва, миян страналөн сьөлөмыс.

— И Ленинлөн мавзолей,— содтіс Толя.

Семён Семёнович пуксис лөсьыдджыка, меліа видзөдліс детина да нывка вылө, вель дыр чөв оліс, гашкө, чукөртчис думъяснас.

— Миян баталон тувсов лым моз сэки сыліс. Уна бур мортөс нетшыштіс смертыс. Война — война и эм. Мед эськө некор сійөс не адзвывны тіяны. Тайө косяс жө миянлысь комиссарнымөс, Гаврил Кузьмичөс виисны. А мортыс кутшөм вөлі! Кывйыд оз сюр донъявны сійөс. Миянлы, салдатъяслы, учительөн и батыөн сійө вөлі. Этша сёрнитліс, а шуас кө вөлі кывтө, сьөлөм бердад дыр кежлө вурыштас. Радейтім ми сійөс, видзим, кызди вермим. Но эг тай вермө видзнысө...

Нормис гөлөсыс Семён Семёновичлөн. Зумыштчис векныдик чужөмыс. Толя эз нин кыв тушаыслысь зөлитөмсө, быд кыв сюркняліс пельяс гөгөрыс, кодъясөс шуаліс вөвлөм салдат.

— Вывті збой да повтөм вөлі комиссарыс. Врагъяс вылө уськөдчывліс пыр медся первойөн. И кытысь вөлі сылы сы мында эбөсыс да повтөмлуныс? Эз өд нин и том вөв. Война заводитчытөдзыс кызь

воысь дырджык школаын велөдлөма. Өти кылөн кө, зөлөта морт, код йылысь кувтөдз кута казтывны.

— Семён Семёнович, фашистъяс сійөс виисны... Да? — юалис, кылө, Света.

— Дерт, найö. Эз öд этшаöс вины гундыръясыд. Мед сир пöрт-йын найö пусясны. Да... Кор ми мөдöдчим наступайтны, фашистъяс восьтисны сэтшөм би, ковмис пыр жö водны лым вылө. Көнкө дзик матын лыйлисны миян кузя пулемётысь. Комиссар заводитис кыссыны сэтчö. Ми ставөн видзöдим сы бöрся, мед эськө оз жö казавны сійöс. А пулемёт сяргис и сяргис, коялис свинеч зэр. Комиссар кыпöдчис, шыбитис пулемётлань граната, а ачыс сэсся бергöдчылис миянлань да горöдис: «Рöдина вöсна! Водзö!» Ми вылысь уськöдчим атакаö, вöтлим фашистъясöс. Тайö кояс и усис повтöм комиссар.

Рытнас ми гуалим сійöс. Горт пыдди лыс лапъяс муас вольсалим, асьсö плащ-палаткаөн вевтим. Винтовкаясысь медбöрря салют сетим... И сэки менам, ачым эг тöдлы, синваöй шорөн мөдис лэччыны. Сыркъялөмөн бöрда, ачымöс кутны ог вермы. Видзöда да, и мукöд салдатъяс бöрдöны. Да-а-а... Вот сэтшөмтор вöли мекöд. Салдатыдлөн көть пыдын синваыд, а сэки кутны эг вермы. Вывтi нин прамöй вöли мортыс, муса, Гаврил Кузьмичным миян.— Сэсся бухгалтер видзöдлис Толя вылө, дивитанамоз шуыштитис:— А тэнö кутшөмкө петшöр бöрдöдис. Тэ öд мужик рöд, гач новлан.

— Тöдін кө, кутшөма зöлитис да висис,— векыштчылис Толя, быттьö сöмын на петшöр пöвстесье петис.

— Ой, кутшөм жаль мем комиссарыс,— нормис Света.— Семён Семёнович, ещö мыйкө сы йылысь висытав.

— Рад эськө да, ог эшты. Сельпоö колö ветлыны. Тöвар регыд ваясны,— кыпöдчис скамья вылысь бухгалтер.— Мöдысь унатор на висытала. И ёртъяс йылысь, кодъяскöд Берлинöдз волим, и на йылысь, кодъяс нэм кежлас колины узьны ыли муасын. Эм öд мый йылысь висытавныс.

Бöвлөм салдатлөн комиссар йылысь висытыс вöрзöдис сёлөмнысö Толялысь да Светалысь. Со кутшөм йöз эмöсь вöльнöй светас, кодъясöс и кулөм бöрас казтылөны уна-уна во. Татшөм йöз йылысь славыс некор оз кус.

РАЗВЕДКАЫН

Семён Семёнович, сельпоса бухгалтер, уджъяссö помалөм бöрын мөдöдчис гортас. Кор матыстчис луд вылө, көни пукыштитис öнтай Светакöд да Толякöд, бара дум вылас уси сьöкыд фронтөвöй туйясыс, вöрöгкөд вир кыстан косясыс, кöдзыд му вылын узылөм-

ясыс. Коть война помасьомсянь кадыс муніс вель уна, немтор тай абу вунёма.

Фронтёвой ёртъясылон, дерт, уналон вуні нимыс да овыс, но найо пыр на син водзас. Думыштас код йылысь кё, да пыр на быттьо сэтшомьс, кутшомон тёдліс найос сэки, съёкыд воясас.

Ачыс Семён Семёнович вель ёна нин порысымис. Юрсё ягса еджыд яла кодён вевтис кадыс, чужомсё, коні война кадё оти чукур эз вёв, они он откодав том кадыккод. И кокъясыс оз нин важся моз тэрыба ветлыны, шойччог короны.

Семён Семёнович бара пуксис челядьон вочом скамья выло, койсис видзодыштны, кутшом зйла котралоны луд вылын нывкаяс да зонкаяс.

Эз на удит юрсыс порччыны шляпасё, кызди казяліс сійос Толя. Сійо мыйкё, кылё, висьталіс ворсысыяслы, и ставон модісны видзодны сельпоса бухгалтер выло. А недыр мысти сійос кытшалісны нин челядь.

— Семён дядь, аски од шойччан лун. Пукышт миянкод, — шыасис Толя.

— Пукси да быть нин лоо шойччыштны. Гортодз ылын жо на-а. Важ ранаясёй мыйкё куражитчоны. Зэр водзын, тыдалё.

Учительницалон нылыс Света сувтіс Семён Семёновичлы паныдён да меліа шыасис:

— Семён Семёнович... Сомын ті энё дөзмөй. Ми зэв ёна корам... Висьталёй ещю мыйкё асланыд воюйтөм йылысь. Комиссар йивсыд, — сэся бергодчыліс челядьлань да содтіс: — Найо од эз на кывлыны.

— Ми сомын висьталім, мый тіянсянь кывлім, — модіс корны и Толя.

— Висьталёй, висьталёй!.. — отпырйо моз горөдісны и мукөдъяс.

— Мөд морт йылысь, колөкө, висьтала. Не сійо кё, колөкө, ме тйанкод они эг и пукав, важон кыз му улын куйлі.

Челядь пуксялісны коді кытчө: отияс скамья выло, модъяс веськыда луд выло. Ставон чөв усины.

Семён Семёнович зырыштіс ранитчөм коксө, шоныда видзөдліс кытчөкө водзлань, сэся вөлисти лэдзис гөлөссө:

— Москва дорыс фашистъясөс вөтлөм бөрын ми мездім уна кар да сикт. Збойджыка кутім воюйтны, вынъясыным соді. Регыд менө вуджөдісны разведывательной взводі. Чорыд косьяс бөрын кымынкө лун шойччим. Оружиеясымөс весалім, паськомъясөс дзоньталім, письмөяс гижим гортө, бритчим, мыссим. Долыд быдсөн лои. Быттьо абу и войнаыс. Тадзи олім лун дас.

Разведчикъяс пөвстын коть ме вөлі выль морт, колө на ачымөс петкодлыны, мый выло шогма. Но некод эз кедзөвт менө, быдөн лыддисны асланыс ёрт пыдди.

Землянкаса нар вылын мекөд орччөн узыліс ар нелямына, не-

ыджыд тушаа, бледіник чужома немец Ганс Брик. Разведчикъяс взвод сійос ыстѳмабсь меысь вежонѳн водзджык.

Ганс вѳлі этша сѳрнитысь, юасьѳмъяс вылѳ вочавидзліс неокотапырысь. Ас йывсыс немтор эз висътавлы, бытѳѳ первой лун на фронт вылас. Война заводитчытѳдз овлѳма Ленинградын.

Эз радейтны менам выль ѳртъяс немецѳс. Син саяс кызди сѳмын эз нимтыны да видны. Кѳдзыда видзѳди сы вылѳ и ме, бытѳѳ Ганс вѳлі мыжа сотѳм сиктъясысь да каръясысь, сѳветской йѳзѳс виалѳмысь. Куйла орчѳн, а сылы кыв ни джын ог шу, букушѳн видзѳда.

— Колѳкѳ, шпион сійѳ вѳлі? — юалис кодкѳ важ фронтовиклысь.

— Либѳ фашист, — содтис Толя.

— Эн тѳрмасѳѳй. Ставсѳ висътала, кызд вѳлі, — Семѳн Семѳнович чеччыліс, веськѳдыштис коссѳ и бара пуксис места вылас. — Но вот, кывзѳй водзѳ. Рытъявылыс нин Гансѳс корисны батальонса командир дѳрѳ.

Ми пыр жѳ мѳдѳм вензыны ас костын: мыйла сійѳс корисны, оз-ѳ нин бѳр кѳсйыны ыстыны кытчѳкѳ мѳдлаѳ миян взводысь?

Но, вѳлѳмкѳ, Гансѳс мѳдѳдѳны разведкаѳ немецъяс тылѳ, и сыкѳд тшѳтш буретш мѳдѳдѳсны менѳ. Ок и скѳрали, ок и видѳ думѳн чѳв олысь Гансѳс!

ѳртъяс сералѳны ме вылын. «ѳні пѳ, Семѳн, аслад кокъясѳн фрицъяс дорад мунан. Прѳщайтчин эськѳ мед миянкѳд. Приказ эм приказ. Он ѳд шу, ог пѳ мун».

Воддза линияѳдз миянѳс колльѳдѳсны сапѳръяс. Найѳ и чуткасян проволокаяс пыр петан туй лѳсьѳдѳмабсь. Кыссям лым пиѳд. Ганс водзын, ме бѳрсяныс. Ог сѳрнитѳй. Кыкнаным еджыд халатаѳсь, кыин автоматъяс, бокин кинжалъяс ѳшалѳны.

Гашкѳ, быдса час пискѳдчим вѳрѳгъяс тылѳ. Ывлаас кѳдзыд, а менем жар, чужѳмысь пѳсь кисьѳ. Ачым думайта: кытчѳ, мися, тѳ, немец, менѳ нуѳдан? Синмѳс сы вылысь ог лѳдзлы. Быд пу, кодѳ паныдасьліс миянлы, повзъѳдліс менѳ. Виас, мися, Гансыд, а ачыс немецъяс дорас кольччас.

— Ме кѳ эськѳ эг лысьт разведкаад мунны, — нора шыасис Света.

— Тѳ кѳ эськѳ. Тѳ кодьяссѳ сѳтчѳ оз и босътны, — дѳзмѳдыштис нывкаѳс сыкѳд орчѳн пукалысь зонка.

Семѳн Семѳнович мыйлакѳ малыштис Светаѳс юрѳдыс, ѳвтыштис ас дѳнсыс номъясѳс да сѳрнисѳ нуѳдѳс водзѳ:

— Друг кыліс ѳдзѳс дзуртыштѳм шы. Ме зѳвти сылань синъясѳс и аддзи ичѳтик мыльк. Сѳсся кыліс и тѳдтѳм сѳрни. Мыльк водзвылѳ петѳсны кык немец да мѳдѳсны кывзысыны, мыйкѳ, кылѳ, ас ногныс сѳрнитѳны. Ми куйлам пу сайын, места вылысь ог вѳрзѳѳй. ѳти немецяс ракета сынѳдас лѳдзис. Вель дыр кежлѳ югдыліс гѳгѳр. Мѳдыс сяркнитис автоматысь код тѳдас кытчѳ и бара лои лѳнь. Недыр сулаыштѳм бѳрын кыкнан мортыс бѳр пырисны, кытысь петалисны. Кѳ-

дзыдыс, тыдало, вѳтліс. Тадзи найѳ му пытшкѳ дзѳбѳм асланыс поз-
йыс петалісны некымыныс. Ми куйлам да видзѳдам на бѳрся.

Ганс матыстчис ме дінѳ и пондіс шѳпкѳдны рѳчѳн. Тайѳ пѳ зем-
лянка. Нѳльѳн и эмѳс сѳні, буракѳ. Матыстчам надзѳникѳн. Кор
петасны, бырѳдам кыкнан салдатсѳ, а сѳсся уськѳдчам землянкаас.
Сѳмын ставсѳ колѳ вѳчны шы ни тѳв, мед оз лѳптыны тревога.

Ми кынѳмъяс вылын кыссим стрѳйба пельѳсѳдзыс. Ѳти кыаным
автомат, мѳдас — кинжал. Виччысям. Дасьѳс быд здук вѳрса каньяс
моз чеччыштны да бырѳдны вѳрѳгѳс.

Виччысьны ковмис регыд. Бара дзуртыштіс ѳдзѳс, и мянлань
пондісны матыстчыны кык салдат. Ми лѳсьѳдчим и ѳтпырїѳ уськѳд-
чим. Салдат, код вылѳ уськѳдчис Ганс, горѳднысѳ весиг эз удит, пѳ-
рис лым пытшкас, быттѳ кѳсаѳн сїйѳс керыштїсны. И мѳдыскѳд
ме ѳдїѳ справитчи.

Гурїыв восьтїм землянка ѳдзѳс.

— Хендѳ хох! — горѳдіс Ганс.

Тайѳ лои сѳтшѳм виччысьтѳмѳн, мый нар вылын пукалыс салдат
пыр жѳ лѳптїс кїсѳ. Мѳдыс удитїс лыїны, но некоднанымлы эз весь-
кав. Ми асьѳ мѳдар югыдѳ мѳдѳдїм, фашистсѳ.

Пленнѳйлыс кѳрталїм кїсѳ да коксѳ, вомас сюїим кляп, мед оз
вермы горзыны, сѳсся петкѳдїм ывлаѳ, водтѳдїм землянкаыс аддзѳм
эшкын вылѳ, сьѳрыс бѳсьтїм нѳль автомат и бѳр мѳдѳдчим локтан
туйѳд. Кашкам да кыскам пленнѳйѳс.

Немецъяс, тыдалѳ, кылѳмаѳсь шумсѳ, пондісны лѳдзавны раке-
таяс, дугдывтѳг лыїлісны сьѳдас.

Асланым первой линияѳдз воим лючки-ладнѳ и пленнѳйѳс лов-
йѳн вайим.

Топыда сывъяліс мянѳс командир. Вежон мысти кыкнанным-
лы «За отвагу» медаль сетїсны.

Тайѳ лѳбмтор бѳрас Ганс Брик йылыс некод нин лѳк кыв эз
шулы. Разведчикъяслы сїйѳ лои вок кодъ матыса.

Меным яндзим вѳлі, мый эг эскы мортыслы первой кадас, а ѳд
сїйѳ партийнѳй вѳлѳма. Ѳні на ог вермы таыс прѳститны ачымѳс.

САЛДАТСКѳЙ ПѳРТ

Ефим кыпѳдіс юрсѳ, видзѳдліс восьса ѳшинь пыр ывлаѳ. Шондї-
ыс вылѳдз нин кыпѳдчѳма. Другыскѳд кѳсїисны водз мунны чери
кыйны, а узьсьѳма.

Чеччис. Весиг эз сѳй. Сюїис сумкаѳ нянь, чай да сакар, донка-
яс. Кутїс виччысьны Леонардѳс. А со и сїйѳ.

Леонард гач кокъяссö водзвыв нин пуджöма, быттьö лöсьöдчöма ваö пырны. Киас нидзув тыра банка, мышкас ноп.

— Пöртö босьтин? — юалис сийö.

— Пöльö кө сетас, — ышловзис Ефим. — Сийö öд война чöжыс нопъяс вöдитöма...

Пöльыс быттьö кылöма зонпоснилысь сёрнисö, локтис öшинь увсьыс, көни сийö, вöлöмкö, тэчö пес.

— Дедö, — шыасис Ефим, — ми вуграсьны мөдöдчам. Котёлоктö сетлан?

— Юкваыд ваын на, — малыштис пöль еджыд тошсö. — Гашкö, шомкора шыдөн ковмас пажнайтны? Черыдлөн юрыс пыдын, быд вугырö оз на пысась.

Сэсся сийö петалис посводзас, вайис пöрт, кодi весалöмысла югъялис.

— Гашкö, и меным тшöтш ва дорас лэччывны? — шуис пöль.

Зонкаяслы тайö и вöли колö.

Ва дорö лэччисны куимөн. Со и вабергача джуджыд йир. Пöль сувтис сэтчö.

— Ме танi лoa, а тi донкаястö неуна вылöджык вöйталöй, — шыасис сийö зонкаяс динö.

Шондi дөввидзис нин небеса шöрын. Лöнь, жар. Ю весьтын лэбалисны джыджъяс. Ёсь бордъяснас шенасигтыр найö то тювыштласны вывлань, то лэччыласны ва веркöс дорас.

Эз на коль час кык, кызди Ефимлөн пöльыс чукöстис зонъясöс ас дiнас.

Ефим Леонардкöд чуймисны: салдатскöй пöртiын тыдалисны гырысь ёкышъяс, пöддязъяс, кельчияс, ляпапиян.

— А миянлы немтор эз шед, Гриша пöль, — ышловзис Леонард.

Гриша пöль öшöдис пöртсö бипур вылö. Пуктис сэтчö картофель, бöрынджык чери. Юква пусьöм бöрын Гриша пöль сумкасыс перийс нянь тупöсь, шöралис да корис чери кыйысьясöс сёйны.

Леонард тяпкöдчö да ошкö пöльлысь юквасö.

— Дерт, чöскыд, салдатскöй пöртiын пуим да... — нюмдiс пöрьсь морт. — Война заводитчан тöлысьнас на старшина сетлис сийöс. Сэсянь колис комын воысь дырджык, а пöртiыс со дзик выль кодь. Да-а-а... Кымын тысяча верст ми восьлалiм сыкöд война воясад. Кымын карö да сиктö волiм, кутшöм гырысь сьöкыдлунъяс ковмылис пыкны. Эк, ставсö кө казътыштны — юрсийд сувтас.

Леонард пуксис Гриша пöль дорö матöджык, дыр эз вештыв синъяссö пöрт вылысь. А Ефим нимкодаясис пöльнас: бура вуйтöмысь сылы сетлöмаöсь куим орден да вит медаль.

— Матö нель во писькöдчим Берлинö. Кымын тысяча верст восьлалiм би пыр.

— А пöртiыд пыр сьöрсыйд вöли?

— А кызди нö... Кытчö ме, сэтчö и сийö. Автомат да пöрт сал-

датыдлы медся коланатор. Нöшта зыр, ноп да противогаз. Ставсö ас вылад кыскалан. Победа лунö сулалим рейхстагсянь неылын, зэв бура тыдалис сэни шпорöдчысь гөрд флаг. Видзöдам сы вылö, сьöлöмъясным радысла чечöны ортсö. Волис рейхстаг дорö и менам пöртйöй. Тайö пöртйыс, другъяс, абу прöстöй, историческöй.

— Вот тайö да...— мöдис шензыны Леонард.— Музейö колö нуны сийöс.

А Ефим содтис:

— Сöмын бокас колö гижны: «Тайö пöртйыс нель во чöж вердис да юкталис Рöдинаöс дорйысь салдат Григорий Родионович Симаковс. Тайö пöртйыс прöйдитис Москвасянь Берлинöдз...»

Гриша пöль нюмгёвтис да видзöдлис зонкаяс вылö: со кутшöм дозмукысь тi панялиннды юкватö!

МЕДВОДДЗА НАГРАДА

Афанасийлөн вокыс, Степан Сизов, мöдöд во нин служитис граница вылын. Быд пöрйö, кор ыли мусянь волис воксянныс письмö, Афанасий дыр лыддьывлис сийöс. Степан быд письмöын гижлис, мый олö бура, служба нуö аслас ёртъясысь не омольджыка. Командиръяс радейтöны сийöс. Граница вылын лöнь. Сэсся гортсаясыслысь ёнджыка юасис сиктын олöм-вылöм йылысь. Письмö помас гижлис бать-мамыслы, тöдсаяслы пöсь чолöм, тшöктис Афанасийöс велöдчыны бурджыка, кывзысьны учительяслысь.

Лыддяс вöли Афанасий татшöм письмöсö и пыр жö гижас вокыслы письмö. Мый сiдз и сiдз... Гортын ставыс лючки-ладнö. Бать уджалö пыр на скöтникöн да пастукöн, мамныс дояркаалö. Велöдчö пö ачыс «нель» вылö.

Письмöсö гижигөн Афанасий частö юасылис вокыслысь: «Кутин эн на кöть öти шпионöс? Менсым другъяс пыр юасыöны, а ме немтор ог вермы висьтавны. Гиж öдйöджык та йылысь, муса вок Степанушко, да сöмын меным. Юöрт ещö, эм абу тiян сэни пограничнöй поньяс? Абу кö, ме верма быдтыны. Сiдз велöда, мый любöй шпионöс да диверсантöс кутас. Сета пионерскöй кыв».

Быд письмö гижöм бöрын Афанасийлы дум вылас усълывлi вокыс. Степан Армияс мунтöдз уджалис лесопунктын, вөр пöрöдис. Пыр лыддьывлисны бур уджалысьөн. Газетъясын Степан йылысь эз этшаысь гижлыны и.

Эз на коль и кык во, кыдзи вокыс öти арся лунö мунис армияö, а Афанасийлы кажитчö, мый Степан некытчö эз мун. Вот рытнас локтас удж вылысь, ужнайтас, босьтас киас баян да мöдас сьöлöмсянныс ворсны, кыдзи ворслывлис водзджык.

Кутшом гажа сэки вөлі гортас! Афанасий пуксяс вокрыскөд орччөн, сингьяс мудзтөдзыс видзөдас, кутшом зіля котралёны Степанлөн чуньясыс баян клавиша кузя. «Мыйон быдмышта, ачым велөдча ворсны,— мөвпалө Афанасий.— Сөмын тай батыө шуө, мый ме зертөм воын чужлөма, лякбадь моз надзөн быдма».

Афанасий велөдчис нин нельөд классын, но тушанас и збыльыс вөлі ичөт, классас весиг дзоля Афонькаон нимтисны. Но котралігьясөн, уджалігөн сійө эз кольчыв и ас дорсыс ёна гырысыджык да ёнджык зонкаясыс, нывкаясыс и.

Вокыслы бөрья письмөсө мөдөдөм бөрын регыд заводитчисны гожея каникульяс. Водз асывсянь сёр рытөдз Афанасий отсасис батыслы: видзис пөскөтинаяс вылын совхозной фермаыс мөсьясөс. Көть асыра сюрукьяс, гөрданьяс лунтырнад ёна мудзтылісны детинкаөс, но сійө эз норась. Котралас пөттөдзыс мөсьяс бөрся, воас гортас да став мудзыс бырө. Рыгьяснас другьяс дорас на ветлас.

— Колөкө, Степан вокөй кутіс нин шпионөс? И мый сы дыра письмөсө оз гиж. И пон йывсыс немтор эз юөрт?— норасис сійө другьясыслы вокыс вылө, көть думьяснас и гөрдитчис, мый сійө видзө граница.

«Мыйла ме ичөт? Вөлі кө вокө арлыда, колөкө, граница вылын жө өні служиті. Важөн эськө куті шпионтө»,— гуся мөвпгьяс волісны детина юрө.

Афанасий ворсыштас другьясыскөд регыдик, сэсыя котөртас гортас. Аски өд сійөс бара виччысө удж. Батыс оз радейт прөста олысыястө. Дыш мортыдлөн пө юрас тойяс вермасны чужны. Уджыд пө мянөс вердө и пасьтөдө. Государстволы пөльза вөчө.

Да и аслыс Афанасийлы воө сьөлөм вылас пастукалөмыс. Лунтыр ывла вылын. Кор мөсьяс пөттөдзыс йирясны да водаласны шоналөм лыа вылө, позьө купайтчыштны, гөп гудыртны, шомкор да оз сёйны, гөрд сэтөрөн горштө веськөдны.

Кызкө өти гожея лунө пастукьяс дорө локтисны совхозса директор да зоотехник. Директор киасис Афанасий батыкөд да мөдіс ошкыны сійөс:

— Молодеч, Константинович. Тэон видзөм мөсьясыд мян совхозын медся йөлаөсь. Ог вунөдөй старайтчөмтө.

— И мясянь зэв ыджыд аттьө, Михаил Константинович,— сёрниө шыасис зоотехник.— Йөв лысьтөм кузя тиян ферманыд медся водзын. Тані, дерт, зэв ыджыд пай и тэнад. Отнад со матө сө мөскөс видзан.

Пастук видзөдліс бокын сулалыс пиис вылө да чуньяснас корис ас дінас Афанасийөс.

— Сьөкыд эськө меным, олөма мортлы, справитчыны та мында тайтөнад, не кө пилөн отсөгыс. Сійө быдса төлыс нин меным отсасьө.

Отпырйөмос директор да зоотехник матыстчисны шөйөвошөм

Афанасий дорё, кытшалысны сійёс, заводитисны тшөтш ошкыны детинаёс.

— Төдчө, Сизовлөн пиыс,— нюмъэвтис директор да ыджыд ки-нас малыштис детинаёс юрёдыс.— Кыдз шунысö, герой?

— Афонька.

— Сидзкө, Афанасий Михайлыч... Бур, бур... Велөдчы уджавны ичөтсынь. Быдман да, лоö төлк.

— Помалан школатө да батыө вежан. Миянлы ок кутшөм ёна колöны велөдчөм пастукъясыд. Сэссия ме моз жө зоотехникөн лоан, а гашкө и...

Эз на удит зоотехник помавны сёрнисö, кызди Афанасий вочавидзис:

— Ме граница вылын кута служитны. Вокö моз жө...

Ставөн серөктисны. А детинка босьтис веськыд киас плеть и тэры-ба котөртис веж луд вывтi ылыстчысь мөсьяс бөрся.

Ошкыштөм бөрад тайö шоньд да гажа луныс Афанасийлы ка-житчис празник кодь кыпыдөн.

Эз на коль и төлысь, кызди Афанасийлысь батысö корисны совхозö. Директорыс весиг пастуклы мөдөдөма ассыс машинасö.

Кор Афанасий воис школаысь, батыс гортас нин вөли. Порог дорсянь на ён кияснас шымыртис писö, лэптис морөс бердас да пыр-тис пыдi жыръяс.

— Видзөдлы, мый стenas öшалö.

Еджыд краскаоён мавтөм неыджыд рама пиын тыдалис Почёт грамота.

— Тайö тэныд, батыö? Тэно наградитисны?

— А тэ лыдды, мый сэтчө гижөма.

Афанасий лыддис өтчюд. Тильыштис синъяссö да выльысь мөдис видзөдны. Лыддö и оз эскы аслыс.

— Вот тайö да... Коймөд фермаса медбур пастух Михаил Константинович Сизовс да сылы отсасысь Афанасий Сизовс совхозса дирекция, партком да рабочком наградитöны Почёт грамотаён... Ой, батыö! Талун жө та йылысь Степанушколы гижа письмө. Вот любөыд сылы лоö!

— Вокыд ачыс локтö. Телеграмма воис. Рытнас гортын нин аддзысян.

Афанасий кутыштис батысö голяөдыс, сэссия чечыштис джоджө да дыр радысла бергалис. Ачыс вель частö кыйкнитльвлис стенин öшалысь грамота вылө, кытчö батыскөд орччөн пасйөмаөсь и дзюля Афанасийлысь нимсö.

Степан воис сёрөн нин. Военной паськөмөн сийö кажитчис картинавыкса молодеч кодьөн. Пырөмөн тшөтш салдат дыр кутлис мамсö, кодi радысла кывсö шуны эз вермы. Сэссия батысö окыштис да дыр видзөдис сы вылө, быттö первойсысь аддзис сийс.

Та бõрын сõмын Степан матыстчис Афанасий динõ, мыгчис сылы кыкнан кисõ:

— О, да тә жõник нин. Ывлаысь кõ аддзи, эг и тõд эськõ. Айда, Афонька. Айда, ичõt вок!

— А мян батькõд награда эм,— мõдис ошйысьны вокыслы зонка.— Он верит? Со кõtь видзõдлы.

— Гожõмбыд жõ õд старайтчин. Шойчõм ни гуляйтõм эн тõдлы, пыр мõсьяскõд ноксин,— ошкыштис Афанасийõс мамыс.

— Видзõдлы нин, Степан, награда вылас,— Почõt грамота вылõ индис батыс.

Степан матыстчис стен дорõ, дыр сәни сулалис да радуйтчис.

— Зәв тай, сидзкõ, бур да ладнõ. Видзõдтõ, и Афонькалы награда. Нималысь морт нин. Ме арлыдас воан да, колõкõ, орден морõсад õшõдасны!— ошкис воксõ салдат.

— А мый... зәв вермас лоны. Зиль да уджач мортыд мян му вылын пыр почõtын,— кылис батыслысь гõлõс.— Кыдз шуасны: медся первой морт.

Сәк кості Степан восьтылис асьыс чемодансõ, перйис сәтысь мыйкõ да пуктис пызан вылõ.

— Менам со эм жõ награда. Ог весьшõрõ казенной нянь сәй. Граница сюся видзõмысь наградитисны грамотаõн да кызь лун отпуск сетисны.

— Шпионõс кутин? Да... Вот тайõ герой...— бергалис вокыс дорын Афонька.

— Эг, шпионõс ни диверсантõс эг кут. Ми сидз видзам граница, мый сәти некутшõм враг оз вермы вуджны мян му вылõ.

Афонька пызан йõрсьыс перйис кнопкаяс, кыкнан кинас босьтис вокыслысь Почõt грамотасõ да õшõдис сийõс асланыс грамотакõд орчõн.

МЕДСЯ КОЛАНА ШКОЛА

Толя синъяс доймытõдзыс пукалис телевизор дорын. Сәсся нюжõдчис диван вылõ. Нинõм лунтырõн эз вõч, а мудзõма, быттьõ вит машина пес ректõма.

Кõtь синъясыс дасьõсь куньсьыны, но вõли окота виччысьны бать-мамсõ, кодъяс гожõмбыд нин уджалисны видз вылын, дасьтисны совхозной скõtлы кõрым. Толяõс эськõ другъясыс вель унаысь нуõдлисны сәтчõ, да сылы дыш. Подõн колõ мунны матõ час. И лõдзьяс да номъяс курччасõны.

А гортас лõсьыд. Некод оз кесйõдлы ни чырыштлы. Кõсьяс кõ, купайтчыны ләччылас, юйс, майбыр, орчча. Сараяс гож сайын позьõ

узъыштны либѵ жарысь вон пытшкѵ дзебсыны. И телевизор оз прѵста ов, век нин кутшѵмкѵ передача позяс видзѵдны.

Со и талун сійѵ аддзыліс «Кытчѵ кѵсьян мунны велѵдчыны» передача. Бара дум вылас уси видзѵдѵмторйыс. Толя ѵд сизим класс нин помаліс. Куим во мысти ковмас торйѵдчыны школакѵд, веськѵдчыны техникумѵ либѵ институтѵ, веськалан кѵ быттьѵ. Батыс тѵрыт на шуліс, мый крестьянин пины медся бур помавны сельскохозяйственнойнѵ техникум либѵ институт, но Толя сѵмын серѵктыштіс.

— Колантор. Куйѵдѵн да картупельѵн сѵмын лоѵ ноксыны. Авиационнѵѵ муна, самолѵтѵн лѵавны кута.

— Коді тѵнѵ сѵтчѵ босьтас? Велѵдчан лѵка...

— Врачѵ велѵдчы, сѵшайтѵѵ. Быдѵн аттьѵ кутасны висьтавны, — кайтіс тшѵтш мамыс.

— Лекарство дуксѵ терпитны ог вермы, — дѵзмѵмѵн вочавидзліс пиыс.

Батыс, тыдалѵ, дѵзмис весьшѵрѵ кыв песѵмысь да чирыштіс писѵ:

— Медводз школатѵ помав. Водзѵ кѵ он вермы велѵдчыны, то уджыд сюрѵ. Гѵр кѵть пѵрѵдчы, стрѵйтчы кѵть дворникав.

— Ассыд ѵтка питѵ он жѵ моски весавны ысты. Вожыд тай тѵнад инженерѵдз велѵдчис. А Паладѵлѵн нылыс — врач.

— Юрад кѵ абу жуг — быдлаѵ велалан. А миян Тольѵлѵн сѵні, тыдалѵ, пилипызь либѵ нитш. Эм миян медся колана школа. Помалан кѵ сійѵс, нинѵм сѵсса оз ков мортыдлы. Та йылысь ме том дырйи книгаысь на лыддыввлі.

Толя чуймис быдѵсѵн. Кутшѵм колана школа? Налы та йылысь некод на ѵз висьтавлы. И юаліс батыслысь.

— Оз кѵ мортыд помав сійѵс, то нѵм чѵжыс тышкас да мышкас кутас овны. Йѵзыс дивитны кутасны да вѵйпны. Но тайѵ школа йывсыс торъя сѵрни лоас. Аски воа видз вылысь да тѵлкуйтыштам.

...И со ѵні усис дум вылас батыскѵд тѵрытъя сѵрниыс. Чеччис диван вылысь, петаліс кильчѵ вылас, мыссис. Унзільыс пыр жѵ кытчѵкѵ воши. Дыр ковмис виччысьны батысѵ. Страда кадад тай дыр уджалѵны.

Коркѵ воис и рыт. Мамыс и батыс мудзѵмаѵсь, но варовѵсь. Ужнайтѵм бѵрын Толя бара корис висьтавны батысѵ, кутшѵм школа йылысь тѵрыт сійѵ казтыліс. Мѵдыс наяна мигнитіс, ыджыд да зумыд кисѵ пунктѵ Толялы пельпом вылас.

— Эм сѵтшѵм школаыс, пиук. Тайѵ — олѵм, шань йѵз, книгаяс, учителяыс. Найѵ велѵдѵны, кыдзи лоны вежѵра, уджач да прамѵѵ мортѵн, радейтны ассыд чужан му. Помалан олѵмыслысь татшѵм школасѵ — некор он повзъы сѵѵкыдлунысь, пыр кутан тѵждысьны йѵзлы буртор вѵчѵм вѵсна.

— Тайѵ нѵ школа?

— Медся коланаыс... Другьясыд тѵнад велѵдчѵны нин тайѵ

школаас, отсасьоны совхозлы, велөдчоны бур йөзлысь. А тэ сөмын лунтыр купайтчан да шемела песан.

Мамыслы жаль лоис пиыс, малыштис Толяос:

— Мун вод, сёпайтöй. Батыд аски видз вылө көсйö нуны, медым и тэ велөдчин сйö школаас.

РАПОРТ

Школаö виччысисны ыджыд гөстьос: Социалистическөй Уджывса Геройос. Велөдчысыяслы быдөнлы окота вöли видзөдлыны Герой вылө. Учительница Светлана Васильевна веськөдлөм улын детинкаяс гижисны гөстлы чолөмалана лозунг:

МИ ЧОЛӨМАЛАМ ТЯНӨС, ГЕРОЙ ЁРТ, АСЛАНЫМ ШКОЛАЫН!

КӨСИБЫЯМ ВЕЛӨДЧЫНЫ СЭТШӨМ ЖӨ БУРА, КЫДЗИ И ТИ УДЖАЛАНЫД.

Павлик Морозов нима пионерскөй отряд.

Урокъяс помасьөм бöрын лозунгсö öшөдिसны залө. Пызан вылө пунктисны мича дзоридзьяс. Коймөдысь нин чышкисны джодж, радөн-радөн сувтөдлисны скамьяс. Некөн бус ни ёг. Татшөм кыпыднас физкультура нуөдан зал некор на эз вöv. Гөсть воигкежлө ставыс вöли дась. Светлана Васильевна корис ас динас класса медбур велөдчысь Витя Куклинос.

— Но кызд, Витя, рапорттö бура велөдін? Он сорсы?

— Öнi коть висьтала. Сөысь нин, гашкө, лыдди. Кывийöй весиг кутис доймыны. Мамö шуö, пельос пö нин сьөдмөдін аслад рапортөн.

Ставөн серөктисны, быд боксянь кытшалисны Витяос, мөдисны юасыны:

— Рапортад пасйин, кызди совхозыдлы отсасим турун пунктгөн и картофель керны ветлывлім?

— Дерт жö.

— А пуяс садитөм йывсьыд?

— Пасйытөг эг ов. Бытгө ог төд.

— Вермин и вунөдны. Школоса музейö следопытьяс вайисны казтьылөмъяс. Та йылысь, төдөмысь, эн жö вунөд.

— Пöим мыйта чукөртим. И порысь йөзлы отсасям.

— Да, став йывсьыс төда, абу öд ичöt,— дözмис Витя.

— Неважөн лыжнөй походö ветлим. Орчча сиктса велөдчысыяс-көд ордысьсөмъяс вöлины,— бара кылисны гөлөсьяс.

— И асланым класс йылысь колö висътавыны гöстыдылы. Миянöс öд пыр ошкöны.

Светлана Васильевна, кодi öнöдз эз шыасълы челядь сёрниö, а сöмын кывзис, лэптис кисö.

— Эн майшасъöй, челядь. Рапортын ставыс эм. Ме сийön тöд-масы. Чайта, мый Куклин кужöмön висъталас гöстылы миян велöдчöм да удж йылысь. Сидз öд, Витя?

— Висътала. Мыйла нö ог?

— А öни, челядь, ставön ветлöй гортад. Сейöй, пасътасъöй бурджыка. Кык час мысти чукöртчам школаö. Ставön гөгөрвоид?

Велöдчысыяс сэтшöм öтсöглас вочавидзисны, учительницалön нюмыс весиг петис.

Здукön и тыртöммис школаыс залыс. Витя Куклин олiс сикт помас и тэрмасис медся ёна. Котöртö небыдик лымийön шебралöм туй кузя, сывны окота. Ывлаыс шоныд да лөнъ, быттьö абу төвся лун, а ар, дарöм тай декабрь төлысь.

Кадыс кöть вöли öбед бөр, а ывлаыс заводитöма нин рöмдыны. Дженъыдöсь тай войвылад төвся лунъясыд, восьтылас здук кежлö ывлаыс синъяссö, сэсса бөр куняс.

Кор детина воис Джуман ю пос дорö, кодi сиктсö торйöдис кык пельö, кутчысис йизьöм перилö дорö да видзöдлiс векныыдик ю вылö. Сийöс муртса на удитöма дзезбны йиыс.

— Эк, Джуманöй, Джуманöй! Тöдан кö тэ, кутшöм мем талун нимкодъ. Геройлы паныдön регыд кута сулавны. Рапорт сылы сета.— Та бöрын Витя лэптис веськыд кисö юр весьтас да надзöникön мöдис лыддыны уна пöрийö нин лыддылöм рапортсö.

— Молитва али мый лыддян?— виччысытöг кодкö матыстчис детина дорö. Витя крута бергöдчис гөлс шыö.

— Ух, кутшöма повзöдiн, Никанор дядь!..

— Повзöдi? Чöртön али мый чайтiн? Абу сюра ни бöжа да...

Никанор дядь кöсийс на шмонитыштны детина вылын, но мöдыс тэрыб ур моз котöртiс гортланъыс.

«Кутшöмджык бара Геройыс? Колökö, орденъяс морöс тырыс. И ачыс ыджыд да багатыр кодъ ён»,— думайтис Витя гортас пырöм бöрын.

Тэрмасьöмön сейыштис, вель дыр утюгön шыльöдис сьöд гачсö, дзирдавмön весалис гынкöмсö, сэсса мыссис чöскыд дука майтöгön да пасъталiс лым кодъ еджыд дөрöм, гөрд галстукасис. Сэсса позьö мöдöдчыны и школаö.

Ывлаыс дзикöдз нин рöмдöма. Көнкö вылын-вылын, небеса шöрас, öшалiс чарла кодъ төлысь. Сиктса улича вылын öзийсны югыд биас, найö сэтшöма югдöдисны, сувт кöть кутшöмкö столб бокö да книга лыдды.

Джуджыд кыр лэччöм бöрын бара тыдовтчис Джуман ю. Никанор дядь керка дiнсянь, кодi сулалiс юсянь зэв матын, джуджыд



норыс йылын, кылісны челядь гөлөсьяс. Витя бергөдчыштлис гөлөсьяс шыё и ыркнитіс сьёлөмыс: кыр йывсянь кодкө исковтіс юлань.

— Вө-ян-н! Шыбитчы дадьсьяд! Йиыс өд зэв на вөсни! Сувт!

Детина уськөдчис, медым паныдавны исковтысьёс, но эз удит. Мыйкө кылө ратшмуні йи вылын, и сійө жө здукас даддын пукалысь лөкысь горөдіс:

— Мездөй-й! Вөя! Ой, көдзыд!

— Кутчысь йи дорас! Мед визулыс оз кыскы!— горөдіс Витя Куклин, сэсся өдйө шыбитіс пальтосө да уськөдчис вөйысьлы отсөг вылө. Мыйон тувччис йи вылө, пыр и лоис ваын, слаб йи эз кут и сійөс. Но детина эз шөйөвош, пөрччис гачсыс тасмасө, коскөдзыс пырис ваө да мөдіс кевмысьны.

— Йи дорсыс эн лэччысь. Тасма ме тэныд шыбита, ёна сөмын кутчысь.

Өтчид өвтыштіс тасманас, вөйысь дорөдз сійө эз во. Детина вөлі шапкатөм: тыдалө, йи улас сійө воши.

— Вөйи... Вөйи-и... Мамө-ө-ө...— Детина тшөкмуні, ваыс, буракө, вомас веськалі. Воськов бөрся воськов Витя кыссис вөйысьлань. Вылысь шыбитіс тасмасө сылы. Детина удитіс кутчысьны сэтчө, да сэтшөм ёна, кор Витя кыскис нин сійөс берегөдз, некыдз оз лэччысь.

— Эк тэ, Вальө-бальө... Овнытө дышөдіс? Көтөрт гортад да шонтысь.

— Даддөй нө кө-ө-ө-ні?— Детиналөн таркакылісны пиньясыс.

— Көтөрт, мися, гортад! Кодлы шуоны? А дадьнад черияс мед ислаласны. Ачyd он жө куж-а... Тэ вөсна ме школаө сөрма,— видіс сизим арөса Валентинөс Куклин. Сэсся өтпырйө моз мөдісны көтөртны гортаныс.

Витялөн көмкот пытшкас больскакыліс ва. Гачыс да дөрөмыс сулик ва жө. И рапортыс гач зептас ставыс көтасьөма. Сөмын пальто косөн коли.

Гортас некод на эз вөв. Витя тэрыба вежсис. Еджыд дөрөм пыди ковмис пасьтавны лөз сатин дөрөм, кодөс мамыс вурліс нимлун кежлас. Көть ваө пыралөм бөрын пыр на эз шонав, бара мөдөдчис школаө, но, дерт, сөрмис. Концерт нин заводитчөма, кодөс дасьтісны велөдчысьяс гөстө воигкежлө.

Витя кыйкнитліс өдзөс костөд и дзык пыр төдіс Геройөс. Сійө пукаліс учительникакөд орччөн да быд сьыланкыв помасьөм бөрын клопөдіс кияснас, а ачыс нюмьялө. Морөсас дзирдалө Зарни Звезда да Ленин орден. «Ме чайті сійөс багатыр кодь ыджыдөн да ёнөн, а сійө менам бать кодь жө косіник,— думайтіс герой йылысь Витя.— Эк, өні менө выдыштасны ёртъяс. Төдөмысь и учительницасянь сюрас. Вальө вөсна ставыс гайө лои».

Кор помасис концерт, челядь ставөн чеччисны местаяс вывсьыс да дыр клопайтісны кияснас. Сөмын өтнас юрсө өшөдөмөн сулаліс коридорын Витя Куклин, поліс петкөдчыны ёртъясыслы.

Светлана Васильевна да гость петісны коридорё, челядь на бёрся, ещö и ещö көйсисны видзöдлыны Герой вылö.

Витя уськöдчис учительницалы паныд, шогпырысь шыасис:

— Светлана Васильевна, ме... ме... Дзик абу мыжа. Честной пионеркой... Колöкö, öнi рапорттö висьтала Геройыдлы.

— Мун шойчы, Витя. Аски сёрнитам,— небыдика вочавидзис учительница да мыйкö вашнитіс гостьлы.

Витя некыдз эз вермы бурасьны. Чайтіс, мый сылы оз эскыны. Көйсис ещö на мыйкö висьтавыны, но эз удит: дзуркнитіс пыран öдзöс. Школаö öдийö пырис Никанор дядь, аддзис шогö усьöм детинаöс, сывйыштіс сійöс кияснас, лэптіс морöс бердас да чуп окыштіс первой плешö, сэсяя чужöм боксö. Ставöн видзöдісны Никанор вылö: мый пö сыкöд лои?

— Тöварыш Герой... Светлана Васильевна... Тайö Витькаыс збыль вылö пионер. Менсьым пиöс йиа ваысь перйöма, кулі эськö сійö, чангыль нырыд, не кө Витя. Ачыс вермис вöйны, а абу повзьöма. Некор ог вунöд тэнö, Витя.

— Молодеч, Витя,— ошкыштіс сійöс Герой.— Тайö тэсянь медся бур рапорт. Ме зэв рад, мый тiян школаын велöдчöны татшöм повтöм челядь. Ме гижя Сыктывкарö письмö, медым вöйысь мортöс мездöмысь медальöн тэнö наградитасны.

Öнi нин ставöн клопайтісны Витялы.

ВЕРДЫСЬ

Асывнас Анна ордö пырис совхозса кузнеч Семен Игнатъевич. Сійö чышкыштіс сьöдасьöм ыджыд кисö брезентöвöй гачас, пöрчис ыж ку шапкасö да сöмын сы бöрын шыасис көзьяка дінö:

— Кöнi нö вердысьыд?

Екнитіс мам сьöлöм. Пöжöм галанка тыра чугун, кодöс сійö кыс-кис пачысь, муртса эз усь кысыс. Анна тöдіс, эз весьшөрö пыр на ордö депутат. Сідзкö, Рöман удитöма дöсадитны и тайö олöма мортыслы. Öбиднö и яндзим лои öтка пи вöсна, код вылö сиктса олысьяс норасьлісны тшöкыда.

— Абу сійö гортын. Сельсöветö корöмаöсь, ог тöд, муніс эз. Матö вои öкаяннöйöн. Вида, ёрчча, а төлк ни слöй. Тэ көть, Игнатъевич, төлкуйтышт сыкöд.

— Сійöн и пыри,— шуис кузнеч.

Дас квайт арöса Рöманöн и збыльысь сиктса олысьяс матö воисны. Помаліс көкъямыс класс, водзö велöдчыны эз кут. И со мөд төв нин пукалö гортас. Совхозлы сыысь некутшöм отсöг. Мамыслы — синва да шог. Сиктса войтырлы — сёрни да вöйпсьöм.

Анна думсыс унаысь нин көйсис ветлыны правлениеö, норась-

ны пи вылас, но кызкѡ яндысис. Жаль ѡд, сѡлѡм бердсыс чуктѡ-
дѡма. Быдмыштас да оз ѡмѡй тѡлкыв пуксы?

Кузнеч муніс. Анна пукаліс пызан помын, вуніс сѡйѡмыс и
уджыс. Быд пѡрйѡ, кор пашляк швачкѡбтыліс керка стенѡ, кѡмтѡгыс
петавліс посводзѡ, кывзысис, оз-ѡ лок пыс.

И со Рѡман локтіс. Дженъыдик сѡд пальтоа, чужѡмыс банйѡм
кѡлѡб кодъ. Синъясыс гажтѡмѡсь, скѡрѡсь. Жугыльмѡма зонмыс. Кыв
ни джын мамыслы эз шу, эз матыстчыв и руалысь шыд тасыт дінѡ,
кѡть асывсянныс сѡйтѡм.

Нинѡм эз мѡд юасыны мам. И зня-пиа пукалісны да чѡв олісны.
Рѡман синъяс водзын жѡ пыр на вуджрасисны сиктса войтырлѡн
стрѡг чужѡмъясыс, пельясын век на, кажитчѡ, горалісны сельсѡветын
сылы шуалѡм кывъясыс. Нѡйтісны кѡ, гашкѡ, кокныдджык вѡлі.

Рѡман видзѡдіс ывлаѡ. Со йизѡм юкмѡс дорѡ, кытысь васѡ нов-
лѡны сиктса унджык олысьяс, кыссьѡ-локтѡ Ѳгрѡпена пѡч. Зонкалы
дум вылас уси, кызди рытьяснас сійѡ кѡртавлывліс пѡчлы кильчѡ
кольчаас кузь шѡрт да гольѡдчис-дѡзмѡдчис. Кымынкѡ «код креще-
нѡй нѡ?» шуывліс Ѳгрѡпена. А зонкалы серам да теш. Голь-голь
вѡчас гора кольчаѡн, а мыйѡн кылас посводзысь кок шыяс, котѡртас
бокѡ, дзебяс.

Ѳгрѡпена пѡч вильдіс, усис. Тыртѡм ведряс быгыльтчисны. Рѡ-
ман пыльснитіс-серѡктіс.

— Мый нѡ чань моз гѡрдлан? — скѡра видзѡдліс мамыс. — Али
сельсѡветад блинѡн вердісны?

Зонкалѡн пыр и пемдіс чужѡмыс, ѡдйѡ чеччис да шапкатѡгыс
котѡртис ывлаѡ. Мамыс повзис, тувыйсь кватитіс шапкасѡ пысылысь,
пальтѡсѡ да вѡтчис.

Юкмѡс дорын сулалісны нывбабаяс. Сэні єсь пыридзѡн йисѡ
сапйѡдліс Рѡман. Видзѡдысьяс шензисны, кутшѡм лѡсыда вермѡ
сійѡ уджавны. А мам сѡлѡм нимкодясис: вѡлѡмкѡ, и сылѡн пыис
кужѡ вѡчны йѡзлы буртор.

Рытнас бара на Рѡман чѡв оліс, быттѡкѡ вомас ва босьтѡма.
Сѡмын водігас шыасис сійѡ мамыс дінѡ:

— Аски водзджык чуксав: кузнечаѡ муна отсасыны.

Мамлы окота вѡлі, медым пыис ещѡ висьталіс мыйкѡ, но сійѡ
юр вывтійс шебрасис.

«Вердысьѡй», — кѡсийс шуны Анна, но горшыс гѡрддзасис.

НЯНЬ

Аэропортын йѡзыс уна. Ѳтияс пукалѡны, мѡдьяс сулалѡны. Гыѡр-
тѡм ѡшиньясѡд пискѡдчѡ лѡзоват югѡр. Регыд дзыкѡдз югдас. Кор-
скюрѡ кывлывлѡ моторъяслѡн мурзѡм шыыс. Ывлаын кѡть трачкѡдчѡ
кѡчйѡла, а тані шоныд, югыд, сѡстѡм.

Пассажирыяс лыдын том йӧз и олӧмаяс, нывъяс и пӧчӧяс. Ставныс кытчӧкӧ мунӧны, тэрмасӧны. Ӧтияс — войвылӧ, мӧдъяс — Емва да Удора вожъясӧ, коймӧдъяс — Сыктылӧ либӧ Леткаӧ. Быдӧнлӧн аслас туй, аслас мог.

Пызан дорын, чемодан вылын, куткырвидзис Изосим дед, сӧд пася, сӧд тошка, визув синъяса, сирӧд мыр кодъ ён старик. Воліс гӧститны карӧ, нывъяс ордас, и со мӧдӧдчӧма гортас, Луза юбокса ичӧтик сиктӧ. Дедкӧд орчӧн гиргӧны-сералӧны кык том морт. Восьтыласны ыджыд чемодансӧ, вундыштасны калбас тор, нянь тупӧсьыс шӧрыштасны вӧсныдык шӧрӧм, и бара гӧрдлӧны. Мый налы — шог ни печаль. Изосим коркӧ ачыс том волі: том дырйиыд ворсӧ вирыд. Кор том йӧзлӧн сӧйсис, ӧтиыс чышкыштіс гӧсӧсь кисӧ векныдык кокпома гачас, мӧдыс босьтіс нянь тупӧсьсӧ, видзӧдліс гӧгӧр, сӧсся ылісянь шыбитіс пельӧсын сулалыс ёг чукӧртан ящикӧ. Нянь тупӧсь кучкысис ящик дорас, чеччыштіс вывлань, сӧсся надзӧникӧн уси пытшкас.

Дед скӧра видзӧдліс том йӧзлань:

— Ті нӧ мый нянь вылас смекайтчаннуд?

Потш кодъ вӧсныдык, дзугсьӧм юрсиа кузь зон куньыштіс син пӧвсӧ, гыррдзанас йӧткыштіс другсӧ.

— Кыдзи смекайтчам? — кузь зон пыдди шыасис векни гача ёртыс.

— Сэні ӧмӧй няньыслӧн местаыс? — дед индіс ящик вылас.

Мыйкӧ дыра кежлӧ пуксылыс чӧв-лӧнь. Сӧсся том йӧз пиыс ӧтиыс вочавидзис:

— Кынӧмыд кӧ сюмалӧ, колі висьтавыны, сетім эськӧ. Не нуны жӧ сійӧс гортӧдз.

«Мый тайӧяскӧд сӧрнитны!» — думыштіс дед, эз вермы кутчысьны. Пузис вирыс.

— А ті тӧданныд, кыдзи няньсӧ быдтӧны?

— Эн шогсы, дед, няньыд миян сы мында, став мирсӧ вермам вердны, — кыліс збодер воча кыв.

— Эк тэ, гормӧг, юрсиыд кузь, а тӧлкыд абу, — вомаліс сійӧс Изосим. — Сы вылӧ ӧмӧй быдтӧны няньсӧ, медым таргайтны да шыблавны ёг пытшкӧ? Он радейтӧй ті найӧс, кодъяс гӧрӧны-кӧдзӧны, быдтӧны, вартӧны, изӧны, пӧжалӧны няньсӧ. Кымын мортлӧн нянь бердас инмывлӧ кыис?

Ӧні сӧмын дед казяліс, мый сы гӧгӧр чукӧрмисны йӧз, кывзӧны. И кыліс сьӧлӧмнас: быдӧн сы дор. Кодсюрӧ тшӧтш нин вӧйписны лэчыд кывъяса тӧлктӧм том йӧзӧс.

Дедлӧн паметын чужисны гражданскӧй война кадся вояс, кор нянь пыдди сӧйліс кач да идзас, тшыг кынӧмӧн тышкасьліс белӧйяскӧд. Сӧсся Изосим гижсис колхозӧ, гӧрис ӧтувъя мулыс медводдза бӧрӧзда. Абу вунӧма и сійӧ, кыдзи арнас мӧдӧдісны карӧ нянь тыра

первой обоз. Телега вылын куйлісны колхозникъясөн быдтөм ид да сю тыра мешокъяс. Чизыр төв ворсөдчис гөрд флагон. Тайө вөлі аслыспөлөс праздник.

Нянь! Сійө эз кокниа шедлы и Изосим батъяслы да дедъяслы. Нянь кусок вылө ковмывліс лун и вой пессыны озыръяс ордын. Унаысь котасьліс мышкыд, кияссыд эз бырлыны гадъяс.

Отечественной война дырйи Изосим дорйис Ленинград. Кутшөм сьөкыд сәні вөлі! Висьталан — оз веритны. Быд грамм нянь вөлі тані зарниысь донаджык. Ичөтик салдатской паёкысь Изосим быд лун торйөдліс истөг көрөб ыжда няньтор тшыгъялысь челядьлы да пөрысь йөзлы. Көть сьөкыд вөлі, а кужисны дорйыны Ленинградсө!

Да, дед төдө няныслысь донсө! Төдө и сійөс, кутшөм уна вын пуктөны найө, кодъяс үджалөны колхозъяслөн да совхозъяслөн муяс вылын.

— Мун өні жө лэпты,— дед сотыштіс синъяснас няньөн шыб-ласысысьсөс.

— Кодлы колө, мед лэптөны,— пинь пырыс сөдзөдіс кузь зон.

Дед мыйкө көсйис шуны, но дежурнойлөн гөлөсыс торкис сійөс:

— Зинстанө мунысысьсөс корам пуксыны самолетө!..

Том зонъяс босьтісны чемодансө да мөдісны өдзөслань. Бергөд-чылісны кө залын пукалысыяслань, дерт, гөгөрвоисны, кутшөм көдзыда колльөдісны найөс ылі туйө. Но налы вөлі яндзим. Көть и унаөн сулалісны, а наөн эновтөм улөсъяс вылө некод эз пуксы.

Дед воськовтіс ящик дорө, лэптіс сәтысь джынъялөм нянь тупөсьсө, чышкалыштіс сы вылысь буссө да надзөникөн пуктіс пызан вылө.

И быдөнлөн сьөлөм вылас лои лөсыдджык.

ВЫЛЬ КЕРКА

Сикт весьтө павкнитчис сьөд кымөр. Кос му вылө резыштісны медводдза зэр тусъяс. Дзирдыштіс чардби. Енэжыс воссыліс-потліс, быттө кузь косаөн керыштісны биа изйө.

Пыр матынджык и матынджык сявкнитлісны чардбилөн кузь бөжъясыс.

Чардөн лыйис сикт помын сулалысь важиник керкаө. Сартас пескөс моз юкыштіс өшинь курицсө, а недыр мысти керкаысь пуркнитіс сьөд тшын.

Пөжар кусодны котөртісны ведраяса да багыръяса йөз. Челядь медся водзынөсь. Вайисны ва качайтан машина, коді важөн нин сулаліс пөжарной сарайын.

Сомын көзайкаыс, Дарья Михайловна Пипунырова, совхозса медбур доярка, эз бергав аслас сотчыс керка дорын: сийё шойччис-лечитчис Чёрной море дорын.

— Дарьяыд шогысла өні йоймас,— шуис кодкө.

— Со тай и шойччис. Бур, мый көлуйсө көть мый сюрё верним петкөдны.

— Колё жё татшөм пакөстысылы артмыны,— шогисны ныв-бабаяс.

Сьодасисны, мудзисны кусөдчысыяс, но Дарьялыс керкасө горш билыс сідзи и эз вермыны мырддыны. Керка пыддиыс коли сомьн сьөд труба, сотчөм керьяс да пөим чукөр. Дыр на эз разөдчавны сиктса войтыр, жалитисны, коді кызди кужис, море дорын шойччыс нывбабайс.

— Тайөс кө төдіс, дерт, Дарьяыд гортсыс некытчө эз мун.

— Төдан кө, көні усян, водзвыв зьскө идзас вольсалан.

— Ок-ок-ок... Вөлі керка и эз ло. Оз тай весьшөрө шуны: гуся-сыыс кө пө пыралас, керка стеньяссө көть коляс, а биыд ставсө ньылыштас.

Йөзлыс варовитөмсө торкис Семен Матвеевич, совхозса пастук:

— Эм менам сэтшөм мөвп: өтвылыс стрөитны Дарьялы виль керка. Совхоз, ме чайта, отсалас и сиктсөвет бокө оз коль, а сэсса и асьным...

— Дерт жө, дерт жө... Пикө ог воштө, ас морт өд Дарьюшыс. Кытчөкө өд оз мун татыс.

Мөд луннас вылыс мыччысис шонді. Сьөд кымөрьяс быттьө абу и вөвлөмаёс.

Сотчөм керка дорын водз асывсян да сёр рытөдз мурзіс бульдозер. Этша сёрнитисны мудз йөз, но унатор вөчисны налөн киясыс. Пөрысыяс и томьяс, нывьяс и зоньяс — ставөн ноксисны тани. И челядь отсасисны гирысыяслы өта-мөд вежмөн. Весиг дзор пөляс, кодьяс шоча нин петавлісны гортсыныс, бергалісны уджалыс войтыр дорын, велөдісны, индалісны.

Кузьөс гожсе рытьясыд, унатор удитан вөчны. Горйөн нин сэки, кор ставөн уджалөны өтыв. Отияс виль сруб лэптөны, мөдьяс лөсасьөны, коймөдьяс дасьтөны өшинь көсякьяс.

Колины луньяс... Сикт помын мойдын моз өдйө кыптіс неыджыд виль керка. Лунө бана, картинаывса кодь мича. Кор пач тэчысыяс пуктісны медбөрья кирпич, өдзөс вевдорө кодкө велөдчысыяс пиыс тувьяліс мольыда стружитөм пөв да сэтчө гижис: «Дарья Михайловналы сиктса олысыясян и миянсян, пионерьясян».

МИЯН ЭМ ГУДӨК

Ті некод он төдөй менсым пиёс? Жаль. Микулайон шуоны. Дас куим арёса. И нырыс, и вомыс, и щёкаыс — ставыс менам, быттьо кульыштөмаоьс да ляскөмаоьс сылы. Сөмын юрсыс рыжой. Ог төд, кодлыс сійөс босьтөма. Миян рөдын гөрд юраыс некод эз вөв. Зато гожса лунъясө челядь чукөрысь верст сайысь төда, некодкөд ог сорлав.

Эм Микулайлөн и мөдтор, коді оз лөсяв менам оласноглы — вывті радейтө гудөк. Кылас кө көнкө ворсөм шы, котөрөн сэтчө, кызди чери чөскыд сам дорө. Рытывбыд пукалас да кывзас. Ог гө-гөрво, мый аддзөма сэтысь. Весиг гортө оз путьмы ас кадө локны. Мед нин эськө шлөнъялас гудөкасысь бөрсяыс, да өд менө дөзмөдө: гудөк тшөктө нёбны. А мый сылы гудөксыс, зырымбедьлы? Но, нёба, шуам, шыбита комын-нелямын чөлкөвөй, а вежон мысти жу-гөдас.

Сэсса өд пилитны кутас гудөк вылас лун и вой, узьны оз лэдз. Оти кывйөн кө, нинөм балуйтны. Ме тай гудөктөг нэмөс коллялі. Овсис сы вөсна.

Но коть кутшөма эг көсйи, ковмис нёбны.

Кызкө өти арся лунө ме муні вөравны. Нель лун кытшлалі-ветлөдлі паськыд пармаөд. Рөкыд вылө, куим лунсө шлявгис-зэрис. Мудзи, көтаси медбөръя сунисөдз. Пемыднас нин веськөдчи гортө мунан туй вылө. Нопйөй личкө, кокъясөй оз кывзысьны. Жуялі дзи-көдз, коть вод пу улас да узь. Дырөн мыччысис төдса лесопункт. Сэсянь гортөдз кызь километр на. Бур, мый автобус кутіс мунны миянлань.

Вөзйыси сэтчө. Пыри машинаас, а сәні тырыс йөз. Ме моз жө мудзөсь, оз варовитны. Отияс ветлөмаоьс вотчыны, мөдъяс — уджавны. А вөрса туйыд омөлик. Зөркөдлө, чеччөдлө, сійөс и видзөд — кывтө курччан.

Ме водзвылын пукалісны кык зонка. Отиыслөн пидзөс вылас гудөк. Нязгө, мотив ни лад, пельтө коть тупкы. Дум вылө уси гөрд юра пийө. И мый, мися, чөртлы, сылы гудөксыс? Көсйи нин өлөдны зонкаөс төлктөм ворсөмысь, но менө пановтіс мөд морт, брезентөвөй курткаа.

— Ёна жө тэ мучитан коньөрөс, — шуис сійө. — Вайлы ме вор-шышта, а то гаж бырөма.

Зонка неокотапырысь сетіс гудөксө.

Мунам водзө. Брезентөвөй курткаа мортыд варччыштөм чуньяс-нас котөртіс гудөклөн еджыд кизьяс кузя, заводитіс ворсны. Гудөк шыыс первойсө быттьө кыліс омөля, сэсса пыр паськаліс, гораммис. Лөсыда, морыд, ворсө!

Мудзөм йөз ловзисны, меліа видзөдөны гудөкасысь вылө, нюмъялөны. А сійө ворсө и ворсө.

Менам мудзёй кытчөкө воши жö, весиг машиналысь зöркöдöмсö эг кут казавны. Кывза, а юрö локтöны öти бöрся мöд мөвпгяс. Дум вылö усьли аслам том кадöй. Сийö кадыд тай, майбыр, пыр казътывсьö. Эг и тöдлöй, кызди муним кызь километртö. Дарöм важиник гудöк, со кызди бергöдiс миянлысь сёлöмгяснымöс. Пукала да шензя, а аслым кажитчö — меным абу квайтымын арöс, а сöмын на кызь. Кöть сувт да йöкты.

Да, тайö лунсянысь ме кутi радейтны гудöктö. Мöд луннас жö сундукусь перйи нелямын чөлкөвöй, кодöс видзи выль ружье нбöбм вылö, босьти сёрысь пиöс да муним сельпоö.

Öни Микулайлөн выль гудöк. Сийö велалис нин ворсны. Удж помасьöм бöрын вель тшöкыда ая-пия пукалам орччөн. Пийö ворсö, ме кывза.

А мый, колöкө и сийö коркö кутас гажöдны йöзöс? Сы вылö öд и гудöкыс. Ог каитчы, мый нбöби.

Öни менам керкаын быд рыт праздник.

МАМЛЫ ОРДЕН

Тимофей талун эськö дыр на узис: школаö оз ков мунны. Но öдзöсö кодкö пондiс таркöдчыны. «Гашкö, мамö нин локтö?» Тимофей кыпöдчис крöватъысь да петiс восьтыны.

— Шондыс небеса шöрын, а пыр на узян али мый? — порог дорсянь шыасис сиктса почталён Дашö тбöt. — Мамыд нö пыр на фермаын?

— Сэни кö-а... А мый? — чöскыда очсыштiс Тимофей.

— А ме кöйи сийöс ошкыштны, сё пасибö висътавны. — Та бöрын почталён пыралис газетгясөн да журналгясөн польдчöм сумкаö, перйис сэтъысь «Югид туй» газет. — Мамыд воас лысьтысянинсьыс да пыр и сет газетсö, мед лыддяс да нимкодясяс. Зiля уджалöмсьыс со сийöс Ленин орденөн наградитöмаöсь. Вот люббöйд лöб Анналы!

Тимофей быттö лы нылыштiс да виньдiс, пыр на эз эскы, мый висъталiс Дашö тбöt.

— Менсьым мамöс... Орденөн? Ог верит.

— Прöста оз гижны. Со указ правительстволысь йöзöдöмаöсь. Велöдчан öд, лыдды.

Дашö тбöt сбökыд сумканас важөн нин лэччис кильчö поскöд, а Тимофей пыр на видзöдiс газет вылö, кытчö вöли гижöма мамсö наградитöм йылысь.

Кöть окота на вöли туплясьны небыд вольпасъ вылын, но кутшöм нин узбöм, кор почталён вайис сэтшöм бур юөр! Тимофей эз сёй ни эз ю, öдий пасьтасис, пальто зептас суйис газетсö да котөрөн ывлаö.

Котөртө туй кузя, усьөм гөн кодь небыдик лымті. Мыйөн паныдасяс кодкө, пыр и кутас петкөдлыны газетсө.

— Кывлід выльторсө? На көть видзөдлы газетсө.

— Лыдди нин, лыдди, Тимофей. Мамыд татшөм ыджыд наградасө аслас уджөн шедөдіс. Кымын во тай скөт дорын уджалө, пыр медся водзын мунө. И ми тшөтш радлам сы вөсна.

Тимофей бара нин яр вөв моз пызйө-котөртө водзө. Окота унджык йөзлы висьтавны ассыс радлунсө. Паныдасис аслас класса велөдчысь нывкакөд.

— Луиза, кывлін?.. Менам мам йылысь газетө гижөмаөсь. Орден сылөн лоө. Он верит?

— Дыр узян... Вөлись на төдмалін? Асывнас нин радио пыр юөртисны.

Өбиднө лои детинкалы. Көсйис шемөсмөдны Луизаөс, а сйө Тимофейысь водзджык кывлөма.

— А вот тэнад мамлөн абу медаль ни орден,— дөзмөдыштіс детинка нывкакөс.

— Мыйөн тэ төдан? Колөкө, и сылы сетасны.

— Видзөдлам!— ылысянь нин горөдіс Тимофей да вуджис мөд улича вылө, медым өдйөджык воөдчыны фермаө да радуйтны мамсө.

Аслас керка өшинь улын лым зыртис школаса стөрөж Өнтип пөль. Тимофей казяліс да кежис сы дорө.

— Бур асыв, Өнтип пөль.

— Кутшөм нин өні асыв, кор час-мөд мысти рөмдыны мөдас,— стөрөж сатшкис пу зырсө тола пытшкө да читкыра синъяснас видзөдліс өдйө котөртөмысь банийөм чужөма детина вылө.— Э... да ме тэно эг и төд, Тимошка. Пөрысь синъясыд омөля нин адзөны. Гашкө, отсавны көсьян? То, мыйта лымсө сапкөма.

— Некор мем отсасынсө. Мамө дорө фермаө муна. Медся ыджыд радлунсө сылы нуа. Дерт өд, ачыс нинөм на оз төд. Ме первойөн юөрта та йылысь.

— Батыд воө али мый?

— Оз. Сйө өд вежон сайын на курортө муніс. Колөкө, төлысь ветлас. Эн на өмөй кывлы?.. Ой, радысла ме и висьтавнысө ог вермы. Өти кылөн кө, орден миян эм. Да, да... Орден.

— Мыйся ещө ордер? Нинөм ог гөгөрво.

«Сись пель»,— думнас видыштіс школаса стөрөжөс Тимофей, сөсся дзик орччөн сувтіс пөль дінө, весиг кыпөдчыштіс кок чунь йылас, да ыджыд гөлөсөн мөдіс горзыны:

— Абу ордер, а орден. Награда... Москвасянь сетөмаөсь.

— Батыдлы? Семён Петровичлы?.. Зэв бур механизатор. Кутшөм машина вылө пукяся сйө, быдөн кывзысьөны. Төлка морт. Но-но... Зэв рад ме.

Тимофей пуктіс кияссө вом дорас, ещө на ыджыдджык гөлөсөн мөдіс висьтавны:

— Да эз батылы сетны... Гөгөрвоан он тэ? Мамос наградитисны.
— Мый нө сэтшөма шызин? Абу од пельтөм. Катьо пөчид нёр-палө, садьмөдан сийос.

— Он кыв да...

— И мамтө важон колис наградитны. Кызди нө? Татшөм зиль аньос өмөй вунодасны? Оз, мян странаын татшөмъястө оз вунодны. Уджалысь морт медся дона да пыдди пуктана. И сыланкывъяс на йылысь гижоны, и книгаяс.

Тимофей чужом вылын бара мыччысис лышкыд нюм.

— Колөкө, и менам мам йылысь книгасо гижасны. Вот эськө писательос кө корсьны... Гижасны од, Онтип пөль?

— Вермасны и гижны.

— Пыр на радлі. Оні сиктса йөз ставон кутасны завидьтыны мянлы.

Онтип пөль босьтис киас зырсо, гоз-мөдысь шыбитис лимсо да бара шыасис Тимофей динө:

— Тэ кө эськө бать-мамыд кодь жө зиль вөлін. А то төрыт на учительницаыд коколюка кодь двойка пуктөма.

— Оні сэсся оз лысьт омоль отметкатө пуктыны.

— Мыйла нө оз, дышөдчыны кө кутан? Пуктас, ещө кызд... Ордентө сетисны мамыдлы, а эз тэныд. Вермасны двойкатө и морөсад өшөдны. Мамыдлөн орден кутас дзирдавны, а тэнад... Йөз славаон ылөдз он мун. Сийос колө аслыд шедөдны. Талун, көнкө, уроктө эн на и велөд?

— Эг, дерт. Оні на чеччи да...

Тимофей кыв ни джын та бөрын эз шу пөрысь мортлы, надзөникон пегис туй ылө, фермаб кайөм пыдди бөр бергөдчис гортла-ныс. Онтип пөль быттьө надзөникон вөтчис детина бөрся да шөп-көдис сылы пеляс: «Йөз славаон ылөдз он мун. Сийос колө аслыд шедөдны».

ДЕДЛӨН КОЗИН

Диналысь талун пасйисны чужан лун. Дас өти арөс тыри. Лун-нас чукөртчисны гөстьяс: батыслөн чойс Одөття тьөт, мамыслөн пөдругаис Глафира Егоровна, Диналөн пөдругаяс, нельөд класса велөдчысьяс Тоня, Соня да Фаина. И быдөн сьөрсьыныс вайөмабсь козиньяс. Одөття тьөт ньөбөма Диналы лөз дзоридзьяса выль плат-тьө, Глафира Егоровна козьналіс шөвк чышъян. Эз тыртөм кион лок-ны и пөдругаясыс. Тоня вайис мичаысь мича книга, Соня — шоколад плитка, кодөс сәні жө сөйисны өтвылысь нывкаяс. Фаина ньөбөма пөдругаислы носки.

Диналы некор на эз вайлыны та мында козинсö, и сийö радысла инас эз öшйы. То лöz дзоридзьяса платтьöсö пасьтавлас, то шöвк чышъянсö плавкнитлас юр вылас да дыр бергалас нывкаяс водзын. И носкиыс дзик кок сертиыс. Аттьö Фаиналы: кужöма, майбыр, бöрйыны.

Гöстьяс сөйисны-юисны, видзöдисны телевизор, сөсся мöдисны разöдчавны. Медся бöрын мунисны Диналön пöдругаясыс.

— И мыйла мортыдлön вонас сöмын öти чужан лун? — ышлов-зис Дина.— Кык либö куим кө вöли, мыйта пöдарки эськö вайисны.

— Кутшöм на тэ мывкыдтöм,— нюмъөвтис та вылö мамыс.— Гашкö, отсалан идравны пызансö? Декрыд тай эз и волы. Гашкö, висьмис да...

— Ме тай кори-а. Жаль, буракö, лоис пöдарки вылö деньгаыс да сийön эз и лок.

— Ланьт! Позьö öмöй тадзи сёрнитны? Декрыд тэнö сэтшöма ра-дейтö.

«Соня тай öти шоколад плитка и убöлитöма ньöбны. Аслыс ещö пыр задачаяс тэчны отсала»,— ас кежас шуасис Дина.

Арся луныд тай дженьыд. Заводитис рöмдыны. Дина öни эз нин виччысь дедсö, мöдöдчис кино вылö.

— Шоныдджыка пасьтась, көдздöдöма ывлаыс,— кухнясянь велöдис кылö мамыс.

— Мамук, а позьö меным пасьтавны выль платтьöсö, кодöс вайис Öдöття тьöt?

— Талун öд тэнад празднигыс. Пасьтав.

— И юрö пункта Глафира Егоровналысь шöвк чышъянсö. Позьö, мамук?

— Позьö, дитяйöй, позьö. Сöмын эн кынмöдчы. Помасяс киноыд да пыр и гортö лок. Вермас на дедыд пыравны и...

Дина восьлалö сикт кузя; видзöдлас выль платтьö вылö, бөр кизялас пальтосö. Аслыс любöыс. Паныдасьлас кө кодкö тöдсяс пиысь, надзмöдлас воськовсö.

— Машö тьöt, а талун менам чужан лун,— эз вермы кутны радлунсö нывка, кор паныдасис совхозса бригадиркöд.

— О, со вöлөм мый. Мися жö королева моз вöччöмыд. Чышъя-ныд кутшöм мича. Мамыд, көнкö, ньöбис?

— Вот и эн тöд... А платтьöөс кө ещö видзöдлан! Батьöлön чойыс козьналис,— Дина бара разялис пальто кизьяссö и долыда нюммунис.

— Мича, нинöм он шу. Сидзкö, чужан лун талун. Кымын арöс көть тыри?

— Ыдждыд нин... Дас öти. Мамö тай шуö, невеста пö. Но ме котöрги, Машö тьöt.

Уна мортлы на удитис ошйысьны нывка клубын. Кор воис бөр

гортас, дедыс буретш пукаліс пызан сайын да вом тырнас сёйис именича пирөг.

— Лок, лок, Динуш. Вай коть пöльыд кутыштла да тошкалышта.

— Тошкыд тэнад, дедук, дзик тшöть кодь. Пола ме. Дедук, а мый тэ меным пöдаркисö вайин?

— Дина, кызд тэныд абу яндзим?— öлöдис нывсö мамыс.

— Ачымöс со вайи пöдарки пыдди. И ещö мыйкö...— мудера читкыртліс синъяссö дедыс.— Видзöдлы öшинь улад, мый сэтись аддзан.

Дина öдйö матыстчис öшинь дорö и сюся мöдис видзöдны.

— Пу тай кутшöмкö сулалö. Сэсся немтор ог аддзы.

— Абу кутшöмкö, а пельесь пу, медся мича пуяс пиысь öти. Кула мöдысь пöльыд, а сійö кутас быдмыны, гажöдны тэнö да мамтö. Гашкö, казтылан: пöльöй на пö садитліс тайö пельесьсö, кор меным вöлі дас öти арöс. Пельесьысла, гашкö, вит верст сайö кайлі.

Дина коть эз виччысь дедуксяныс татшöм козин, чайтіс, мый внучка нимлун кузяыс сійö нёбас медся чöскыд кампетсö, но дедсö эз көсйы дözмöдны. Гашкö, сы вылö и мортыдлөн кывйис, медым дзєбны ассьыс думъяссö. И нывка кутыштліс дедсö.

— Аттö, дедук. Ме пельесь путö зэв ёна радейта.

— Ме тай вайи-а, ог тöд радейтан он. Сійö тэкöд тшöтшъя кымын. Вот и öтвылысь кутад быдмыны.

Диналөн тайö чужан лунсянь кадыс коли вель уна нин. Важөн нин киссис лöz дзоридзьяса платтёыс, оз нин новлы и шöвк чышь-янсö, коді важмис да вушйис. Киссис и мича носкиыс. Важ, но эм на Тоняён пöдаритём книгаыс.

Сöмын дедыслөн пельесь пуыс быдмö да воысь воö мичаммö. Тулыснас вевттысяс небыдик коръясөн, сэсся еджыд дзоридзьяс мöдасны öшавны. Арнас дзоридзьяссьыс гөрд сикötш мольяс артмöны. Мичаöсь, ылöдз тыдалöны.

Дина вель частö петавлывлö пельесь пу дорö. Малыштас сылысь вöсныдык коксö, меліа шуыштас:

— Ме быдма и тэ быдман. Со менам дедöй кутшöм бур да тöлка. Не сійö кö, тэ, колöкö, эн и быдмы тані.

Пельесь пу сöмын вөрöдчö коръяснас: рад, мый оз омöльтны сійös, пыдди пуктöны, любуйтчöны.

ОТСАСЬЫСЬЯС

Максим Ненев локтіс школаö. Сьöрсыйс егерь вайис быдса стопа посныдык фанера листьяс. Урок помасьöмсö ковмис виччысьны дыр-кодь. Виль школакöд орччөн сулаліс вежыньтчөм керка, кодлөн улыс

судтаыс өшинъясодзыс пырöма муö. Тані коркö овліс поп. Кор сійö пышйис сиктысь, восьтісны школа. Нель во чöж ичöтик Максим дöра сумкаөн котравліс татчö. Öнi со гöгрöс бледіник чужöм вылас мыч-чысисны нин чуқыръяс да съöd юрсиыс кутіс сорласьны дзормыш-тöм пратьясөн. Но челядьдырся воясыс абу на вунöмаöсь. Школаын Максимкаöс примитісны пионерö. Пыр на син водзас, кызди гöрд галстукөн сійö первойысь локтіс гортас. Кöть вöлі кодзыд төв, детинка пöчинокöдз эз кизявлы пальтосö. Кор велöдчис дасöд классын, Невенъя сетісны комсомольскöй билет.

Мöвпъяссö торкис звöнок. Кузь коридорын кутісны юргыны челядьлөн гөлөсьяс.

Анна пасьтасöма прöстöя: еджыд воротника съöd платтьöа, кокас ляпкыд бöра туфли. Невен надзöникөн чукöстіс гöтырсö, кодöс кытшалöмаöсь челядь.

— Аня...

Гöтырыс öдйö матыстчис.

— Т-с-с! Школаын ме тэныд Анна Васильевна. Но мый, вайин?

— Сöмын бурджык художникъяссö кольöд.

— Репинъяс миян абуöсь,— вочавидзис гöтырыс, сөсся шыасис велöдчысьяс дінö.— Көді бура рисуйтчö, кольчылöй: Максим Иванович корö отсавны.

Кольчисны морт кызь. Анна Васильевна вайис краска, кисточкаяс. Плакатъяс гижны лöсьöдчисны мастерскöйын. Челядьлы, кодъяс мөдöдчисны гортаныс, учительница висьталіс, медым аски школаö локтісны зыръясөн.

Максим Иванович юкліс, кодлы мый гижны. Плакатъяс вöліны вөр-ва видзöм йылысь. Зіля босьгчисны гижны. Быдөн старайтчöны öта-мөд вежмөн. Анна Васильевна да вербсыс тшöтш отсасьöны челядьлы. Колис кык часысь дырджык.

— Анна Васильевна, менам эштіс.

— Нолтö лыдды, Миша, мый гижин.

Гöрд юрсиа детинка водзлань чургöдіс пöвсö, öдйö лыддис: «Öти пуысь позö вöчны миллион истöг тув. Öти истöг помысь вермас сотчыны став ягыс. Вөр — миян озырлун. Эн лэдз сійöс сотчыны!»

Муртса на Миша помаліс лыддьöмсö, ассыс уджсö петкөдлö нин дженъдик көсаа Оля: «Парма миянлы козьналö унатор: вөр, тшак, вотöс, зверь куяс, пöткаяс, и ставсö дон босьттöг. А мый тэ вöчин тайö озырлунъяссö видзöм кузя?»

— Молодеч, Оля,— Максим Иванович малыштіс нывкаöс шыльыд юрöдыс.— Лöсьыда гижöмыд.

Некод эз көсйы кольччыны. Пыр частöджык кылісны гөлөсьяс:

— И менам эштіс.

— Видзöдлöй, шогмас оз.

— Ура, помалі!..

Костя Шаньгин весиг рисуйтöма плакат помас пицала мортöс,

кодi метитчö йöралы. А улиас гижöма: «Потшам туйсö вөр-ва рözöри-тысьяслы!» Быдөн виччысьöны, мед эськö найöс ошкыштас Максим Иванович. Ненев унаысь аттьöалис найöс. А челядь мелi кывтö, ок, кутшöма радейтöны!

Мöд луннас сизимöд класса велöдчысьяс, Анна Васильевна да Максим Иванович юрнуöдöм улын, мöдöдчисны вөрö. Кианыс унджыкылөн зыръяс. Сьöрсьыныс босьтисны и плакатъяс, кодъясöс гижисны тöрыт.

Плакатъяссö тувъялисны вөрса туйяс пöлөн, кытi ёнджыка вет-лöдлисны вöралысьяс да вотчысьяс.

Көнсюрö сярвидзисны пув розъяс. Воасны татшöминас — и велöдчысьяс панласиттырйи уськöдчасны вотöс сёйны. Пувыйс воома нин, чöскыд. Зерыштöм бöрын шочиника мöдöдчöма петны и тшак. Кор зонпоснияс кутисны шыблассны тшакөн, Максим öлöдiс найöс:

— Тi тай пакöститчад...

— Ми öд мичаяссö ог вөрöдöй, — дорйысисны челядь.

— Бурджык лоö, öшланныд кө найöс пу вожъяс вылö. Кутшöм бур вöлöга лоö уръяслы.

Та бöрын, мыйөн паныдасяс гöрд гоб либö уртшак, челядь пырысьтöм-пыр öшлисны найöс уръяслы. Зыръяс отсöгөн пöрöм вужляяс дорö вöчисны и таръяслы, сьöлаяслы пуртикасян местаяс.

Медбөръя плакат тувъялöм бöрын ставөн пуксисны шойччыны ичöтик шор бокö. Ваыс сэнi синва кодь сöдз. Кутан кө юны, кодзыдысла пиняд ёнтыштас. Велöдчысьяс казялисны шорсьыс чунь кузя чериясöс, кутисны шыблавны налы нянь крöшкияс.

— Ланьтыштлöй, — Максим чургöдiс чуньсö водзлань. — Нолтö кывзöй, кодi сьылö?

Ставөн заводитисны кывзысьны. «Ти-у-у-ти»... — пожöма ягсянь кылис вöсньыдик гөлöс.

— Кодi нö татшöм лöсьыдасö сьылö? — велöдчысьяслысь юалис учительница.

— Дозмөр, — шыасис Оля.

— Вот и абу, — шензис Миша.

— Ме тöда, — лэптiс кисö Костя Шаньгин. — Сьöла. Тöдi öд, Максим дядь?

— Молодеч, — ошкыштитiс детинкаöс егерь.

Посёлокö бөр мунигөн быдөн лэччöдiсны пуяс. Уна пу садитисны тайö луннас посёлокса уличаяс пöлөн велöдчысьяс.

КОДЗУВКОТКАР

Сима да Дима асывсяныыс вуграсисны Эжва ю дорын. Луныс сэтшөм жар, быттьо көнкө орччөн бипур ломтысьо. Чери кыйысыяс пуксьомадьс шоныд лыа вылө, синъяссө оз вештывны ва нбылыд кывтысь пробкаяс вылысь. Талун мыйлакө омөля видласьо чериыс. Дитинаяс сой мудзтөдзыс нин өвтчисны кузь вугыршатыясөн, а кыккуим кельчи сөмын и удайтчис кыйны. Вугыр помсыс нетшкөны нидзувъяссө кутшөмкө чериас, а асьныс оз шедны, мудеритөны, дөз-мөдөны детинкаясөс.

Берегсян дзик орччөн нюжөдчөма гажа яг. Чөла сулалөны сәни веськыд пожөмъяс. Кок уланыс вольсалөма еджыд яла. Тувччан еджыд нитш вылас — дзуртны мөдас. Шочиника сетласны гөлөссө ләбачьяс. Пукалөны көнкө гож сайын да виччысьөны, кор омөль-джыка мөдас яравны шонди.

Шойччө Эжва. Ни өти тшупөд сы вылысь он казаяв. Ю вылас пуксьом чөвлунсө сөмын корсюрө торкласны өдийө төвзысьс мотора пыжъяс либө теплоходъяс. Сәки недыр кежлө кыптыласны гыяс, ускөдчыласны берег дорө, заводитасны понъяс моз эргыны, сәсся вочасөн, бырө вынныс да, бөр ланьтасны.

— Димка, гашкө, купайтчыштам? — шыасис Сима другыс дорө.

— Позьө... Сөмын улөджык ләччам, мед чериасыс оз повзыны.

Кык друг, быттьо команда серти, сутшкисны шатинъяссө лыа берөгө, шыбитисны ас вывесьныыс паськөмсө, сәсся, өта-мөдсө тойлалгытыр, мөдисны котөртны берег пөлөн увлань. Вель ылөдз мунисны. Пырисны ваө и мөдисны польтыкасыны уткапиян моз.

— Кар-р-р... Кар-р-р... — көнкө дзик матын чукасисны ракаяс.

Дитинаяс весиг эз видзөдлыны горзысь ракаяс вылө, резсьөны, дурөны, сунгысьласны ва пытшкө.

Эз и казаявлыны, кыдзи ва нбылыд төвзис пур кыскалан ыджыд катер. Пызан судта гы лөдзьяс кыптисны ю вылын. Дитинаяс котөрөн петисны берөгө, кайисны вылөджык, кытчөдз оз во гыис.

— Мед көть вугыр шатынымөс гыис оз ну, — кутис майшасыны Дима.

— Эн пов, — бурөдис сийөс Сима.

— Лок видзөдлам. И нидзув дозным вермис кылавны, — бара мөдис майшасыны Дима.

Сима, кияс вылас мыджсьөмөн, кыпөдчис лыа вылысь и горөдис другыслы.

— Панласям...

Дималөн көть кокъясыс вөліны кузьджыкөсь Сима дорыс, но суөдны сийөс сідзи и эз вермы.

Муртса кутисны воны паськөмъяс дінас, кер бокусь кыпөдчисны кык рака да, бордьяснас шенасигтырйи, ләбзисны берег дорын сула-лысь джуджыд пожөм вылө.

— Вот ад горшъясыд. Черинымос сёйомаось!— скóраліс Дима.— И мыйла ме кывзыси тэнсыд да купайтчыны муні?— Сэсся босьтис из и өддзөдчөмөн шыбитіс ракаяслань.— Шышъяс! Борднытө тiяныльсь колө чегны! Ук...

— Дим, а Дим... Кытчө нө нидзув банкатө пуктылін? Некөн тай нө оз тыдав.

Дима пуксис лыа вылө, кутчысис юрас.

— Гыыс, көнкө, нуис. Вот и вуграсим. Ставыс тайө тэ вöсна. Некор сэсся тэкөд вуграсьны ог мун. Аддзылан сэк...

Лөгасисны кык друг, но недыр кежлө.

— Да тэ эн шогсы, Димка. Лок кайлам ягас да кодзувкоткар корсям. Төдан, кутшөм ёна шедөны чериясыд кодзувкот кольнас,— чөвлунсө торкис Сима.

— Кытысь ещө аддзан сійөс?

— Аддзам. Эн өмөй казавлы татчө локтигөн, пожөм пу бокас тай турун юр кодь вөлі тыдалө...

— Ветлам, сідзкө,— бурасис Дима.

Сима, вөлөмкө, абу пөръялөма. Другъяс регыд и аддзисны турун юр судта кодзувкоткар, кодөс вөрса олысьяс кыпөдөмаось джуджыд пожөм бокө.

Мый сэн вөчсис! Уна сө кодзувкот кыпөдчөма асланыс керка вылө. И поз гөгөрыс быдлаын жуёны. Отияс кыскөны-вайөны позъяс ас дорсьяс кузьджык турун либө лыс ем, мөдъяс — мунөны кытчөкө.

Оти позйын, гашкө, дас тысяча олысь. Вот тайө керка! Вот тайө кодзувкоткар!

Кор детинаяс матыстчисны кодзувкоткар дорө, сәні олысьяс пыр жө пондисны дзёбсявны позъяс. Унаөн уськөдчисны кортөм гөстяс вылө, кутісны курччавны налысь көмтөм кокъяссө.

— Вай пазөдам позсө, өктам қольяссө да тэрыбджыка пышъям татысь,— велөдис другсө Сима.

Кыкнаныс босьтисны бедьяс, заводитисны шыблавны өтарө-мөдарө кодзувкотъяслысь позсө. Кор артмис вель ыджыд гуран, тыдовтчисны посныдык еджыд қольяс. Дима да Сима босьтасны татшөм қольсө, пуктасны тыртөм изтөг көрөбкаө и бара мөдасны лукйысьны.

— Ой, кутшөма курччасьөны,— жөдзис Сима.

— Менам кокөй и киөй нин зөлитө. Ойдөджык чукөрт, а то...— Дима эз на удит помавны висьталөмсө, кызди кодкө кызөктіс дзик орччөн. Детинаяс ләптисны юрнысө и чуймисны: насянь кык метр сайын сулаліс лесник Силантий! Кисө пуктөма қоскас, синъясыс скөрөсь.

— Сідз, сідз... Эг чайтлы, мый тадзи ті верманнды пакөститчыны. Қолөкө, асьныд ещө школаад гөрд галстук новлад.

— Ми өд... Но, кызд тэд висьтаваны...— заводитліс дорйысьны Сима, но сійөс пыр жө торкис Силантий:

— Код вылө ті ләптіннды қиястө? Кодлысь позсө жуғліннды?

Он өмөй төдөй, мый кодзувкотьяс ыджыд польза вайоны вөр-ваыс-лы: найо бырөдөны ковтөм гагъясөс, пуяссө видзөны висьмөмысь, турун да дзоридз кйдысьяс разөдөны, медым быдлаын вөлі мича да гажа. Ньөръявны эськө тиянөс татшөмторсьыс. Ак, зимогорьяс...

— Силантий дядь, ми кольяссө сөмын көсийм чукөртыштыны. Чери вугравны... Сам вылө,— дорйысис Дима да ылөджык вешийс скөр лесник дорысь, мед оз ньөръяв.

— Пышьям,— вашнитис другыслы Сима. Көть и надзөн шуис, а лесник, буракө, кылөма, дарөм тай пөрысь. Сюсь на пельыс.

Пөрысь морт пöлыньтыштыс юрсө, бара сатшкысьлис синьяснас пакөститчысьяс вылө.

— Кужид жугөдны — кужой и вөчны. Налы, посни олысьясыслы, төлысь чөж ковмас тильсьыны, медым дзоньтыны керканысө.

Детинаяслы эськө эз вөв окота ноксьыны, лөсьөдны кодзувкот-кар, но немтор он вөч. Он кө кывзысь, Силантий дядь и учительяслы вермас норасьны. Янөдасны став велөдчысьяс водзас.

Пузымтисны кодзувкотьяслысь керкасө здукөн, а лөсьөдны сийөс ковмис вель дыр, создөн-создөн чукөртны шыблалөмторсө. Кодзув-котьяс курччалөны налысь княссө и кокъяссө, водзөс мынтөны де-тинкаяслы.

— Öнi, войтыр, верманныд мунны. Сөмын сетөй кыв, мый некор онө кутөй өбидитны кодзувкотьясөс,— медбөрын кылис Силантийлөн гөлөс.

— Огө! Огө! Некор огө кутөй тадзи вөчны,— өтпырйөмоз воча-видзисны Сима да Дима и тэрыба мунисны ю дорө.

ЗОЯЛӨН МА

— Лөсьыд жө нин, майбырөй, парма-ягад! Пөрысьми тай, пө-рысьми, воис кадөй. Оз нин нуны кокъясөй чөдла, озла, пувла. Да и синьясөй оз нин аддзыны важся вотчан места. Ветлывлім том дырийн гажа ягъясө. Вотлывлім тай тшакъяссө ыджыд кузовө. Төвбыд кежлө вөлөга лөсьөдлім, ыджыд пельсаясө тшакъястө солавлім. Сэтөрыд, өмидзыд — быдторйыс вөлі. Телега тыр вөлі тшак-пувтө вайлам, көть гортсян матиникө вөлі кайлам.

Кылис пөчыслысь лөвтөмсө Зоя — жаль быдөн лон сийө:

— Эн шогсьы, бабук. Ме өд ыджыд нин. Арнас быд лун кута вотчыны. Чөд вая, сэтөр. Пукав да сөмын сөй. Мамө варенньө тэныд пуас, чөскыдысь чөскыдөс, кывтө ньылыштан.

— Видзөдлам, арөдзыд абу нин ылын. Бур йөзыс тай висьталө-ны, быттьөкө пө таво некутшөм вотөс оз ло. Жар гожөмыд ставсө косьтөма. Сийөн өд и майшася да шогся. Оз нин, мися, удайтчыв

чѳмасъштны чѳскыд вотѳсъсѳн да тшакъясѳн. Дыр нин ола му вылас, а татшѳм жар поводдяыс важѳн нин эз вѳвлы.

А гожѳмыс таво и збыльыс аслыссама. Быд лун, водз асывсыань сѳр рытѳдз, сотѳ шондѳ. Гѳгѳр косьтѳс. Быдса тѳлыс эз зѳрлы. Видз вылын уджалысыяс ошйысѳны: «Бур и турун таво сюрукъяслы лѳсьѳдѳм. Сѳдзкѳ, унджык йѳв да вый лоѳ». Пароходъяс вылын ветлысыяслы, мѳдарѳ, шог: «Дзыкѳдз косьмис ѳжва юным, пуръясным сѳбдалѳны, веськыд сѳ мат».

Велѳдчыны заводитчытѳдз коли дас лун, а Зоя гортас ни ѳти наберушка чѳд ни пув эз на вайлы. Да и кытыс ваян, кор некѳн нинѳм абу. Кѳсйысылѳс эськѳ пѳчсѳ быд чѳскыд вотѳснас чѳсмѳдлыно, но он на босѳт.

Гоз-мѳдыс нин аслас пѳдругаяскѳд Зоя ветлѳс вѳрѳ, а сѳнѳ тшак ни вотѳс абу. Быдлатѳ кытшлаласны, а сиктѳ локтасны тыртѳм дозъясѳн, стѳкан тыр вотѳс весиг оз чукѳрмы. Сѳмын видз гриваяс вылын тыдалѳны польдчѳм лежнѳгъяс, найѳ банйѳмаѳсь, гѳрдѳдѳмаѳсь, ѳшалѳны сѳтшѳм чукѳрѳн, лежнѳг кустыслыс вожъяссѳ весиг личкѳмаѳсь.

А мый лежнѳгъыд? Ваян кѳ сйѳс гортад, сѳмын серавны тѳ вылын кутасны.

Зоя тѳдѳ, мый лежнѳг вотѳссѳ найѳ сиктын некѳд оз чукѳрт, лыддѳны сйѳс медся ковтѳм вотѳсѳн. Челядь сѳмын корсюрѳ чѳс-масылѳны сйѳн.

Школаѳ мунтѳдз коли кык лун. Зоялѳн пѳчыс бара асывсыаньыс кутѳс лѳвтны: «Пѳрысыммим тай, пѳрысыммим. Воис кад... Сѳдз нин, тыдалѳ, лоѳ кувны: вотѳс ни тшак ог аддзыв. Со став лыясѳй юкалѳны, сѳлѳмѳй ортсѳ кѳсйѳ чеччыштны. Ок-ок-ок... Кытчѳ бара вошѳма, кытчѳ бара кольѳма том кадыс? Верми кѳ эськѳ ветлыны, кокъясѳй кѳ нулѳсны ягас да видзъяс вылас! Кыс нин... Овсьѳма, буракѳ...»

Ещѳ на жаль лои Зоялы пѳчыс. Водз асывнас бара мѳдѳдчис вотчыны. Ылѳдз, майбыр, оз ков мунны. Петан керкасыд — вѳрыс орчча, видзъясыс зѳв жѳ матынѳсь. Нывка пѳдругаяссѳ эз нин нуѳд, ѳгнас мѳдѳдчис. «Гашкѳ, пумѳн тшак сюрас, сѳки пѳчѳлѳн сѳлѳмыс бурмас».

Лунтыр ветлѳдлѳс Зоя видз гриваяс пѳлѳн, гѳгѳр видзѳдѳс, куим тшак и паныдасылѳс, да и то номырѳсь. Дзыкѳдз шогѳдѳс Зояѳс, бара тыртѳм наберушкаѳн ковмас мунны гортас.

Пукис пушкыра лежнѳг куст дорѳ, а сѳнѳ ѳшалѳ уна сѳ польдчѳм лежнѳг йыв.

— Тѳянѳс кѳть ѳкта. Гашкѳ, кытчѳкѳ и шогманныд. — И мѳдѳс шыблавны гѳрдѳдѳм лежнѳг йывъяссѳ наберушкаас. Ылалѳ быдсѳн. Быттѳ вотѳ оз. Аклялыштас вотѳссѳ вокас — чѳскыд и юмов.

Рытъявылыс нин Зоя воис сиктѳ. Лежнѳг йывъяссѳ чукѳртѳма ыджыд наберушка тыр.

Эз на удит пырны гортас, нывкаос аддзис сиктса врач Сергей Сергеевич.

— Вот тайо тэ добра чукөртөмьд, Зоя. Витамин. Висьысьяслы да пöрысьяслы медбур лекарство. Мед талун жö мамыд пуас лежнөгсьыс варенньö. И менö тшöтш корлöй сёйны.

Сэсся Сергей Сергеевич висьталіс, кыдзи колö лежнөгьыс пуны варенньö. Зоя видзöдіс врач вылö, кывзис сылысь висьталöмсö, а ачыс пыр на эз эскы.

— А мыйла öнөдз лежнөгсö мян сиктсаяс некор эз вотлыны?

— Oz тöдны сылысь коланлунсö, сійөн и оз вотны. Унатор на йöзыд оз тöдны. Со босьтам пельысь, льöм, жов. Мыйта найö быдмöны видзьяс вылын, но некод тайö быдмөгъяссö оз донъяв. Кутшöм ыджыд пöльза эськö найö вайисны йöзлы — видзисны налысь дзонь-видзалунсö, бурдöдісны висьöмъяс.

Зоялы та бöрын сьölöм вылас лои сэтшöм кокни, сьылгтыр пырис гортас.

Сійö жö рытнас мамыскöд лежнөг вотöсысь пуисны варенньö. Вöчисны ставсö сідз, кыдзи велöдіс врач.

Вежон мысти пöчыслы тыри öкмысдас арöс. Зоя восьтіс варенньö банкасö да пунктіс сылы ныр улас.

— Бабушка, тайö мясян тэныд козин! Видлы, чöскыд абу.

Пöчыс босьтіс ичöтик пань, кыв йывнас видліс варенньöсö да дыр тяткөдчис.

— Мый нö тайö татшöм чöскыдыс? Дзик тай ма көра-а...

— Ма и эм тайö, бабуль. Войвывса ма. Кутан кө сёйны сійöс, сё воөдз олан.

— Дивö тай... Лежнөгьыс али мый? Нэм чөж олі да медводдзаясь татшöм чöскыдторсö паняла. Аттьö тэныд, внучка. Бара быттьö гажа ягö волі, веж луд вывті восьлалі, ассым том кадöс казтьылі. Сё пасибö, абу вунöдöмьд пöчтö. Сьölöм бурмытöдз чöсмаси.

АТТЬÖАЛАНА КЫВ

Арся поводдяыд ылöдчысь морт кодь жö: то шонді регыдик кежлö мыччысьлас, то вильыш төв ассьыс вынсö петкөдлас. Зэрмас кө нин, кыдзи ярмөм вөв, регыдөн оз сувт. Лунтыр вермас бөрдно, тырмö тай, майбырлөн, синваис.

Зэра поводдя дырйиыд бурджык вөрö не петны. Лёкмас кө поводдяыс, öдйöджык дзебсьыс вöралан керкаö либö пушкыраджык пу улö. А то көтасян юр вывсяныыд кок улöдзыд, медея бур плащ оз отсав. Вөр пöвстөд кыссигөн быд пу тэнö кутас мыськавны-көтöдны.

Буретш öти татшöм арся лунö понкөд ме вöралі гортсян вель

ылын. Эз на вöv и öбөдайтан кад, кыдзи букшасысь енэжсян мө-
дисны войтавын кодзыд зэр войгыяс. Вочасөн зэрыс öддзис и öддзис,
быттьö думнас көсийс тешитчыны миян ылын. Пон котöртыштас
мыйкö мында, сэсся сувтыштдас да пыркнитас ас вывсьыс васö. Бу-
ракö, зэрыс оз и ёна сийöс дöзмöд.

Меным тай дзык сё мат: көтасис плащöй и гачöй, сьöктаммис
мышкын öшалыс ноппöй. Вөр керкаöдз тасянь зэв ылын, гортö
лэччан туйыс ещö на кузьджык.

— Эк, Реке, Реке... Талун кө гортын пукалим, бурджык эськö
вöли, — сёрнити ме понкöд.

Недыр мысти паныдасис векныдидик шор. Ваыс сэни сэтшöм сös-
тöм, быд из тыдалö. Шорсян неылын кык ныв пу сулалö. Кызöсь,
дждуджыдöсь. Пуяслөн лапгыасыс сэтшöм сукöсь, зэр войт весиг на
пыр оз прöйдит.

Эг чайт, мый татшöм бур патера виччысьтöг сюрас. И кос пес
пу улас тыдалö, бипур позьö вöчны. А көни би, сэни и шоныд. Пась-
көмөс поэяс косьтыны, зэрыслысь дугдöмсö виччысьны, сёйны и
шойчыштны. Мый нö таысь бурыс пикö воём мортлы?

Овмöдчи вөр керкаын моз бура. Небыд лыс лапгыасысь вöчи воль-
пась. Бипур öзти, чөскыд ключ ваысь чай пузьöди.

Пу улын кыдзи лэб улын: зэр ни төв оз дöзмöдчыны. Пукав да
сöмын вуграв. Көтасыём паськөмысь пуркйö ру. Шоныдыс весиг сьö-
лөмöдз пискöдчö. Понйöй со нюжöдчöма пу бокö, сингыссö весиг
куньöма, узьö, тыдалö. Эз öд этша котрав асывсяныс.

Зэр сідзи и эз лөнь, шлявгö и шлявгö. Ковмис узьмöдчыны ныв
пу улын. Юрлөс пыдди пукти мешöкөс, плащөн шебраси. Лөсьыд,
быттьö гортса крöвать ылын узян, а он көнкö вöрын, пу улын. Би-
пур дінсян онялö шоныд. Яра ломтысьö кос пес, кодöс абу на уди-
тöма көтöдны зэрыс.

Вочасөн мөдис пемдыны. Букшасысь енэжыс лои ещö на сьöд-
джык. Пон лэптылис юрö, кывзыштис мыйкö, сэсся бөр крукыльтчис
ме бокö.

Арся войыд тай кузь. Бокгыяс доймытöдз куйли, пöттöдз узи,
унаысь шыблавли бипур вылö рытсаяныс на чукöртлөм пес, а пыр
на оз югды.

Бвлаын оз нин зэр. Кузятö бөрдігөн, тыдалö, кымөргыасыслөн
косьмис синваыс. Зэр пыдди öни вынийöра төв пушкис. Тöлыс вöли
сэтшöм вына, весиг ныв пу, код бокин вöли менам вольпасьöй, дуг-
дывтöг катласис öтарö-модарö, инас эз öшйы.

Кор дзыкöдз югдис, ми понкöд сёйыштим, сэсся заводитим лөсьöд-
чыны бара петны туйö, гыжмавын паськыд парма кузя.

Кусöди бипур, кодi войбыд миянөс шонтис, öшöди пищальöс пель-
пом вылö. Понйöй пыр жö котöртис вөрö. Тöдö, майбыр, ассьыс удж-
сö. А ме вель дыр на эг вермы эновтны орччөн сулалысь кык ныв
пу. Кыдзи эськö колляли кузь арся войсö, эз кө найö паныдасыны

тайо варов шор дорас? Найо со видзисны вөралысьёс зэрысь и төлысь, узьтөдісны асланыс пушкыра лапъяс улас.

Кызди нө та бөрын пуясыслы аттьоалана кыв он шу, сьөлөм бердад бур казтылөм на йылысь он коль?

ВӨРСА КЛЮЧКӨД СЁРНИ

Бара тай со аддзысим, вөрса сөстөм ключой. Бара тай со юышта тэнсьыд чөскыд ватө. Тэ, гашкө, эн и виччысь, а ме вот локті. Позис, дерт, и не кежавлыны тэ дорө, пармаад өд абу этша шоръясыс, быдөн эськө юктөдісны, горшөс веськөдісны. Но век жө сьөлөмөй тэ дорө кыскис, кокъясөй татчө вайөдісны. Важ төдсалы моз ме тэныд та йылысь ставсө веськыда висьтала, ошйысьтөг ни кулиттөг.

Эн кө вунөд, ключанөй, уна вояс чөж нин ме тэ дорө волывла. И сямөд чибликөй со пыр на тані. Кольөм во ме сійөс вөчлі сёр арын нин, кор медбөръяысь чөсмасьлі тэнад көдзыд да аслысног чөскыд ванад. И мырйыс со сулалө, көні вөрө волюсьяс вель тшөкыда пукавлөны, шойччыштөны вотчөм да вөралөм бөрын.

Мам йөв кодь жө тэнад ваыд сөстөм, чөскыд да колана быд мортлы. Гожөмбыд тэ пыр тыдалө быд из, кодъяс куйлөны тэнад гөгрөс кудйын.

Тэнад ключсянь ичөтик шор визувтө, дзольгө-көтөртө шы ни төв, оз ышнясь, оз ошйысь аслас мичлуннас.

Тэ гөгөр со мичаысь мича дзоридзьяс быдмөны. И вөсни кока пельысь пу тэкөд орччөн овмөдчөма. Төдөмысь, и найөс тэ, вөрса ключой, быд лун юкталан аслад чөскыд ванад. А найө таысь тэнө гажөдөны, видзөны.

Таво вылө тэ, дона ключой, первойысь на менө юкталан. Эн дивит, эн вөйп, мый дыр эг вермы волюны тэ дорө. Кадыс тай пыр мыйкө оз тырмы.

Вот отпускө регыд пета. Сэки нин ме тэнад быдлунъя гөстьөн лоа. Пөттөдз любуйтча тэнад мичлунөн, кагалөн кодь сөстөмлуннад. Гашкө, и тэсянь неылын ичөтик вөр керка пукта, медым вөралігьясөн юр сюянін вөлі.

Но вот шойччышти, чөсмасьшти тэнад ванад, ключанөй, а өні позьө и водзө мөдөдчыны. Туйөй өд абу на дженьыд. Гортө вотөдз ковмас на сувтлыны тэ кодь жө ключ дорө.

Прөщайтчан кыв тэныд ог висьтав. Бурджык, шуа кө: «Вылысь аддзысьлытөдз, ключой-вокөй!»

КАТЯ ДА КАТШЫС

Еджыд юрсиа Катя пукаліс зорөд бокин, тяткөдіс-сөйис вя нянь. Нывкакөд паныдөн куйліс сувтса пельяса Катшыс да нюліс вом дорсө. Виччысис Катялысь чөскыд кусөк.

Катя чегыштас нянь торсө, көсьяс шыбитны понлы, но оз шыбит, ылөдлө. Катшыс видзөдө мелі синъясөн, өвтчө шылыыд бөжнас, быттё көсйө шуны: «Вердышт и менө, Катенька, кынөмөй сямалө».


А Катя оз гөгөрво. Сйө нарошнө пон ныр улө вайөддлас няньсө. Эльөдө, дразнитө. Дуригас эз и казавлы, кисыс уськөдіс ичөтик нянь тор. Катшыс тайөс и виччысис. Тшапнитіс вомнас, чөскыда гулымтіс.

Скөрмис нывка. Мый вынсьяс чужйис понлы морөсас. Катшыс нораа ойөстіс, дзевсис бадь кустьяс сайө.

Некодөс лои обидитны Катялы. Гажтөм өтнаслы. Мамыс да чоыйс куртөны, пон пышйис.

«Ветла өмидз сөйны»,— думыштіс нывка и мөдөдчис видзьяс кузя.

Кымын ылөдз муніс Катя, сымын унджык өмидзвыс. Нывка тяткөдө вомсө. Ок, чөскыд! Лунтыр көть чөсмасяс юмов вотөсөн.



Ёна на эськё сёйис өмидзсё, но юр весъттыс кутіс лэбавны чуш-канзі. Повзис Катя. Вель ылөдз котөртіс кустъяс дінысь.

— Ма-мө!— повзис да горөдіс сійө.

Өтиклаө уськөдчылас, мөдлаө... Мамыс ни чойыс некөн оз тыдавны. Некусь оз аддзы и төдса зорөдсө. Жар лои, пөрччис чышь-янсө.

— Ма-му-ук! Чо-йө!

Оз, некод оз шыась. Гөгөр шы ни төв.

— Ой, воши!— и Катя ыджыд гөлөссн бөрддзис. Дыр на эськө лимзаліс, да пуяс сайсянь мыччысис понйыс.

— Катшыс, донукөй! Мамө дорө нуөд,— бөрдігтырйи кевмысис Катя.

Пон оз матыстчы, пыр на, тыдалө, скөралө нывка вылө. А Катя чуксалө сійөс, бөрдө. Дыр мысти нин Катшыс матыстчис, нюлыштіс нывкалысь өмидз дука кисө.

— Нуөд, Катшыс, тэ жө зэв бур,— чышьян помсө сетіс понлы нывка. Катшыс курччис вомас чышьянсө и ас бөрсяыс заводитіс кыскыны бөрдысь Катяөс. Тадзи найө мунісны вель ылөдз. И сэки, сук бадьяс сайысь, Катя аддзис мамсө.

— Мамук!— ылысянь на горөдіс сійө и бөрддзис ещө на гораджыка.

Та бөрын Катя некор нин эз нөйтлы төлка Катшысөс.

ВОДЗ ЧЕЧЧЫСЬЯС

Быд мортлөн эм шуда кад: өтикъяс лөсьөдчөны пасйыны ним-лун, кодлөнкө чужөма пи либө ныв, мамыс да батыс радлөны, кор налөн челядьныс помалөны среднёй школа либө институт.

Быдөн виччысьөны и празникъяс, кодъяс вонас овлөны не этшайсь.

Но войвылын олысьяслөн овлө ещө өти шуда кад, кодөс вөр-ва радейтысь виччысьө празник моз жө. Радейта тайө кадсө и ме.

Пуксяс гожөм, лунъясыс лоөны кузьөсь, войясыс югыдөсь. Паськыд пармаясын воасны вотөсьяс, гажя ягъясын, видзьяс да лудъяс вылын мыччысясны дона гобъяс, масленик чукөръяс, иванчикъяс, чөскыд рыжикъяс, виж юра гобъяс, уна пөлөс мукөд тшакъяс.

Водз садьмөны вотчысьяс. Субөтаө да вөскресеннёө куйм час асывянь карса уличяс кузя журъялөны нин вотчысьяс тыра автомашинаяс. Кылө асфальт кузя тэрыба вөсьялалысь кок шы. Быд мортлөн кианыс көрзинаяс, ведраяс. Унаөн мышканыс өшөдөмаөсь пестеръяс, тшак-вотөс улө лөсьөдөм кокныдык ящикъяс.

А тэрмасьонысö кызди! Оз тай, майбыргъяслөн, узьсы, öдйö жö шельöдöны кокъясныс. Бытгö оз вөрö мунны, а празник вылö.

Öтикъяс тэрмасьöны машинаяс да автобусъяс вылö, мöдъяс веськöдчöны пристаньлань, кысянь вотчысыясöс новлöдлöны теплоходъяс.

Оз пудъясөн, а тоннаясөн вайöны ягъясыс тшаксö. Быдөн старайтчöны кузь төв кезлö косьтыны да солавны найöс, медся песни да чöскыд гобъясыс вöчны маринад, вотöсъясыс пуны варенньö либö косьтыны найöс.

Шуда кад! Вунöдан öмöй август да сентябрь лунъяссö, тшак либö вотöс тыра медводдза кöрзинатö, кодöс ваян мудзыдкöд тшöтш гортад?

Паныдасян дона гобкöд — жаль быдсөн босьтны сийöс, сэтшöм мича, банийöма, кыз кока. Том гöрд гобöс аддзан — бара копыртчылан да нюмгёвтан сылы.

И вотöсъясөн озырöсь овлöны миян пармаяс. Вотчысыясöс медводз аддзылан мырпома нюръяс вылыс, кодi кисьмö мукöд вотöсъясыс водзджык. Сөсся чöдлач, гöрд сэтöр, оз, чöд воасны. Кызди нö он ветлы найöс вотны?

Кодi нö оз радейт öмидз, пув, сьöд сэтöр, турипув? И найö виччысыöны миянöс, сöмын сёрöнджык, гожöма-ара костас.

Вөр-ва радейтысыяс пиыс сентябрын быдөнöс нин позьö нимтыны арся купечьясөн. Кöзöдъяс вылын, гöбöчъясын, дзескыд холодильникъяс пытшкын, балконъяс вылын уналөн сулалöны вотöсъяс да тшакъяс тыра быд сикас дозмукъяс.

Вичмö уджыс арся лунъясö и заготовительяслы. Налы колö заптыны уна тонна вöрса козинъяс, медым наөн вермисны чöсмасыны не сöмын миян йöз, но и рубежсайса войтыр.

Кодi öтчыд кöть петалас вөрö тайö шуда, вунöдлытöм лунъясас да аслас синъясөн аддзылас вөр-ваислыс томлунсö, кодi пуктас муöдз копыр тшакъяслы да вотöсъяслы, дыр кутас казътывны та йылыс.

ГАЖТÖМ ЭСЬКÖ ВÖЛІ...

Тулыс быд пöрийö вайö мортлы радлун. Сылыс воёмсö виччысыöны пöрыс йöз и томъяс. Кор восьлалан улича кузя, окота сувтыштлыны да кывзыштны лöбачьяслыс мыла сьылöмсö, тувсов шоръяслыс ызгöм-гажöдчöмсö. Чатöртчылан помтöм-дортöм енежлань — шондiыс синъястö ёрö.

Со воёмась нин шоньд муясыс, саридзъяс сайыс сьöд ракаяс, шöвк морöса скворецъяс, кузь бöжа сырчикъяс. И сынöдыс быт-

т'ькө чөскыдджык. Рытнас окота лэччывны Сыктыв берег дорө, ме-
дым дыр мысти выльысь видзөдлыны ойдөм ю вылө. Йи бөжыс эз
удит саявны, а со нин дзижъялө тэрыб теплоход, нырсө качөдөма
катер. Вына буксир со нин петөма медводдза рейсө пурйөн.

Бара воис гөра-көдза кад. Шызисны паськыд муяс, кодъяс быт-
т'ь дзик на неважөн ас вывсыныс шыбитисны еджыд шебрассө.
Пурьясысыс запань сувтөдөны. И налөн заводитчө страдна кад.

Ылй ягъясын чуалöны-койтöны дозмөръяс, таръяс. Пөткаяслы
воис дыр виччысына празник.

Гажа тулыс! Кымын сыланкыв да кывбур тэ йылысь тэчөма
да гижөма! Быд керкаө аскөдыд тэ ваян выль думъяс, ыджыд көс-
йөмъяс, төждлунъяс.

Гажтөм эськө вөлі мортыдлөн олөмыс, эз кө миян войвылө быд
во волы тулысыс, вөр-васө да йөзсө томмөдысь кадыс.

...Он и казаявлы, кызди водзлань оськөвтас кадыс. Вежөдасны
карса паркъяс, уличаяс пөлөн сулалысь уна сикас пуяс. Абу нин
тулысын моз варовөсь шоръяс. Вын-эббөсыс чиныштіс и гырысь да
посни юяслөн.

Лунъясыс шоныдөсь, гажаөсь. Войясыс югыдөсь, лөнөсь. Пук-
сян рытнас өшинь дорад да дась куткырвидзны вой шөр бөрөдз. Дум
вылад усьлө том кадыд, медводдза радейтчылөмъясыд, бурыс и лё-
кыс, уджыд и өнія олөмыд.

Сьөлөм вылад празник. Кокниа лолавсьө татшөм рыгъяснас.
Сьөлөмыд корө дыр на любуйтчыны ывлавывса вежсьөмъяснас. Лэ-
бачьяс тшөтш гажөдөны тэнө. Шоныд войнад и налөн унмыс паля-
лөма. Пыр эськө тадзи овны, шог ни висьөмъяс не төдлыны, мывкыд
челядьөс быдтыны. Том войтыр-котырлы, кодъяс кутасны овны миян
бөрын, кольны унджык буртор.

Виччысян шойччан лун ассыд нимлунтө моз. Сьөлөмсяныд
уджалөм бөрын окота вөр-вакөд аддзысьлыны. Пукуштыны вугырша-
т'ьөн ю дорын, медем юква вылө чери кыйны. Аслад синъясөн ад-
дзыны шондй петөм да лэччөм. Вугралыштыны азыма ломтысысь
бипур дорын. Гоз-мөдысь юны чөскыд чай, кытысь өвтө тшын дукөн.

Позьө пуксыны еджыд теплоход вылө да ветлыны шойччыны
кар сайө. Пукалыштыны лудъяс вылын. Луннас куйлыштыны шоналөм
лыа вылын, варччывны кияс мудэтөдзыд визув ю вомөн. Көмтөм
кокъясөн ылөдз осьлавны видзьясывса векныдик туйяс кузя. Ним-
кодьясыны быд сикас дзоридзьясөн, кодъяс сярвидзөны мичаысь-мича-
өсь, тшапысь-тшапөсь.

Вөр-ваыскөд татшөм аддзысьлөмъяс бөрас гортад бергөдчыны
шудаөн и долыдөн, быт'ьө медея бур друг ордө гөститны ветлн.

Гажтөм эськө вөлі мортыдлөн олөмыс, эз кө вөв жар гожөмыс,
лы-сьөмтө шонтысь лунъясыс.

Жаль на, дерт, гожөмыскөд прөщайтчыны, эгө на пөттөдз уди-
төй сийөс радейтны, но немтор он вөч. Кадыс тай вөчө ассыс делөсө,

лишнõй оз манитчы, выль серпасъяслы, мичлунъяслы туйсõ сетõ.

И со велõдчысьяслõн помасисны нин каникулъяс. Нывкаяс еджыд партукаõсь, зонкаяс форменнõй костюмъяс пасьталõмаõсь. Уналõн кианыс дзоридъяс. Дыр шойчõм бõрын бара мунõны школаõ, кодысь бырис быдõнлõн гажыс.

Сидкõ, ар нин воис. Медводдза арся тõлысь мõдис восьлавны му вывтõ. Тайõ кадъс быттõ кык тшупõда. Первой кадсõ лунъяс овлõны шонидõсь на. Муяс вылысь заводитисны нин идравны урожай. Водз асывсян сёр рытõдз сәни музрõны тракторъяс, таргõны комбайнъяс. И запанъясн пыр на уджыс эз кус, пуръялõны да мõдõдõны стройкаяс вылõ быд лун уна тысяча кубометр вõр.

Жугыльмисны лудвывса дзоридъяс, абу нин гожея кодъ мичаõсь. Видъяс вылын гõгõр тыдалõны уна пинь коста джуджыд зорõдъяс. Оз нин важ моз кыв чõскыд дукыс льõм пу дõнысь. Став вынсõ õни сийõ сетõ вожъяс вылас õшалысь вотõсьяслы, кодъяс лунысь-лун кисьмõны, сьõдасьõны.

Шойччан лунъясõ пыр унджык йõз веллõдлõны парма-ягъясõд.

Быдõнлõн кианыс кõрзина либõ ведра, уналõн мышканыс пестеръяс.

Кымын пõлõс тшак быдмõ миян вõръясн, кутшõм уна овльвлõ чõд, пув да мукõд чõскыд вотõсьяс! Кыдзи нõ найõс он вот? Кузътõвсõ õд аслад вотõснад кокныдджык вуджнысõ. Кодъясõс вõдитõны на кокъяссыс, татшõм каднад, дерт, оз кутны кияснысõ кресталõмõн, кокъяснысõ сюркнялõмõн пукавны гортаныс. Лёка õд мича арся вõр-ваыс. Кутшõм серпасъяс сõмын синъяс улад оз усьлыны!

Пõtкаяс, лбачъяс, зверъяс — ставõн быдтысисны, содтисны асыныны рõд. Отияс, бордъя котыръяс лыдысь, регыд эновтасны асыныны радейтана местаяс да мõдõдчасны кузь туйõ, медым овнывывны шонид муясын локтан тулысõдз. Мõдъяс кольччасны татчõ, миянкõд тшõтш кутасны нимкодъясны тõвнас. Найõ оз повны ни турõбысь, ни кõдыдысь, велалõмаõсь нин пыкны кõдыдсõ.

Век жõ синва петмõныд жаль лõõ, кор аддзан парма весьтõд шлывгысь дзодзõг да юсь кытыръясõс. Нораа горзгтыр найõ прõщайтчõны войвывса муыскõд, паськыд тыясыскõд, гашкõ, тшõтш миянкõд, татчõс олысьяскõд.

Арся лунъясад пыр частõджык пармасõ садьмõдõ понъяслõн увтчõмыс, вõралысьяслõн лыйсьõмыс. Кытчõ сõмын оз тувчывыны пицала войтырлõн кокъяссыс! Мудзлыгõм йõз водз чеччõны, сёрõн водõны. Мукõд дырйи кõtь арся поводдяыд и ёна дõзмõдчõ: зәрõ, кõдыд, но муслун сы дорõ миян пыр эм.

Гажтõм эськõ вõлõ мортыдлõн олõмыс, эз кõ сийõ аддзыв уна пõлõс краскаа арсõ.

Кõдыдыс бара зәвтис вынсõ. Лунысь-лун камгõ-дорõ ва гуранъяс, тыяс да юяс. Еджыд шебрасõн вевттысисны муяс, видъяс. Став найтсõ и ёгсõ дзевис лымйыс ас улас. Шойччõны уджалõм бõрын совхознõй муяс. Эз õд ичõг урожай сетны арнас найõ.

Челядь со лыжияс вылө нин сувтөмабсь, оз тай налы терпитсы.
Рудов енажті дышиникпырысь шлывгёны букуштчём кымбръяс.
Уна лун нин эз мыгчысьлы шонді. Чёлісны, ланьталісны лэбачьяс.
Бывлавывса серпасьясыс ставыс выльногабсь, быттьо мөд муо ми
веськалім, быттьо эз и вөвлы гажа тулысыс, жан морёса лөнь гожө-
мыс, аслысыяма мича арыс.

Войвылад төлыд кузь. Унаысь паныдасьялан пельястө да ныртө
чепялялысь көдзыдыскөд, частө дөзмывлан лэчыд төвъясысь, асныра
турөбъясысь.

Ии пыр чери кыйысьясөс, шондібан, немтор оз повзёдлы. Гаш-
кө, сё километр сайө шутөвтласны-ветласны йөрщьясөс, ёкышьясөс,
кельчьясөс кыйны.

Кызди нө либө вунөдан, кор Виль во шуд кузя быд керкаын
өзъясны ёлкаяс, кодьяс дінысь өвтө пармаён?

Гажтөм вөлі эськө мортыдлөн оломыс, эгө кө ми асланым синъ-
ясөн аддзылөй еджыд паськөма төвсө, трачкакылысь көдзыдъясөс,
лым чиръяслысь долыда сьылөмсө.

Со кутшөм уна мичлун да долыдлун кытшалөны миянөс тулы-
сын, гожөмын, арын и төлын,— во гөгөр чөж. Кызди нө сөсся та бө-
рын найөс он радейт, кызди он пыдди пукты!

ВӨРСА АПТЕКА

Рытъявылыс нин Алисалөн батыс, Денис Семёнович, воис гор-
тас. Порог дорын пыркнитіс лымйөн вевттысьсөм шапкасө, шкап
сайө сувтөдіс пицальсө и заводитіс пөрччысьны.

— Баттьо, мый нө вайин?

— Жөч да гөч... Аддзан, поводьяис кутшөм. Син ни пель оз
тыдав,— вочавидзис батыс. Разь рюкзаксө да видзөдлы, мый
сэні эм.

Алиса пыр жө восьтіс рюкзаксө, перйис сэтысь кынмөм нянь
шөрөм, сьөдасьсөм котелок, порсь яй, кодөс босьтліс батыс вөрө му-
нігөн вөлөга пыдди.

— Абу и сөйөмыд госсө.

— Повзи, мися, синмөй бердас госа сөйөмсьыд,— шмонитіс Де-
нис Семёнович.

— О, о... Сьөла лыйөмыд. А ецө шуан, немтор пө эг вай,—
радліс Алиса.

— Өти сьөла тай сюри. Кушты, аски шыд пуам.

Алисалөн батыс лесникөн уджалө. Быд лун петавлө вөрө — то
делянкаяс кытшовтас, то мешөк тыр чукөртас пожөм да коз кольяс,
медым сөсся локтан воө көдзны найөс, быдтыны виль пуяс. Арнас

да төвнас сьорсыс босьтлывлө и пищаль. Унджыкысьсө тыртөг во-
лывлө, но корсюрө и пөткаос да көчөс ваяс.

Батыс унатор төдө вöрын олысь зверь-пөткаяс йылысь. Мукөд
дырйи Алиса кывзас сылысь висьталөмсö да ачыс быттьö тшөтш
волас ыл ягъясö.

Алиса өдйö и куштис небыд гөна пөткаос, сэсся малыштис сьö-
лалысь зобсö да чуймис:

— Дрöбъясыд сярakылöны сьöла пытшкас. На көть видлы.

Батыс пуртөн вундис сьöлалысь зобсö, и пызан вылө сярмунины-
киссисны зэв посни галькияс.

— Вот йöйыд, из сөйöма. Виньдис кө и...— дивуйтчис Алиса.

— Сьöлайдлөн ичөт юрыс да ыджыд төлкыс. Төдө на, мый сылы
сөйны. Галькиа изйис öнi пөткаяслы зэв колантор.

— Мыйла нö?

— Мый сөйöны пөткаяс гожөмнас да арнас?— юалис нылыслысь
батыс.

— Чөд, пув, чөдлач, сэтөр, турипув, пелысь.

— Збыль висьталін, ныланöй. Вотөсьясыд небыдөсь, сөмын ны-
лав. А төв пуксьөм бöрын став вотөсьяс дзесьсöны лым улö. Пөтка-
яслы лö сөйны кызд пу гаръяс, пу вылысь коръяссö, пожөм да коз
пуяслысь заяссö. Медым өдйөджык небзис татшөм чорыд сөяныс зоб
пытшкын, пөткаяс кокалöны гальки, кодъяс налы мельнича пьдди
уджалöны.

Алиса кывзис вомсö калькнитөмөн, ньөтчыд эз торклы батьсö.

— Батьö, а мыйла зверьясыс да пөткаясыс некор оз висьны?—
вылысь шыясис Алиса.

— Кызди оз висьны? И найö висьмывлöны.

— Кодi нö, сідзкö, найöс лечитö? Вöрад öд абу ни врач, ни
фельдшер.

Батыс вель дыр мыссис, и сөмын сы бöрын сетис воча кыв:

— Да, пөткаяслөн да зверьяслөн абуөсь Айболит сяма докторь-
яс, но налөн эм асланыс вöрса аптека.

— Аптека!— весиг места вивсьыс кыпөдчыліс Алиса да гораа
серөктис.— Но и но, батьö.

— Эм да ещö кутшөм... Кывзы да вöлисти серав. Вöрын быдмө-
ны быд сикас вотөсьяс, тшакъяс, а кымын пөлөс турун, дзоридь,
а вужьясыс! Öткымын быдмөгъяс отсалöны сийö либö мөд висьмөмыс.
Кор висьмасны зверьяс либö пөткаяс, пыр и мөдасны корсьны татшөм
быдмөгъяссö, кодъяс вөтласны эськö налысь висьмөсö. Артмө, мый
и вöрын эм аптека, кытысь позьö адззыны колана лекарствояс.

— Вот тайö да...— ыджыда ышловзис Алиса.

Батыс пöрччис көтасьөм гынкөмсö, кокас суйис шоньд тапоч-
ки. Чай ырситис и мөдис висьтавны водзö:

— Со босьтам Михаил Топтыгинöс. Арнас сийö гөссялөмысла
өдва тапикасьö, а сөйөмысь оз лэччысь. Дундытөдзыс жöритас. Друг

ёна көдздодас, лым заводитас усьны. Колө өдйөджык төвся патераө пырны да тулысөдзыс мушвидзны. Ошкыдлөн гуыс ичөтик, муртса сөмын куйлыны төрө. Гуө пырөм бөрын Михайлөлы, дерт, абу окота петавлыны ывлаө асмогасьны. Лым вылас кок туйыс кутас төдчыны. Вөралысьяс кө аддзасны, ловсө босьтасны. Ош төдө, көнө быдмө нюр сэтөр. Коряс сийөс, сёяс вужъяссө, кодъяс сёсся гырк пытшкөссьеыс вөтласны став сёянсө. Та бөрын позьө водны и гуө да лым сывтөдзыс вөтавны уна мича вөт. Сёяс кө нюр сэтөрсө морт, висьмыны вермас, а ошлы сийө медся колана лекарство. А тэ вензян, абу пө вөрса аптекаыс.

ЛЫШКЫД ЯГ

Сыктыварса олысьяс пиысь өдвакө сюрас сэтшөм морт, кодө эськө эз төд тайө местасө. Сылөн нимыс Белөй бор, комион кө,— Еджыд яг.

Гожся да арся лунъясө теплоход быд лун вайө татчө уна дас мортөс. Көркө важөнджык тайө ягас радейтлісны воливлыны өклучинаа пыжъясөн миян пөляс, батъяс, гырысьджык чой-вок.

Теплоходъяс өнө дженьдөдісны ветлысь-мунысьяслысь туйсө. Оз нин ков сынөмөн пыжъясөн лэччыны да катны. Муртса коляс часысь дырджык, кызди воан сэтчө, Еджыд ягас.

Тайө ягыс и збылысь еджыд. Лыддыны кө, кымын тысяча морт таявлө гожся да арся пөраө сылысь небыд ялаөн вевттьысьөм мышсө, любуйтчөны мича эрдъяснас, шочиника быдмысь веськыд пожөмъяснас, коръя пуяснас,— счөтнөй машина ковмас артавнысө.

Танө быд гожөм шыалөны и челядь гөлөсьяс, кодъяс воливлөны шойччыны пионерскөй лагерө. И спортсменъяс тайө местасө радейтөны.

Оз овлы сэтшөм гожөм либө ар, медым тэ, Еджыд яг, кодөскө примитін көдзыда, вөтлін ас дінсьыд. Мөдарө, быдөнөс тэ мөдөдан сьөкыд көрзинаөн да пестерөн, козьналан татчө волысьяслы меддона тшак да вотөс. Шойчысьясөс юкталан чөскыд сынөдөн да коран нимкодьясны аслад мичлунөн, кодөс кужьма сетны тэныд природаыс уна нэм сайын на.

Радейтам ми тэнө кызди рөднөй гортнымөс. И кызди он радейт, кор тэ миянөс пыр примитан бур другъясөс моз, быд пөрийө мыйкө да мыйкө мөдөдан гөстинеч гортъясаным бөрсө мунігөн: тшак либө вотөс, мича дзоридзьяс, ассьыд вунөдны позьтөм чөскыд көртө.

Өтитор көсья: медым тэ дорысь мунігөн бур йөзыс, кодъясөс вердан, шойччөдан быд во, тшөкыджыка чөвтлісны тэныд копыр.

Ещө окота содтыны ассиян: медым тайө гажа ягсө Сыктыварса

олысьяс, мян челядь да внукъяс радейтісны да донъялісны сэтшөм жö пöся, кыдзи сійöс радейтісны важöнджыкся олысьяс, кодъяс абуöсь нин, да öнйя йöз.

И нимтö колö вежны. Еджыд яг пыдди ыдждöдлыны тэнö Лышкыд ягөн. Татшөм нимыс быд боксянь лöсялö тэныд.

ПРАЗДНИК

— Аскиянь отпускö лэдзисны. Вöлисти менам праздникыс заводитчö. Ок-мок... — керкаö пырöмөн тшöтш мöдiс радлыны Вералөн батыс, кодi уджаліс автобус вылын шофёрөн.

— Батьö, тэ нö мый? Некутшөм праздник регыдъя кадөн оз ло. Со кöть видзöдлы календарсö.

Батыс читкыртліс синъяссö, тапнитіс нывсö и вöлисти мöдiс пöрччысьны.

— Ок-мок... Праздникыс ещö кутшөм! Быдса тöлысь пöшти! Быд лун пöт и код... Ук...

— Мый тэ, батьö, поэбö öмöй....

Он гөгөрво, сералö батыс али збыль висьталö. Синъясыс видзöдöны мудера.

— Нолтö, ныланöй, кык көрыш нянь сумкаö пукты. Посводзын сійö öшалö. Сов эн вунöд, но и чай-сакар. Вевта банкаö вый пуктышт. Пуля-пороксö ме ачым лöсьöда. Эк, праздник, праздник!

Вера öнi сöмын гөгөрвоис, кытчö батыс мөдöдчö. Чукөртіс нывка ставсö, мый тшöктіс батыс, и сöмын сы бöрын пуксис пызан сайö.

— Но и повзöдін жö менö. Ме öд чайтi, отпуск чöжыд, мися, гуляйтны да юны кутан.

— Да тэ эн пов, Веровьян. Батыд тэнад и ыджыд праздник лунъясö стопкаяснад оз балуйт. А вот отпуск чöжыд... юыштам, сöмын ог вина... Тöдан тэ, кутшөм сійö ключ ваыс? Синваысь сöстөмджык, винаысь чöскыдджык. Кружка тыр юан — вит лун дырджык олан. Абу öмöй тайö праздник?

— Праздник? — Вера видзöдліс батыс вылö. — Праздникъясыс жö Май 1 лун, Октябрьскöй... Ещö мамөлөн да менам праздник — Март 8 лун... Тэнад праздникъяс — февралын да Победа лун. Эмось на и мукöд праздникъяс.

— Тайö тэ ставсö лючки висьталін. Но, ыджыд праздникъясыс öтдор, быд мортлөн эм аслас праздник. Да-да... Аслас праздник! Менам татшөм лунъясыс вөр-вакөд аддзысьлөм.

— Ой, батьö, висьталан жö. Да кутшөм нö тайö праздник? Ним-лун кө вöлі, гашкө...

Вералён батыс лосьыдджыка пуксис пызан сайо, бытбё уж-найтны лосьодчис, сэсся выльысь видзодліс нылыс выло.

— Парма-ягъясой! Сьолём вөрзёдысь местаясой! Тодан-о, Ве-руш, мыйла ме быд во пета отпускавны арнас? И путёвка вэйёны, шоньд муын море дорын поэё тёмбылясьны. А ме ог ксойы. Меным чужан муын медся бур шойччөгыс. Деньга оз ков шойччёмсьыс мынтыны и сьолёмыд радро.

Вера тодіс: батыс бара пондас ошкыны вөр-васо, ёль бокрын сулалысь ассьыс ичотик вөр керкасё, сюсь понсё, коді быд ар шойто кёзяиныскөд пармаын. Сідзи и лои...

— Ок-мок... Тодан кө эськё, кутшөм вөрас лосьыд. Кулан да кутан казътывны... Чеччан водз, мөдөдчан төдса ордым кузя. Кы-тыськё сёла либё тар жбыркнитас. Понйыд пу йыло гөрд урөс вөт-лас. Каяс сійө пожөм выло да мөдас пинясьны: цок-цок-цок. Мыйла торкин менсьым сёйөмсө?

Асылыс лөнь да мича. Пуяслөн вижөдөм коръясыс надзөникөн гылалёны кок улад, бытбё небыд джодж дөра вывтү мунан. Ошалёны польдчөм пув розъяс, шөпкөдоны пицаля мортлы: «Ог өмөй ми шөг-мөй, абу өмөй чөскыдөсь, мый нө он сувтлы да чөсмасышт». Гөрдө-дөмаёсь нин и пельыс розъяс.

Воан шор дорө, кинад гумовтан сэтысь сөдз васө. Юан. И выныд быдсөн содас. Сэсся шыасян тэнө юкталысь дорө.

— Шорөй, мусаөй, кызди тэнө шуөны? Нимыд мый?

— Ачым ог төд. Шу мыйөнкө дай, олас.

Лунтырнад сёлаөс либё тарөс лыян. Локтан вөр керкаад да шыд пуан. Сёян кык морт пыдди. Вердө тай, майбыранөй, вөрыд да сөстөм сынөдыд.

— Ме кө эськё ог лысьт вөрад узьны. Йөйма. Збыль висьтала.

— Вөралысьыдлөн керкаыс теремок кодь, шоньд. Водан мудз вывсьыд да мукөд дырйи сэтшөм чөскыда узян. Кодар бок вылас водан, сы бок вылас и чеччан. Петалан кө войнас ывлаө, пуясыс пыр и шыасясны: «Тайө тэ, Семен Петрович? Бара со воөмыд мянөс видлыны. Важөн нин виччысям. Видза олан сідзкө, Петрович».

— Кужан жө тэ висьтавныд, мойдын кодь ставыс.

Батыс долыда нюмтөвтис, видзөдліс мешөк пытшкас, став тшөк-төмторсө-ө сэтчө пуктіс Вера туйө пегігкежлө.

— А тэ шуан, абу пө праздник. Татшөм праздникид ми воклы медся дона.

БЫДМӨНЫ ПЕЛЫСЬЯС

Уна жö таво пелысьыд! Кутшöм öшинь улö он видзöдлы, кöни быдмö тайö пуыс, быдлаын чим гöрд вотöсьяс öшалöны. Пелысь розъяс сэтшöм чукöраöсь, пуыслысь вöсньыдик вожъяссö весиг личкöмаöсь.

Кор пелысьяс вылысь гылалісны коръясыс, найö пондісны тыдавын ещö на ылöдзджык.

Бöрын оз быд во артмыв пелысьыд, но таво и сэні пöткаяслы позö быдлун гöститны. Шор бокъясын сы мында пелысьыс, сувт кöть да дыр любуйтчы.

Вель тшöкыда нин усъывлö лым. Войяснас кынмавлö, лунъяснас кöдзыд зэр дöзмöдчö. Кольö ещö вежон кык-куим, и бара тöv заводитчас. Но пелысь розъяс дыр на пондасны öшавны пуяс вылын, гажöдны ветлысь-мунысьясöс, вежнысö петкöдлыны челядельысь, кокньыдика качайтчыны, кор кыпöдчылас тöv.

Кынмавлöм бöрын пелысьыд лоö ёна чöскыдджык, варенньö кöть сыыс пу, кöть сідзи сёй.

Мекöд орчча керкаын радейтöны тайö вöсни кока быдмөгсö. Öшинь улас, гашкö, кыз пелысь пу быдмö. Васька дядь на найöс садитліс во дас сайын. Пуяссö садитысьыс абу нин ловъя, но ас йывсьыс коліс бур казытылöм.

Тайö аслысьяма мича пуяссö радейтам ог сöмын ми, найö мусаöсь да коланаöсь и лэбачьяслы, весиг ошлы. Вотöстөм воясö Мишка топтыгин вель тшöкыда матыстчылö пелысь пуяс дорö, ёсь гыжъяснас нетшкö налысь розъяссö. Век нин вöлöга, и горшyd веськалö, и чöскыд, и нуръясьыштны сюрö. И таръяслы да сьöлаяслы пелысьыд зэв нимкодь. Пуксы пу вылас да сöмын кокась, ёна оз ков корсьысны, орчча и дась сёяныс.

Пелысьтö, дерт, медся ёна радейтöны пелыськайяс, кодъяс вой-вылö волöны лунвылысь, уна тысяча километр сайысь. Лэбöны саридзьяс, пармаяс вомöн, медым быдтыны тані пиансö.


Пелысь, лежнög, тусяпу вотöсьяс зэв мусаöсь и юрсиакайяслы. Тайö лэбачыс зэв ёна муно кеня вылö: небыд гöна, ыджданас кеня кодь кымын жö.

Юрсиакайлөн юр вылас чурвидзöны кузь гөнъяс, бöжыс дженьыдик, бордъясыс да голя улыс сьöдöсь.

Октябрын, кор поводдяыс кöдздöдас, тайö лэбачьясыс виччысьтög воöны карö. Мöдасны лэбавны гырысь чукöръясөн. Аддзасны пелысь пуяс, пуксяласны сэтчö и здукөн куштасны найöс.

На волөм бöрын пелысьлөн кольöны сöмын тыртөм вожъясыс.

Пируйтасны вежон-мöд пелысь пуяс вылын, сэсся лэбзясны водзö.



Пелыся воясö тайö лунвывса гөстъяссö позё татысь аддзывны везиг ноябрь төлысын. Оз тэрмасыны мунны. Да и кытчö тэрмасыны, кор сёяныс сюрö татысь?

Тайö лэбачьясыс вöчöны и буртор: пелысь вотöссö нёнялöны, а вотöс пытшкөссыс кöйдыссö бөр шыблалöны му вылас. А кöйдыссыс выль пелысь пуяс быдмöны. Му вылас лоö ещё на гажаджык да мичаджык.

КÖЛАЧ БÖЖА РЕКС

Вöралысьлөн висёт

Уңа во чöж ме мөвпалі пон лөсьбөдөм йылысь. Арнас муна вöлі вöравны, кыла кутшöмкö понлысь пармаын увтчөмсö, и сьөлөмöй ёкнитас.

Карын олiгөн, дерт, понйöс видзны абу кокни: сылы торъя олані колö, и дом йылын ковмас видзны, но век жö нель кока другöс быдтөм кузя думъясöй пыр бергалісны юрын.

Торъя нин ме кöйи быдтыны лайкаөс. Коми вöралысьяслөн тайö сувтса пеля, кöлачөн гартыштчөм бöжа понйыс пыр вöлі да лоас бур отсасысьөн. Лайка понйыд и ур да тулан увтö, таръясöс да дозмөръясöс корсьö, утка кыйигъясөн ёна отсасьö. Аддза вöлі ме татшөм понсö да дыр видзöда, любуйтча сьөн.

Век жö менам кöсьйөмöй да думъясöй збыльмисны. Отсаліс удораса матыса друг Юрий Константинович, кодöс пыр кута аттöавны.

Сёрнитчöма сійö öти тöдса вöралыськөд да корöма кычипи, мөдым ыстыны сэсса сійöс меным.

САМОЛЁТ ЛЭБЗЬÖ СЫКТЫВКАРÖ

Öти гожся лунö Косланса аэропортысь кыпöдчис самолёт да мөдіс лэбзыны Сыктывкарö. Öти пассажир пидзöс вылын тыдаліс кучик сумка. А сумкаас пукаліс аслысьяма «пассажир», ичөтик понпи. Юрий Константинович сійöс мөдöдöма аслас тöдсакöд меным, висьталöма, кыдзи аддзыны менсым керкаөс тöдтөм карысь.

Юрий Константиновичлөн челядыс, кодъяслы, дерт, жаль вöлі торйöдчыны вильыш понпикöд, сумкаас Рекслы тэчöмаось быдпöлөс гөснечö: печенньö, кампет, еджыд нянь.

Рекс немтор эз тöд, кытчö сійöс лэбзьөдö тайö паськыд бордъяса лэбачыс. Пукаліс сумкаын юрсö мыччөмөн да сюся кывзысис самолёт моторлөн жургөм шыö. Гашкö, дзескыд сумкаын пукавны эз во сьөлөм вылас. Котраліс эськө öнi öшинювса йöрын, веж луд вылын,

а сы бõрся чилзигтыр вõtлысисны челядь да горзисны: «Рекс! Рекс! Эн пышгъяв. Миянлы тэкõд зэв окота ворсны».

Понпиõс вайысь том морт эськõ заводитлис Рексõс гõститõдны челядьõн пунктõм гõснечõн, но сийõ печенньõ вылад эз и видзõдлы. Кутшõм нин сейõм, кор тәнõ тõдса сиктысь нуõны кутшõмкõ выль местаõ.

Мый виччысьõ сийõс выль местаын? Кодкõд кутас овны-вывны?

А самолёт лэбзис пыр водзõ. Лэбзис зумыш пармаяс вомõн, нюръяс да эрдъяс вывти.

ЧОЛÕМ, ДРУГ!

Рытыс вõли шонид да лõнь. Гожся шондi дышиникпырысь вунь-гыртис аслас туйõд. Веж коръясõн вевттысьõм пуяс вылын сыылисны мыла гõлõса лэбачьяс. Пуяс диньсь õвтис чõскыд кõр.

Локти ме удж вылысь. Эг на удит восьтыны веранда õдзõссõ, паньд уськõдчис нылõй.

— Папа, папа, кодi миян эм!— долыда юõртис меным Оля.

Восьти õдзõс и пыр жõ аддзи джодж кузя варгылясьысь ичõтик кычиõс. Сийõ казялис менõ да эрыштчылис весиг, тыдалõ, кõсийс повзõдны.

Гõгыр висьталис, мыйõн да кодi вайис тайõ ичõтик гõстьõсõ.

— Молодеч, Юрий Константинович. Абу вунõдõма менõ.

Ме копыртчи понпи дорõ, малышти сийõс небыдик гõнõдыс. Видзõдли мелiа ворсõдчысь синъяс вылас, и сьõлõм вылын лои праздник.

Кычили чужõмсянныс вõли вежон куйм. Чужõмыс да пельясыс сьõдõсõ. Еджыд кокъясас тыдалõны рудов чутъяс. Ныр-вомыс ручлõн кодь ёсь. Тушаыс кыти еджыд, а кыти и сьõд, бытьõ дõмасьяс пукталõмаõсь. Еджыд бõжыс то кõлачõн крукыльтчылас, то бõр лэччылас увлань. Пõрõда сертиыс збыль вылõ лайка пон, код йылысь ме важõн мõвпалi.

— Но, чолõм, друг! Кыдзи тәнад нимыд?— вылысь малышти ме гõстьõсõ.

— Рексõн сийõс шуõны,— вочавидзис нылõй.— Ой, кутшõма ме сийõс радейта. Ми сыкõд быдлун гуляйтны кутам.

Рекс бытьõ велалõма нин выль оланинõ, котралõ, нетшкõ, мый пиньяс улас сюрõ, джодж кузя гõгльõдлõ резинõвõй мач. Тасьтысь йõв лакыштас, бара мõдас ворсны. Челядь — челядь и эм.

Узис Рекс аслас вольпась вылын, кодõс ковмис вольсавны кухняõ. Садьмылис сийõ керкаын медся водз и пыр жõ сетлис та йылысь тõдны увтчõмõн.

Тадзи заводитчис олõмыс карын ыли Кослан сиктысь воõм гõстьõлõн.



Колины лунъяс, вежонъяс... Рекс быдмис ойдё. Асывнас да рыт-нас сійё пошти быд лун гуляйтис мекод ывлаын. Вель тшөкыда сійёс петкөдльвліс гуляйтны и Оля. Рекс тōдіс нин ставнымōс, кодъяс олім тайō керкаас.

Быд пōрйō, кор гōтырōй петкөдліс сылы сēйны, дыр никлясис сы гōгōр, висьталіс ассыс радлунсō.

Гуляйтīgъясōн Рекс медся ēна эз радейт каньясōс. Казялас кō каньōс, дась вōлі сійёс лэптыны пу вылō либō вōтлыны, кытчōдз оз вош син водзсьыс.

Кор Рекслы тырис куим тōлысь, сійёс ме нуōді ветамбулаторияō. Колō вōлі вōчны укол, медым эз висьмы чумаōн.

Менам нель кока том другōй дом йылын котōртис орччōн. Амбулаторияō пыригōн мōдіс исасьны, тыдалō, кыліс лекарствоясыслысь дуксō.

Рексōс водтōдісны кузь пызан вылō. Ме сулалі сы дінын да куті, медым эз пессьы. Еджыд халата врач вōчис сылы укол. Пон весиг эз и ойōст, ме вылō видзōдіс жугыля, быттōй кōсйис юавны: «Мый нō ті мекод вōчад?»

Гортō бōр мунігōн бара гажмис, чеччаліс отарō-мōдарō, менō тэрмōдліс.

Менам нылōй ичōт дырйиыс ēна вōлі полō укол вōчōмсьыд и пыр жō мōдіс жалитны понйōс.

— Рексушка, кōнкō, врачыд ēна дойдаліс? На, тэныд сакар ва-йи,— эз на удит нюжōдны кисō, а ичōтик сакартор вōлі нин Рекс вомын. Гуж-гаж вōчис — и абу. Ещō корō, меліа-меліа видзōдō том кōзьяйка вылō.

Рытъяснас Рексōс ме велōді. Урокъясыс вōліны аслысьямаōсь. Эг лыддысьны да гижны велōд, а кыззи асьсō кутны ветлōдлігōн, вōралігōн. Дыр эз велав кōзьяинкōд орччōн дом йылын ветлōдлыны, пыр кытчōкō тэрмасис.

— Орччōн, Рекс! Орччōн!

Сэссия тайō тшōктōмас кутіс вочасōн велавны.

Ойдō сійō гōгōрвоис и мōд урок: мыйкō шыбита да, медым ваяс менам тшōктōм серти ме дінō. Дерт, ковмис и тайō урокнас вель ēна ноксьыны.

Велаліс Рекс и ваысь не повны. Бызгысыс-пырас гōптō, пōттōдзыс уялас. И варччō зэв кокниа. Петас берегō, пыркнитас кōтасьōм «пась-кōмсō» и бара мōдас ризъявны-котравны.

Тшак вōтигъясōн ме сійёс босьтльвлі сьōрысь: мед тōдмасьō вōр-ваыскōд. Кольō во-мōд, и сылы кыйсьыны ковмас. А сыōдз колō велōдчыны и велōдчыны.

Кор теплоходōн мōдōдчылім кутшōмкō выль местаō, Рекс сюся видзōдō гōгōр, гашкō, кōсйō бурджыка тōдмавын, кытчō сійōс нуōны.

Ылалас кө вöрас, медым аддзыны гортö мунап туйсö. Мукöд дырйи сийö лэптывлис водз лапаяссö теплоход палубавывса перилбас да дыр сулавлис тадзи.

Теплоход вылысь петны некор эз тэрмась. Видзчысис, медым йöсö водзджык лэдзны. Но кор мынтöдлi дом поводсö, сэки нин төв ныр моз мөдлiс ризъявны. Водзлань котöртлас, пыралас вөрö, меным паныд волас. Аслыс люббы! Ёна жö, буракö, муса сылы гажа ягъясыс, вөр дясыс, вөр-ваислөн мичлуныс.

Лунтырнад мудзас сэтчöдз, гортö воам да весиг оз сөй, сöмын ва юö.

ПАКОСТИТЧАН КÖ, ВИДАСНЫ

Рекс воысь дырджык нин олö ме ордын.

Пуксис ар. Аслас мичлунөн, аслыссяма лунъясөн. Бордйив кыпöдчисны да сöвмисны тавося таръяс, дозмөръяс да сьöлаяс.

Татшöм лунъясыс кыскöны ас дiнас вöралысьясöс. Лунтыр вöсь-лалан пицальöн ылöдз нюжöдчöм парма кузя, пöттöдзыд лолалан сöстöм сынöднас, чöмасьыштан чöдйөн да пувйөн, и выныд быттьö содас.

Тайö каднас ме буретш отпуск босьтывла. Таво кыйсиг-вöралиг кезлö жö лöсьöдчи. Да и Рексöс колö энджыка вöдитны вöрын. Велöдтöгыд öд сыысь некутшöм төлк оз ло. Кольöм во кө ичöt на вöлi, таво арнас арöсысь ыджыдджык нин.

Отпускö петан лунö жö мөдöдчим вөрö. Вöлi водз асыв на. Сöмын шочиника карса уличаяс кузя журъялисны машинаяс.

Кор лэччи кильчö поскöд да сувтi веранда дорö, Рекс гораа мөдiс увтчыны. Жырйысь, көнi олис сийö, вöсьтi öдзöссö. Рекс радысла пыр жö чепöсийс меным паныд, да водз лапаяссö пунктiс морöс вылö, сюся мөдiс гартчыны кок гөгөр, чеччавны. То дукуштас пельпом вылын öшалысь мешököс, то пицаль лöжаöс нюлыштас. Ачыс, көнкö, думайтö: талун ми, тыдалö, кыйсыны мунам, көзяин эз прöста босьт тайö сьöд ствола пицальсö. Мыйөн босьтi дом повод, пон öвтыштiс бöжнас да водiс: на пö домав! Тöда, домавтöг он ну менö. Да и автобусад либö теплоходад оз лэдзны.

Тайö пöрийö вөрö ми мөдöдчим автобусөн. Рекс туй чöжыс пукалис чöла, сюся видзöдiс автобусын пукалысьяс вылö, быд зыркнитöм бöрын кыпöдчылис места вывсьыс.

Воим Вылыс Чөвийö. Автобусысь петöм бöрын ме мездi ассьым нель кока другöс дом поводысь, и сийö пыр жö мөдiс котравны.

Эг на удитöй петны вөр кыскалан лежнiевка вылö, гөра бокын сулалысь гид дорын кутiсны мый вынсьыс горзыны чипанъяс, быттьö лөк варыш на вылö уськөдчис.

Ме пыр жö гөгөрвои: Рекслөн тайö уджыс. Котöртi чипанъяс дорö и чуйми: понйöй на бöрся вөтлысьö. Эг на удит чирыштны,

кыдзи сійö öти чипанöс тшапнитіс бөжөдыс. Но пикö воём чипан бордьяснас кучкаситыр вермис мынтөдчыны, сөмын пон вомö колис ассыс бөж джынсö.

Мыйөн горөдi, Рекс пыр и дугдiс пакöститчөмысь да мөдiс котртны водзö, быттö немтор эз и вöv. Вель дыр видi чипанъяс вылö усьласöмысь. Ог төд, төдчис-ö сылы тайö видöмыс, но та бöрын сэсса некор нин эз усьлась чипанъяс вылö.

Сійö луннас ещö на öтчыд ковмис видны ассым другöс. Вөр керкаö вотөдз, нейджыд вөр дi бокусь, кылö, жбыркнитіс сьöла да пуксис матыса коз пу вылö. Ме пыр жö чургөдi пищальбс да лыйи. Муртса на пötка уси, а понйöй кватитіс нин. Сетi команда:

— Рекс, оз позь! Öнi жö вай татчö!

Но пон эз кывзысь. Сьöласö топөдöма пиньяснас, öтарö-мөдарö котралö. Вель дыр ворсiс, эз көсйи сетны босьтöмторсö — и ставыс. Сэсса, тыдалö, повзис менам видчөмысь, вайис сьöласö да пуктiс кок дорö. Ме пондi понйöс видны, ньөр чеги да мөдi грöзитчыны:

— Öнi жö бөр лэччы гортö! Оз ков меным кывзысьтөм понйыд!

Рекс куйліс мясянь неылын да тэрыба öвтчис бөжнас. Синъясыс жугыльöсь, прöща корöны.

Вөр керкаö вотөдз эг шыасьлы сы дiнö. Рекс то матыстчылас ме дiнö, то кольччыштглас бөрö. Видзөдлас ме вылö, синъяссö лэдзас увлань. Яндзим, буракö, эз öд прöста видны.

Медым бурөдны менö, пон быд ногыс көсйис лоны мелiджыкөн. Узьмөдчим Паньö грездын, көнi вель ыджыд видз помын сулаліс ичөтик вөр керка. Рекс кытшовтiс видз гөгөр, көнi заводитчö вöрыс, вель частö сувтлывліс и увтiс. Увтас, сэсса водзö котортас и бара мөдас увтчыны. Колökö, думсьыс повзөдлö зверьясöс, медым найö эз матыстчыны войнас вөр керка дорö да торкны унынмös.

Ужнайтөм бöрын ме водi нар вылö, а Рекс нюжөдчис öдзöс дорö да пельяссö чошнитөмөн кывзысис войся шыясас.

КЫТИ МУНÖМА БУШКОВ

Некымын лун мысти ми Рекскөд бара мөдөдчим вöравны. Сыктывкарсянь Эжваөдз лэччим автобусөн. Сэсянь вöрыс зэв матын. Вуджан векныдик Емваль ю и пыр жö зурасян пармаö.

Мем бура төдса тайö местаясыс. Эжва посёлокын ме быдми да велөдчи. Тшөкыда котравлім öтарö-мөдарö чукльөдлысь Емваль ю полөн, матi вөръясысь вотлім пув да тшак.

Вöралiгьясөн пырджык жö ветлөдлі тайö местаясөдыс, кытөн вölі төдса быд нюр и вöрса ордым.

Векныдик туйөд мөдөдчим Миронлань, кытчөдз тасянь лөö километр дас вит. Кор паськыд нюрөдз коли верст кык, миянлысь туйнымös потшисны пөрөм пуяс. Кымын водзö писькөдчим, пөрөм пуяс кутісны паныдасыны частөджык. Кольбөм восянь ме эг вöвлы

тайо местаясас и эг төд сийос. Гөгөр тыдалісны крестон-крестон куйлысь кыз козьяс, пожомьяс, кодьясос вужнас нетшыштөма да шыбитөма вына бушков. Медым не воштыны туйсо, часто ковмыліс сьокыд мешокон да пищальон писькодчыны пуяс вомон, кытшовтны найос. А пором пуыс воли сэтшом уна, мый мунны водзо он вермы.

Дзикодз нин мудзи, быри выной. Пуксы коть да татон и узы. Рекс зев кокниа чеччалис пуяс вомон, быттө оз и төд мудзоссо. Волас ме дорө, нюлыштас киос, босьтас пиньнас пальто полаос да аборясыс пондас кыскины.

Матө кык час ми кыссим тайо мунны позьтөм местаодыс. Со мый толыд вермома вочны. Не понийой ко, колөко, эг и вермы петны сьатысь. Атьо Рексушкалы!

Кор мыччысис нюр, пуксим шойччыны. Мешокысь кыски кык сакар тор да мыччи нель кока друглы.

— Атьо, Рекс. Петкодін козяинтө «адысь». Сийо видзодис ме выло мелі синьяснас да пуктис юрсо пидзос выло.

Тайо луннас Рекс первойысь увтис дозморос. Лыйны коть поткаос эз удайтчы, но сьолөмсянь таысь ошки понийос.

Дозмор ен бордьяснас шенасигтыр важон нин воши сьод пармао, а пон пыр на ризьяліс круг борся круг да корсис, кытчө дозморыс пуксис. Блөдз, тыдалө, лэбзьөма: Рекслы модысь сийос сидзи и эз удайтчы адззыны.

Быд порйө, кор ми Рекскөд мододчылім вөрө, понлы лоліс сэтшөм рад, гижны ни висьтавны тайос он вермы. Никлясис, чеччалис, нюліс менсьым киясос. А синьясыс аслас видзөдоны гажая, шоныда, бытьө косийоны шуны: «Но и котралыштам жө ми талун. Атьо, козяин, он дышодчы, бара мунан вөрө».

Дум выло уси өти татшөм вөрө петалөм.

Воли сөр ар. Муыс вевттьысис гон кодь небыдик лымйон. Едждөдисны пушкыра козьяс. Ланьтисны вөрса ичөтик шорьяс.

Рекскөд лунтыр ми ветлөдлім вөрөд. Кыпөдліс пуяс улысь кымынкө сьөлаос, кодьяс өктисны пув тусьяс, но лыйны сидзи и некодос эг вермой. И абу жаль: мед лэбалөны, гажөдоны мянлысь пармамымос. Зато шойччөгыс сюри потмон. Эн коть и лэччы вөрсыс.

Пемдандорыс нин вель джуджыд козийысь понийой увтис урөс. Небыд да мича гөна, сийө чеччыштис орчон сулалысь джуджыд козийө, бөжсө сөмын адззылі. Сэсса пыр жө вошис пулон сук вожьяс костө. Ме босьти киө чер, некымынысь кучки пуө, но ур эз и думайт петкодчыны.

Сьөла чипсаньясөс, кодьясөс воли көрталөма көв йылө, өшөді пальто кизьө. Кор модөдчи гортө, чипсаньясөсө косийи суйны пытшкөс зептө, но найө морөсын эз нин өшавны. Урыдкөд ноксигон, тыдалө, усьөма кытчөкө. Корси вель дыр, но кытысь аддзан, кор гөгөр лым, коді төдас, кор да кытчө найө усины.

— Рекс, чипсангъясѳ вошти, корсь. Тэныд, гашкѳ, сюрас,— кевмыси ме понлы вѳрысь туй вылѳ петѳм бѳрын. Другѳй, тыдалѳ, гѳгѳрвоис, мыйысь шогся. Зэв ѳдйѳ котѳртис ыджыд коз дорѳ, гоз-мѳдысь увтыштіс, сэсся мѳдис исасьны.

Регыд сйѳ бѳр бергѳдчис. Вомас дженъыдик кѳв йылын ѳшаліс куим съѳла чипсан, кодъясѳ ме воштылі.

— Айда, Рекс! Но и молодец!— ошки ме другѳс да сэн жѳ топыда кутыштілі. Дыр та бѳрын дивуйтчи пон вылѳ. Быдтор гѳгѳрвоѳ, сѳмын сѳрнитны оз куж. А ѳд сылы муртса на арѳсысь унджык.

ЯНСАВЛѳМ

Пуксис 1972 во. Быдса тѳлысь ми Рекскѳд эг ветлѳй вѳрѳ. Лымйыс лои вывтѳ джуджыд, понлы ветлѳдлыны зэв съѳкыд.

Сэсся нем виччысьтѳг мем ковмис энѳвтны гортѳс да кык тѳлысь кѳжлѳ мунны велѳдчыны Москваѳ. Мунан луно дыр пукалі друг дорын. Малалѳ сйѳс, унаысь топѳдлі морѳс бердѳ.

— Эн гажтѳмчы, Рекс. Регыд бѳр аддзысям.

Пон быттѳ гѳгѳрвоис менсьым висьталѳмсѳ, кытшкылясис кок гѳгѳр, видзѳдис меліа-меліа.

Москваын олѳгѳн мем частѳ дум вылѳ усьлывліс аслам нѳль кока другѳй. Гортсаяс письмѳын гижисны, мый и Рекс ѳна гажтѳмчѳ меысь, быд асыв омлялѳ, инас оз ѳшйы. И ме гажтѳмчи сыысь. Аслад быдтасыд тай зэв дона. Эг ѳд этша километр восьлалѳй сыкѳд парма-ягъясѳд кольѳм вося арын. Кытчѳ сѳмын эг волѳй, кымын вѳр керкаын удайтчыліс узьлыны! Кутшѳм уна мича серпасъяс козьнавліс миянлы вѳр-ваыс.

Гортѳ вои февраль помын нин. Мыйѳн Рекс кыліс менсьым кок шыѳс, пыр и пондѳс долыда увтчыны да чечавны ѳдзѳсѳ. Мыйкѳ дыра мысти ми другкѳд гуляйтѳм нин моски кузя.

Кызкѳ «Юный натуралист» журналысь понъяслѳн преданность йылысь ме лыдди съѳлѳмѳдз йиджысь висьт, кодѳ ѳні бара уси дум вылѳ.

«Быдты другѳс», — таdzi шусис тайѳ висьтыс.

Тайѳ лоѳма целиннѳй му вылын. ѳти трактористѳс мѳдѳдѳмаѳс ѳджавны ылі районѳ. Туйѳ петѳгѳн асьыс Фитька нима понсѳ коліс сйѳ мамыс ордѳ. Но кутшѳм шемѳс босьтіс трактористѳс, кор места вылас воѳм бѳрын сэтысь аддзис и асьыс понсѳ. Нѳль кока друг эз кѳйы кольччыны кѳзяинсьыс и куим лун чѳж гусьѳникѳн вѳтчис тракторист бѳрся матѳ куимсѳ километр. Кѳзяин дорас воис музд, тшыг, но помтѳм рад. Гортас понсѳ кѳзяин эз нин мѳдѳд. Фитька сыысь эз кольччыв ни ѳти воськов, вѳтляисис трактор бѳрсяыс, а войснас увтчис, вѳтлаліс кѳинъясѳс.

ѳтчыд ѳна гымалѳг-чардалѳгѳн чард би кучкис тракторѳ, и понлѳн кѳзяиныс воштіс садьсѳ. Тѳлка пон эз шѳйѳвош, гѳгѳрвоис, мый

көзияныслы колө отсөг. Здукөн Фитька котөртліс полевөй станө да аскөдыс трактор дорө вайөдіс йөзөс, кодъяс и мездісны көзиянсө.

Оз өд прөста шуны: пон — мортлөн первой друг.

Коркө зөв нималысь роч путешественник Георгий Седов көсийс воөдчыны Войвыв полюсө, но экспедицияын сьөкыда висьмис да кувсис Рудольф ді вылын. Сылөн радейтана Фрам понйыс, коді медся водзын кыскис дадыяссө, друг ыргянитчис, эз мөд мунны. Фрам кольччис көзяин гу дорас да сәні и куліс тшыгла, көдзыдла. Пон ловъя вывсьыс гуалис асьсө лымъя пустыняө.

Унатор позьө висътавны тайө пемөсьяс йывсьыс. Понъяс отсалісны путешественник Амундсенлы восьтыны Лунвыв полюс.

Белка да Стрелка нима лайкаясөс учөнойяс пуксьөдісны Мулөн искусствөной спутникө да мөдөдлісны космосө.

Пограничникъяскөд понъяс видзөны миян Рөдиналысь государствөной границаяс, медым вөрөгъяс эз вермыны вуджны сәті. Понъяс отсәсьөны көр видзьясылы ылі тундраын, видзөны көр стадаяс. Найө жө дөзөбитөны магазинъяс, складъяс.

Вөралысьяслөн медся бур отсәсьясыс бара жө понъяс. Найө корсьөны пөткаясөс и зверьясөс, юөртөны көзияныслы опасность йылысь. Понъяс тэрыбөсь, сусьсөсь, некод наысь оз вермы дзебсьыны.

Татшөм мортыдлөн нель кока другыс.

ВЫСТАВКА ВЫЛЫН

Вөлі гожся лун. Ывлаын сәтшөм шоньд, быттьөкө ышмысь шонді ставсө көйсө косьтыны.

Рекс талун вөвлытөм сөстөм. Асывнас на, гашкө, быдса час купаитчис ваннаын. Кор косьмис пасьыс, югъявны быдсөн кутіс.

Праздник вылө моз мөдөдчим карса шойччан паркө. Час мысти тані заводитчас вөралан понъяслөн республиканскөй выставка. Медся бур понъясыслы өшөдасны голяяс медальяс, көзяинъясыслы сөтасны дипломъяс, свидетельствояс.

Важнөя восьлалөны көзяинъясыскөд орччөн көлач бөжа лайкаяс, шыльыд гөна гончөйяс, мукөд пөрөдаа понъяс. Уналаын кылөны увтчөмъяс, эргөмъяс.

Выставка вылө вайөм быд понйөс видлаліс ветеринар. Сэсся понъясөс петкөдісны судьяяс водзө. Круг бөрся круг прөйдитісны найө площадка кузя. И йөзыс, кодъяс вель унаөн чукөртчөмабсь паркө, тшөтш жө бур судьяяс: кутшөмкө понъясөс ошкөны, мукөдъясөс коллөдөны синъяснас веськодъпырысь.

— Эк, меным кө эськө татшөм понсө! — ыджыд гөлөсөн варовитө аслас другкөд шырөм юра детина да синъяссө оз вештыв чим сьөд лайка вылысь, кодлөн голяяс өшалө медаль.

— А мем окота быдтыны сәтшөм понйөс, медым төвнас быд асыв менө школаө даддьбн кыскаліс, — ошйысис детиналөн другыс.

Детинкаяслысь сёрнисö кыліс сыкөд орччөн сулалысь олома морт, мудера нюмгёвтис да крапкөбтис:

— Ме кө эськө тэ местаын быдті сэтшөм пон, медым и тэ пыдди велөдчис тшөтш. Сідз али мый? Понийд өд абу чача, а быдтöны сійöс, медым пöльза вöлі да ёнджыка кыйсис-вийсис. А то эмöсь понъяс, нянь сöмын бырөдöны да йöз вылө усьласьöны.

Детинаяслы, буракö, эз во сьблөм вылас олома мортлөн шуасьöмыс, вешйисны бокөджык.

Тайö сёрнисö кывлөм бöрын меным мыйлакö дум вылө уси войнавивса вунөдлытөм серпас.

Вöлі 1943 вося январь. Миян часть сулаліс Нева ю дорын да видзис, медым фашистъяс эз вермыны босьтны Ленинград.

А некымын лун мысти миян войскаяс вуджисны Нева ю да вөтлісны вөрөгъясöс вель ылө. Война — война и эм. Кор заводитчöны чорыд косяс, унаён пöгибнитöны, ранитчöны. Тадзи лои тайö косяс.

И сәки ранитчөм командиръяслы да красноармеецъяслы отсөг вылө воисны лайка понъяс. Кык-куим пон кыскисны пыж сяма морт төрмөн дадь.

Санитаръяс пуктасны татшөм дадыас сьбкыда ранитчөм мортöс, коді ачыс оз вермы мунны, и понъяс нуьсны сійöс некымын километр сайö полевöй госпитальö, көні врачъяс пыр жö сетöны первой отсөг.

Фронт вылын мем удайтчывліс аддзывны и велөдөм понъясöс, кодъяслы коскас көрталісны взрывчаткаяс да лэдзлісны фашистскöй танкъяслы воча.

Татшөм понъясыс смела уськөдчылісны вөрөглөн танкъяс да автомашинаяс улө, взрывайтлісны найöс, и тшөтш асьныс кувлісны. Со кызди отсасисны найö Рөдина дорйигөн. Татшөм понъясыслы эськө памятник колö сувтөдны.

Вөліны война вылын и сэтшөм төлка понъяс, индалісны миян сапёръяслы корсьны вөрөгъясөн пуктөм минаяс, видзисны военной складъяс, посьяс, туялісны да куталісны шпионъясöс, кодъясöс шыблавлісны самолётсянь миян му вылө.

...Выставка помасис сёрөн нин. Менсьым крукыля бөжа Рексöс донъялісны комиссияса членъяс «хорошо» оцёнкаөн, да ас кодь арлыда понъяс пөвстын босьтис мөдөд места.

Рекс, дерт, эз төд, кутшөм долыд вөлі меным тайö луннас. Сійö тэрмасис гортö, көні позяс пөттөдз сёйны, а сэсса куйлыштны гож сайын, кытчö оз инмы яр шонділөн югөръясыс.

УР КЫЙИГӨН

Воис дыр виччысян кад, арся вөралөм. Öні нин пицала войтыртö прөст кадö гортад он кут. Быдөн старайтчöны петавны вөрö, төдмасьны арся кыпид серпасъяснас.

Урлөн төвся паськөм мичаысь мича нин. Оз прёста небыд зарниён шуны.

Зверь кыйысыяслөн оз прёста овны и понъясыс, отсасьёны көзьяныслы, корсьёны дук сертиыс пуяс вылө дзевсьём урьясө.

Ывлаыс абу нин гожа кодь: то зэрыштас, то кынмас, то лым мөдас сапкыны.

Быд шойччан лун ми Рекскөд коллялам пармаын, узялам вөр керкаын. Мудзтөдз уялам төдса и төдтөм местаясөд. Воан гортад да сьёрсыд ваян небыд ур куяс, вежон кежлө шойччөг, уна сикас казтылөм.

Пуксис нин ноябрь. Гораджык лоис ывлаыс. Коръя пуяс важөн эновтчисны асланыс мичлунён. Вёрыс вевтгысис еджыд шебрасөн, лоис сөстөмджык, мичаджык.

Лымйөн вевтгысыём муяс вылысь пыр частөдджык адззывлан зверьяслысь да пөткаяслысь кок туйяссө. Дугдिसны чипсасыны сьёлаяс, таръяс кутчысыёны өтчукөрынджык. Пуксясны джуджыд кызды вылө, гоньялөны, тэрыба сёйёны гарсө. То өтилаысь, то мөдлаысь кылан лайка понъяслысь гора гөлөссө, сөсся юковтас лыйөм шы, быдсөн дрөгнитлас пармаыс.

Өти тагшөм лунө аслам нель кока другкөд ми мөдөдчим Кокульө. Водз асывсянь сёр рытөдз пыр муним и муним. Сөмын сувтывлим сәки, кор Рече заводитлис увтны урөс.

Пемыдөн нин воим Чов ю дорын сулалысь төдса вөр керкаө. Ломти пач, кодөс зэв нин важөн абу ломтылөмаөсь. Керкабокса ключысь, көнйыс сынва кодь югыд, вайи ва да пуи ужин. Чай юөм бөрын пөдлалэ пач труба да воді нар вылө шойччыны. Көть и вөлі жар, понийөй сэтчө жө кайиис да водіс дзык орччөн. Гашкө, думнас видзны көсийис асьыс көзьяинсө?

Дыр-ө узи, ог төд. Садьми пон увтчөмысь. Увтгыштас гоз-мөдысь, заводитас дөрөмөд нетшкыны.

— Мый тэкөд, Рече? Садьмөдін узиг кості.— Пукси нар вылө, и бергөдчис юрөй. Тайкө уся. «Кольмысьөма»,— гөгөрвои. Лэччи да муртса верми кыссыны өдзөс дорөдз. Понийөй пыр жө тьвкнитис ывлаө.

Дыр пукалі восьса өдзөс дорын. Юрөй омөльджыка мөдіс жувыгны.

Не понийөй кө, колөкө, вөр керкаас и помасис олөмөй.

Кор Рече бөр локтис, унаысь кутлі сійөс. Вөралан ноппысь кыски нель сакар тор, кодөс кольөдлі асыв кежлас чай юны, да мыччи друглы.

— На, чөсмась. Тэ сэтшөм буртор вөчин.

А Рече пукаліс паныдөн да мелі синъяссө эз вештыв ме вылысь. Гөгөрвоө жө бур вөчөмтө.

Аскинас мөдөдчим гортө. Пемдытөдз колө вөлі восьлавны кузь туй. Войнас усьөма лым. Пуяс вылө өшйөмаөсь көч бөж кодь небы-

дик лым чукорьяс. Татшом каднад торья мича ворыс. Кыподчылас тов, и лым чирьяс здукон торйодчасны пуяс диньсь, тэрмасьтөг пук-сяласны ас кодныс жё еджыд лым выло.

Рекс ризьяло, шойчог оз тодлы. То шуйгавыло чепосйылас, то ордым кузя котортыштас. Исасьо, корсьо, тодо ассъыс уджсо. Паньо грезд пройдитом борын бара миянлысь туйнымос потшис Чов ю, коди удитома нин вевттысьны воньыдик йион.

Берег дорысь аддзи вель кузь бедь да йисо видлалігмоз понди вуджны векныдик ю. Но йиыс вөлөма зев на вонни. Ковмис бор петны берего, а то паськомто котодан да и ачуд купайтчан кодзыд ва пиын. Рекс сэн жё бергало. Бедьос сэн жё шыбиті и мододчи берег полон, медым векныдджыкино вочны ю вомон вуджны пос.

Важся зород дорысь аддзи кык потш. Кыски найос берег дорё да шыбиті ю вомоныс. Судзис берегысь берего. Оні позяс и вуджны. Но рокыд выло некытысь эз сюр бедь, а сытөг вильыд потшьяс вывті вуджны оз позь.

— Рексушка, нолто, бедьла котортлы. Тэ од тодан, кытчө ме коли сийос.

Пон видзодо, кывзо менсьым висьталомос. Сэсся тэрыба котортис сийо месталаньыс, кыті косйим первойсо вуджны.

Кутшома бара шензи, кор аддзи Рексос. Вомас сылон вөлі менам берег дорё кольлом бедь. Кутома пиньяснас шородыс. Кашкө да вайо.

Пуктис бедьсо ноп дорё, бытьо косйис висьтавыны: «Оні верман вуджны. Со вайи коромторсо».

ГОРТЫСЬ ПЫШЫЛӨМ

Сулалісны кодзыд товся луньяс. Одио содис лымйыс. Вөрө оні сомын лямбаин либо лыжион веськалан.

Рекслы воис шойччан кад. Лун-лун оло аслас жырйын. Мукод дырйи дыр увтчо. Гажтомтчо, буракө, ворысь. Но кызди мунан сэтчо, кор коскодзыд лым.

Рытьяснас Рексос лэдзливлім гуляйтны. Пөттөдзыс котралас матигогорын, сэсся чукостан, да бор локтас гортө. Водас аслас чомйо и асылөдз голос оз сетлы, узьо.

А отчюд пон эз лок гортө. Чуксали голос быртөдз, корси вель уналаысь, кывзыси поньяслон увтчөм шыо, но некысь эг аддзы быдтасос.

Тайо войнас тыр пот узьом эз и вөв. Кывзыси, оз-ө керка дорё матыстчы Рекс да сет ассъыс голоссо. Бара петали ывлао, чуксали, пон бытьо вао войис.

Рекс эз лок и мод луннас. Шог да мат миянлы вочис. Быдсяма мөвпьясыс юрө волісны:

— Гашкө, гусяліс кодкө сийос да дом йылын видзо?

— Оз вермы лоны. Лэдзас öмой Рексушка бокöвöй мортöс кутны асьсö? — бурöдö менö да нылöс гöтырöй.

— Колöкö, машина улö веськалі. Со кымын машина журъялö уличаяс кузя. Оз кө сюр, ме кута бöрдны, — майшасьö Оля.

— Локтас, локтас, некытчö оз вош. Бурлачитö, көнкö, — такöдöны менö, ёртъяс удж вылын. — А жаль, вошö кө татшöм понйыд.

Куим лун чöж сулаліс Рекслөн сёяныс аслас местаын. Некодлы сійöс сёйны. Кытысь ме сöмын эг корсь тайö каднас понйöс, кымын улича вылö волі, уна керка дорö кежавлі, көні кывліс понъяслөн гөлöсьяс.

А ывлаын трачкакыліс көдзыд. Челядьöс весиг эз велöдны школаын.

«Кöні нö узьлö сійö татшöм көдзыднас? Мый сёйö? — думайта и шензя.

Рекс пышйöмсянь коймöд рытнас, удж помасьöм бöрын, подөн мөдöдчи гортö.

Кöть вöлі пемыд нин, сюся видöдi быд пон бöрся, кодi мыччысьліс туй вылын. Мудзтöдз бара ветлöдлі, веськөдчи гортлань, и сэки дзик виччысьтөг көнкö неылын кыліс тöдса увтыштöм.

«Тайö сійö, менам Рексушкай!»

Чукöстi вель гораа:

— Рекс! Рекс!

Ок, кутшöм тэрыба сійö матыстчис ме дорö! Никльöдліс бöжнас, морöсö чеччыштліс, гашкö, прöща көсйис корны дыр гуляйтöмсьяс.

Ме эг вид сійöс. Том дырйиыд öд быдтор овлывлö. Орччөн лэччим гортö. Сэсся дыр на пукалім Рекс оланінын. Ме гыжъялі сылысь пель костсö, а сійö жуйвидзис. И сёяныс сылөн вöлі чöскыдысь чöскыд. Со тай гортад кутшöм лöсьыд.

Бурлачитöм бöрас Рекс лун-мөд чөв оліс. Гуляйтiгад узьныс, тыдалö, некор вöлöма. Став узьтöм войяссö верстайтiс.

И бара миян быри шогным. Асывнас кыла Рекслысь гөлöссö, и сэтшöм долыд лö сёлöм вылын.

Мед көть и дыр ковмас виччысьны локтан арсö, кор выльысь поэяс петны пармаö вöравны, но кутам виччысьны.

А төвся кадö бара и бара мөдам казъывны сійö шуда лунъяс-сö, кодъясöс оз позь вунöдны ни меным, ни Рексушкалы.

* * *

*

Парма! Парма! Кыдзи нин тэ олан да вылан? Мый йылысь сылан төвся кузь войяса? Кодöс дзебан аслад паськыд эшкын улын төвъясысь, турöбъясысь? Кодöс радуйтан аслад мичлунөн?

Бара нин со менам быри тэысь гажöй. Лыддя лунъяс, вежонъяс, медым выльысь аддзысьлыны тэкöд. Окота пукуштны кыз рась-

ясын, кывзыштны лэбачьяслысь дэольгём-сьылёмсё, юыштны вөрса юясысь сөстөм васё, вотёсьясён да тшакъясён чөсмасьштны.

Воас өд бара татшөм кадыс. Ог өд весьшөрө виччысь.

Сідзкө, вылысь аддзысьлытөдз, муса Парма!

„АРТИСТЪЯС“

Кузь лун чөж камөдчис-вөчасис Митя Коснырев. Чинталіс пөвьяс, стружитіс, тувьясис. Артмис зэв мича сквореч поз. Рыгтя-вылыс нин өшөдіс сійөс керка бокин сулалысь джуджыд кыз вылө. Лэччис пу вылысь да дыр на гоняліс аслас вөчөмтор вылө. «Мед зськө скворецъяс өйдөджык воисны, а то он и төдлы найө поэій пышкайяс овмөдчасны. Найө өд оз төдны, кодлы ме вөчи тайө скворечниксө. Киөй со весиг гаддяліс».

Коли некымын лун. Ывляис шондөдіс. Кузь лун чөж ызгисны шоръяс, вой кежлас сөмын найө тупкылісны вомнысө.

Митя быд асыв петаліс кыз пу дорө. Дыр чатрасис скворечник вылө, но сәні некод эз кыв.

«Оз өмөй нө аддзыны?— майшасис детина.

Өти асылө Митяөс чуксаліс батыс ёна водзджык:

— Мый нө узян, мастерөвөй морт? Ошинь улад со «артистъяс» гөлөс быртөдзыс нин сылісны.

— Мыйсяма «артистъяс» Эн вай ылөдлы.

— А тэ чеччы да видзөдлы. Ме налысь сылөм-гажөдчөмсө быдса час нин кывза. Лөсьыда, моръясыд, ливкйөдлөны.

Батыс востіс өшиньсө, и Митя зэв бура кыліс лунвылысь воөм лэбачьяслысь сылөмсө.

Котөрөн локтіс өшинь дорө, видзөдліс кыз вылө и радысла мөдіс кутлыны батысө.

— Скворецъяс! Ура! А ме вөлі пола, мися оз, гашкө, аддзыны меөн өшөдөм скворечниксө.

— Аддзөмаөсь на тай со.

Сьөд гөна, виж ныра скворец гозья пыр жө босьгисны удж бердө. Жбыркнитласны-лэбзыласны кытчөкө, ваясны вомас гөн либө кос турун. И пыр жө вайөмторсө пыртасны поэьяс. Уджыштасны мыйкө дыра, сәсся өта-мөд вежмөн сылыштасны. Лунтыр көть кывзы налысь мыла гөлөссө, майбыр он дөзмы.

Бур, мый Митя эз дышөдчы да ас кадө вөчис скворецъяслы юр сояннн. Онн найө водзөссө арөдз кутасны гажөдны Митяөс.

БЫДӨНЛЫ АСЛЫС КАД

— Пөльө, кор нө муяс вылысь став лымйыс сылас? Окота нин веж турун вывті ветлөдлыштны,— юасьö сизим арöса Тамара дедыслысь.

— Быдөнлы аслыс кад,— вочавидзис еджыд тошка пөль.— Чеччан öти асылö и лымйыс оз ло.

— Пөльө, а мыйла сы дыра пуяс вылын веж коръясыс оз мычысьны?— бара юасьö Тамара.— Кутшөм эськө мичаөсь сэки пуясыс лоины.

— Быдөнлы аслыс кад,— нурбыльтіс пөльыс да видзөдліс ывлаө.— Оз нин ковмы дыр виччысьны. Кузь төвсö бара на со чужъялім. Гажа тулыс öшиньö кутіс таркөдчыны.

— Кор нин шоръясыс мөдасны ызгыны-визувтны? Меным окота пароход лэдзны, медем ылөдз-ылөдз кывтас. Пароход вылас и аканьöс пуксьöда, меным сійö оз нин ков. Гашкө, шорыс оз и мөд визувтны да?..

— Быдөнлы аслыс кад. Быд тулыс на шорыс визувтліс, визувтны мөдас и таво. Да, да...

— А мыйла скворецъясыс öнөдз эз воны шоньд муысь, кодъяс кольөм во мян сажйö позъявлісны? Колөкө, эз во сёлөм выланьыс скворечникным да мөдлаө позъялісны.

— Сьöd ракаяс воисны нин вель важөн. Воасны и скворецъяс. Быдөнлы аслыс кад.

— Мыйла нө, эськө сы дыра ю вывсьыс йиыс оз кылав? Меным теплоходөн окота гуляйтны,— эз сетчы Тамара.

А дедыс бара, кылө, шуис сійö жö кывъяссö:

— Быдөнлы аслыс кад. Быд тулыс на кылавліс йиыд, кылалас и таво. Непременнө кылалас.

— Нинөм тэ он төд, пөльө. Ылөдлан сөмын менө,— дөзмис нывка дедыс вылө да юр вывтіыс шебрасис эшкынөн.

Ун йивсьыс кыліс, кызди войнас кодкө дугдывтөг сяркөдчис көрт листъясөн вевттьөм керка вевт вылын. Асывнас чеччис да чуймис: пöшти став лымйыс сылөма, мыччысьöмаөсь град йөръяс. Керкабердса град бөрөздаөд ызгөмөн визувтіс гудыр шор. Дедыс пукалö öшинь дорын да нимкодьясьö ловзьөм ывла ывьнас.

Тамара босьтіс пароход, кодөс сылы вөчис дедыс, пуксьөдіс сэтчө ичөтик аканьсö и йөткыштіс шор шөрө. Визув ва пароходсö да аканьсö öти здукөн шелөдіс-нуис водзö.

Эз на удит Тамара пырны гортас, кызди кыз пу вылысь аддзис скворец гозъяөс. Мудзөмаөсь көть кузь туй вуджигас, пыр жö заводитісны кышыда сьывны.

— Ай да, донукъяс! Ай да, мусаяс! Локтінныд... А менам сэтшөма нин бырис тіянысь гажөй,— сёрнитіс нывка сьöd лэбачьяскөд.

Колис ещѡ кымынкѡ лун, Эжва да Сыктыв юясысь кылаліс став йиыс. Юяс кузя бара кутісны ветлѡдлыны ѡтарѡ-мѡдарѡ теплоходъяс, катеръяс.

Сэсса пасьтѡм пуяс вылын мыччысысны посныдик веж коръяс. — Со ѡд менам пѡльѡй кутшѡм сюсь да гѡгѡрвоысь. Ставыс лоис сы ног,— дивуйтчис ас кежас Тамара.— Кымынысь тай висьтавліс, быдѡнлы пѡ аслыс кад. Сідзи и лоис. Оз, пѡльѡй, вѡлѡмкѡ, оз пѡръясъ.

ЫТВА ДЫРЙИ

Ойдіс-ыдждіс комияслѡн радейтана ю Эжва. Кѡнскюрѡ ѡдва и тѡдчѡ сылѡн берегыс. Сиктвесьтса джуджыд кыркѡтшсянь ылѡдз тыдалѡ юлѡн паськыд отыс.

Рыт. Тѡлыс лѡнѡма. Но шонді оз на кѡйы дзебсьыны, пыр на вуньгыртѡ мунѡ водзѡ. Абу на, тыдалѡ, мудзѡма кузь туйсѡ вуджигѡн. Шылыд ю кузя кывтѡны еджыд быгйысь артмѡм шапкаяс. Кор найѡ зурасясны берегѡ, пыр и потѡны.

Вѡр діяс, видз веретяяс, кодъясѡс абу на удитѡма дзебны ас улас ойдѡм юыс, быттьѡ выль мыськѡм дѡрѡмъяс пасьталѡмаѡсь, вежѡдѡмаѡсь, лѡмаѡсь сѡстѡмджыкѡсь. Берег дорын сулалысь бадь кустъяс вѡйтѡмаѡсь кодзыд ва пытшкѡ. Оз тай, майбыръяс, кынмыны.

Ю мѡдарас, неыджыд ді вылын, тыдалѡ чом кодь ичѡтик стрѡйба. Сы гѡгѡр кытшовтѡ потшѡс йѡр. Гожѡмъяснас, тыдалѡ, сѡні совхозлысь мѡсъяссѡ видзѡны, йѡв лысьтѡны.

Ді бокѡ ляскысьѡма кос вожъяса пѡрѡм ыджыд коз пу. Дерт, вына ытвыыс сійѡс татчѡ кытыськѡ вайис, сэсса эз тырмы выныс водзѡ кылѡднысѡ да энѡвтіс татчѡ.

Чѡла вугралѡны пуяс. Налѡн вуджѡръясыс сунгысьѡмаѡсь ва пытшкѡ. Видзѡдан на вылѡ, да быттьѡкѡ ѡти пусьыс кык пу артмѡма.

Зонпоснияс сулалѡны берег дорын, нимкодьясьѡны тувсов мича серпасъяснас. Сюрѡ кѡ детинаяслы плавкѡс изтор, ѡддзѡдчѡмѡн шыбитасны ю вылѡ. Из чеччалігтыр, быттьѡ резинѡвѡй мач, котѡртас ва веркѡсѡд, сэсса вѡлисти вѡйѡ.

— Ме медся ылѡдз шыбиті!

— Чайтан, и менам сѡтчѡдз оз во!— горзѡны челядь ѡта-мѡдныслы да зіля корсялѡны изъяс.

Ю вылын тыдовтчис катер. Ёсь нырнас сійѡ поткѡдіс васѡ, мурзігтыр матыстчис береглянь.

— Сергей дядь локтѡ!— горѡдіс детинаяс пиысь кодкѡ, и зонпоснияс ѡта-мѡдсѡ панъялігтыр, котѡртісны сѡтчѡ, кытчѡ сувтіс нин катер.

Катерыввса капитан казяліс асла сиктса челядьёс, пөрччис юрсыс картузёс, өвтыштис береглянь.

— Сергей дядь! Позьё катер вылад кайлыны? — юасыёны капитанлысь челядь.

— Оз позь. Ваас ещö усянныд, — кыліс воча кыв.

— Ми öд надзёникöн каям. Эн пов, абу кагаяс, — кевмысьёны детинкаяс.

Капитанлөн, тыдалö, небзис сьёлöмыс, лэдзис берегö кузь трап.

— Кайлöй либö. Мый тiянкöд вöчан, ёкыш пиян!

Детинаяс быттö тайö кывъяссö и виччысисны. Здук мысти вöліны нин палуба вылынöс.

— Сергей дядь! Гашкö, миянöс гуляйтöдыштан ю кузяыс? Дзик öти здук! Он öд ылöдз...

— Э-э... Тi тай мудерöсь. Со, вöлöмкö, мыйла и вöйысянныд татчö. Пур плиткаяс колö кылöдны меным. Некор тiянкöд ноксынысö. Мöдысь верма и гуляйтöдны, а öни некор. Локтас матросöй да пыр и петам туйö.

— Да öд зэв регыдик. Сэтшöм окота, — бара мöдис кевмысьны гöрд юрсиа Öльöксей.

— Тэ öд зэв бур, Сергей дядь, — шыасис мöд детина. Матросыд, колöкö, мый дыра на оз лок. Тшöктан кö, ми палубатö мыськалаам, рöмпöштан моз кутас югъявны.

— Мыськалаам! Ог öд пөръялöй! Öни кöть тшöктöй!

Тыдалö, жаль лои капитанлы челядь котырыс, нюмгёвтис да востис рубка öдзöссö.

— Сöмын пуксялöй скамья вылас да эн дурöй. Ислöдлышта, сiдзкö, вывти тай нин окота да... Ёкыш пиян!

Челядьлөн радысла югдiсны синъясыс. Пуксялісны-топöдчисны скамья ылö, быдөн ошкöны Сергей дядьёс.

А катер петіс нин ю шөрлань, ыджыд шыөн мөдөдчис төвзыны Эжва катыд. Ыркыдджык лои палуба вылын пукалысьяслы. Но некод оз норас. Öльöксей мыйкö, кылö, горзö другыслы: «Мед эськö дырджык гуляйтöдас! Эк, лöсьыд!»

Вель ылöдз төвзыліс катер, сэсса бөр бергөдчис да ещö на öдйöджык лэччис ва нылыдесö. Кор воисны сикт вестö, капитан бөр вайöдiс челядьёс берег дорö. Любö налы, öта-мöд вежмөн аттьöалöны Сергей дядьёс.

Локтiс матрос. Челядь трап кузя бөр петісны берегö. Сувталісны веж турунөн вевттысьсöм луд ылö, дыр öвтчисны да горзiсны ылыстчысь катерлы, кöни капитаныс челядьлөн бур друг — Сергей дядь.

СТРАДА КАД

Муяс вылө петисны тракторьяс. Совхозьясын уджалысьяслы воис страда кад. Колө регыдья кадон гөрны-көдзны, пуктыны картупель да градыв пуктасьяс.

Ва восьом бөрүн страда кад пукьяс и вөр кылөдысьяслы. Колө пурьявны да мөдөдны стройкаяс вылө уна тысяча кубометр вөр. Запаньясын лун и вой оз дугдыв уджыс.

Асланыс страда кад эм и пөткаяслөн да лэбачьяслөн. Водз тулыснас на найө заводитасны лөсьөдны позьяс. Вөчөны найөс кос туруньясысь, нитшьясысь, нбөрьясысь, гөньясысь, тэчөны сөйысь. Быдөнлөн асланыс мода.

Катшаяс, ракаяс, юрсикайяс, жоньяс, сьөд ракаяс позсө вөчөны пуяс вылө.

Юсьяс, дзодзөгьяс, угкаяс, истаньяс да ваын плавайтысь мукөд пөткаяс вөчөны быдтысяннөс юяс да тыяс дорө.

Дозмөрьяс, тарьяс, сьөлаяс, шоньд муысь локтысь мукөд лэбачьяс позьялөны вужля увьясө, пөрөм пуяс бөкө.

Ёсь бордья му джыджьяслысь позсө позьө адззыны ю кыркөтшьяс дорысь. Көдьясны лыа пытшкө ас төрмөныс розь, овмөдчасны сэтчө. Вель уна лэбачьяс позьялөны и пу горсьясө, скворечникьясө, өшинь куричьяс костө, кер бунтьяс улө.

Кор позьяс лооны дасьбөс, энь лэбачьяс, пөткаяс ваясны сэтчө кольк, заводитасны пөжны найөс. А мыйкө дыра мысти сэтысь петасны посныдик пиян. Найөс колө вердны-юктавны, видзны кынмөмысь, зверьясысь, катша-ракаясысь, кырнышьясысь, варышьясысь.

Абу өд этша врагыс лэбачьяслөн.

СЬЫЛӨНЫ ЛЭБАЧЬЯС

1

Арсяныс сирень куст улө бара лөсьөдө лэбачьяслы кормушка. Быд лун сэтчө киськала шыдөс либө нянь крөшкияс. Ог сөмын верд лэбачьясөс, но прөст кадө дыр нимкодяся налөн гажөдчөмөн.

Пышкайясөс, дерт, унаөн оз радейтны. Вывті нин частө найө өта-мөдныскөд зыксөны, косясьөны, но менам на динө, тайө збой котыр дорас, некутшөм лөглун абу.

Муртса на кутас югдыны, а пөрысь пышкай воас нин менам сирень куст вылө, мөдас гоннявны, эм абу кормушкаын сөян.

Сөяныс кө эм, пыр жө қыпөдчас места вывсьыс да вель дыр кежлө лэбзылас кытчөкө. Отнас, майбыр, оз пируйт. Гашкө, полө

дивитомысь? Лэбачьяс вермасны дözмыны сы вылө да ещö гөнтö нетшкасны, öбжöраөн нимтасны.

Пышкой лэбзис, мөдiс чукөртны асьыс бордья другьяссö, пö-другаяссö:

— Эй, чойяс, вокьяс! Пиян и нывьяс! Эм зэв бур столövöй. Некод оз вид ни повзöдды. Кодлөн кынöмыд сямалö, вöтчöй ме бöрся, да зильджыка!

Пöрысь пышкой вайöдiс сьöрсьыс кызысьс унджык лэбачöс. Кормушкаын лои дзескыд, öта-мөд вежмөн кокасöны. Кор пötисны, пуксялисны төв сайö да заводитисны гажа концерт. Абу лэбачьяс, а артистьяс.

Öтчыд артмис сiдз, мый ме висьми. Кык лун чöж эг вермы петкöдны лэбачьяслы сёян. Куйла крöвать вылын и видзöда сирень куст вылө. Быд асыв пышкайяс волевлисны асланыс тöдса местаö. Думсьыс, дерт, сёйны волевлисны. Воласны, тотшкöдыштасны нырьяснас тыртöм кормушкаö и водзö лэбзясны, медым көнкö пötкöдны тшыг кынöм. Оз ставөн лэбзыны, а кольсьны стөржöс. Пукалас сiйö öтнасөн час, пукалас мөдöс, сёсяя сы местаö локтас мөд пышкой. И бара дежуритö, кытчöдз оз веж сiйöс смена.

Коймөд луннас ме бурдi, петкöдi лэбачьяслы сёян. Здукөн и чукөрмисны. Кодкö, тыдалö, юөртiс та йылысь налы. Но и пируйтисны, но и гажöдчисны!

2

Кöть и лэбачьясыд поснийсь, а асланьныс мудерöсь. Кыдзкö декабрь тöлысьын, кор сутки чöж сулалiсны нелямын градуса көдзыдьяс, карса öти магазинö, öдзöссö восьтöм бöрын, жбыркнитiс виж морöса, еджыд чужöма пыста. Дыр кынмөм бöрын сылы шоньид магазиньд кажитчис курортөн. Лэбалö, пуксьылас пötөлök дорын öшалысь лампочка вылө, сьылыштас: «Пинь-пинь-пинь!»

Матö дас лун олiс повтöм лэбач магазиньн. Төдöмысь, эз тшыгьяв ни кынмы. Кор вузасьысяс муналасны гортас, öктас джоджысь шыдöсьяс, нянь крöшкьяс. И бара пöt.

Кор ывлаын шондöдыштитiс, сöмын сэк пыста энөвтiс асьыс шоньид оланiнсö. Ёна и ошйысис аслас тöдса лэбачьяслы: «Тöдад кө, кытчö ме веськавлi. Абу олөм, а курорт. Шоньид, быд лун пöt, и каньясысь оз ков повны. Эг на эськö тiян дөрö лок, да гажöй быри».

Ю ВОМӨН ПОС

Войыс вöли сэзь да көдзыд. Көнкö ылын, небеса шöрас, дөввидзис гөгрöс кымöса тöлысь. Көдзыдыс аслас ён кабырнас топöдiс-жмитiс паськыд öта юöс. Йи пластьяс, кодьяс луннас на кывтисны

ва нбылыд тэрмасьомён, оні воштисны вынсо, эз нин вермыны водзасаны кодзыдыскод. Найо топодчисны ота-мод динас, мурзоны, ымзоны, быттё ён капканё шедіны да некыз оз вермыны мынтодчыны.

Асьявылыс кодзыдыс ещю на чорзис. Юывса йи пластьясыс артмис кузь да ыджыд эшкын, коді дыр кезлө шебраліс збодер юос, локтан тулысодз дзебис сылысь лосталысь отсё.

Колис ещю лун-мод. Кодзыдыс важ моз скбраліс, эз личод вынъяссё. И со кодзыдён дорём пос дорё надзоникён матыстчис шор арлыда, пеля шапкаа, дженъидик пася морт. Сійо сувтіс кыркотш дорё, дыр видзодіс модар берегас, коні сулаліс вөр лэдзысыяслон ичотик посёлок, тыдалё, сэтчю кёсийо веськавны. Сэссия мужичой киас босьтіс бедь, лэччис ю вылө и бедьнас видласигтырйи водзлань вочис кымынкө воськов. Муныштас, зутшнитас бедьнас водзлань, быттё кёсийо юавны юыслысь, лэдзас оз сійо ас вомён вуджны.

Йиыс ён нин вёлёма. Пода морттө лэптіс. Абу прёста старайтчома кодзыдыс. Кутшөмкө дженъидик кадён ю вомён пос вермис вочны.

Сійо жө луннас ю вомён вуджис ещю на некымын морт. Тайо местаас, кыті модісны вуджавны йёз, некымын лун мысти уна кокъясөн таялөмысь артмис векньидик пода туй, аслысыяма пос.

Мыйён пуксисны төвся лунъяс, туйсё вочасён паськодісны, вёладоджая сэті кутісны ветлөдлыны. Водз асывнас на шойччысь юос садьмодасны турун кыскалысыяс.

«Чоп... чоп... чоп...» — вөв кокъяс улын сылө югыд йиыс.

Коркө сэссия воис и сэтшөм кад, кор юывса пос кузя модісны журъявны автомашинаяс, тракторъяс. Йи улө дзебсьөм ю кылө налысь гора шысё, люббө быдсён аслыс. Видзөдтө, кутшөм буртор вочис кодзыдыс: керьястөг ни қорта көлуйтөг ёнысь-ён пос вермис вочны. Оні таті лун и вой кер кыскалөны, быдсыяма грузъяс новлөны, совхозлы көрым да удобрение вайёны.

Ю вомён нюжөдчөм пос тулысөдзыс уджаліс, уна и буртор вочис йёзлы. Тулыс матыстчөмкөд тшөтш быри эбөсыс төвлөн. Вочасён тувсов шондіыс сывдіс йи вылысь став лымсё, сэссия ытваяс чегъяліс да кылөдіс кодзыдөн вөчлөм поссё. И пос местаө немтор эз коль, быттё абу и вёлёма сійо, абу и уджалёма лун и вой.

Но воас ар, сувтас йиыс, и пос йылысь бара мөвпыштасны йёзыс. Бара сійо лоё зэв коланторйён.

Татшөм нин йи послөн олөм-вылөмыс.

ДОН ТЫ ВЫЛЫН

Чери кыйысыястө шойччан лунө весиг төвнас гортын он пукөд. Босьтасны пыридызяс, тэчасны кокньыдик ноптор и кыпд сьёлөмөн мөдөдчасны тыяс вылө.

Унаён радейтөны төвса кыйсьөмтө. Кутшөм бур шойччөг сетө сөстөм сынөдыс, пыридызнад уджалөмыс, вөр-ваыскөд аддзысьлөмыс, вьль местаяс волөмыс! Чериясыд көть мудерөсь, но удал кыйсысыяса ещө на сюсыджыкөбсь.

Быд сикас кысангыяс налөн эмөсь. И кыйсян төлксө төдөны. Му-көд дырйи өти йөрданысь ёкышгыястө пумөн кыскалан.

Чери кыйысыяслы прөст кадыд, майбыр, өнi эм. Вежоньн кык шойччан лун. Мун кытчө колө. Öти луннас кө оз югды нем, мөднас век нин свежөй юква лоас. Колө сөмын виччысьны, терпитны. Ичөт терпениеа морттө и чериясыд оз радейтны, тыртөм нопйөн бөр вермасны мөдөдны гортад.

Кулөмдiн сикт весьтын, Эжвалөн мөдар берегас, нюжөдчөмаөсь кык ты — Письтым да Язель. Озырөсь тайө тыясыс, да и вывтi матын сэтчөдз. Пукалан сәни и ассыд керкатө аддзан, шонтысьны позьө котөртлыны.

Но Кулөмдiн сиктса кыйсысыяса медся, дерт, ошйысьөны Дон тыөн. Кузьтаыс сьлөн матө кызы вит километр. Чери вөснаыс, гашкө, и овмөдчылөмабсь тысяныс небылн медводдза олысыясыс.

Уси шуд и меным волены тайө ты вылас. Вөли декабрь. Көдзыд. Кулөмдiнса чери кыйыс Семён Ивановичкөд ми узим Дон сиктын да водз асывнас мөдөдчим турун кыскалан векньыдик туйөд. Нюр вылө пырөм бөрын пыр жө аддзим небыд лым вылысь байдөггыяслысь да көчьяслысь кок туйяссө. Көнсюрө байдөглөн да көчлөн кок туйясыс вошлiсны, а сәсса бөр тыдовтчылiсны водзлань муныштөм бөрын. Дзик на быттө неважөн тапгьялөмаөсь. Ылысса кызды вылын, көнi бшалисны помтөм-лыдтөм исергаяс, пукалiсны таргьяс, чатрасисны, номсасисны пу гаргьясөн. Регыд и воим ты вылө, кодөс сәтшөм окота вөли видзөдлыны.

Пөрччим нопгьяснымөс, кок гөгөр весалим лымсө, восьтiм гоз-мөд розь, өвтчыштiм вугыршатгьясөн, но некод оз видлась. Вежим өти места, мөдөс. Оз, некөн оз дэбгы. Лэччим ты помланьыс. Көдзыдыс оз лэдз сулавны өти местаын, чеплялө пельтө, ныртө, тшөктө зильджыка уджавны пыридызнад. Бара пьськөдiм розгьяс да кутiм виччысьны, кор вөрзыштас ичөтик таб.

— Ёкыш шедi, и абу ичөт, — шыясис, кылө, Семён Иванович. Недыр мысти ичөтик ёкыш ләптi и ме. Любөдзык лои сьёлөм вылын, көдзыдыс быттө вешйис ме дiнысь ылөджык. Зильджыка кутiм вөрөдчыны вугыршатгьясөн. Мый водзө вөли, гижны ог сяммы. Оз на удит кысанным воны муөдзыс, бара нин кодкө тракнитас. Ләп-



тан — чери шедома. Недыр мысти йорданъяс дорын, лым вылас, чеччаліс дасысь унджык мичаысь-мича ёкыш.

— Но кызд? — нюмъялө Семён да йёжгылясьө места вылас.

— Вот тайё кыйсьөм!

А йорданъясысь кайёны и кайёны черияс, мичаёсь, вердасаёсь, кодкө быттё йи улас найёс пысавлө миян кысанъясё да мормыш-каясё. Мукөд дырйиыс өтпырйё кык чери шедө.

Сэсса друг сёйны чери дугдіс. Пукалім вель дыр, розьөдлім вель розьяс, а некөн некод эз видлась. Вошины черияс. Гашкө, помасис сёян кадыс? Тэчим ёкышъясёс мешөкъясё, висьталім аттьобалана кыв озыр Дон тылы да мөдөдчим Кулём юё, коді татысянь визувтё зэв матын.

Сьод таръяс пыр на пукалісны кызд вылын. Миянсянь найё вөліны вель ылынёсь, но тыдалісны зэв бура.

Кулём ю векныдик, но эмбёс джуджыдінъяс, өтлаасё Эжвакөд Кулөмдін сикт дорын нин. Гожөмнас татысь пыр поэё аддзыны вугыршатя челядьёс, олөма йёзёс, кодъяс радейтёны вуграсьны. Кый-

сьоны тани и быд төв. Шедоны мича пөддязъяс, кельчияс и, дерт жö, ёкыш да йөрш.

— Уна во нин тайö юяс чöсмöдлис менö чöскыд чериöн,— ошкыштіс Кулöм юöс Семён Иванович.— Мукöд дырйи вежон кежлö вöлöга вая.

И мянöс тайö юяс öни эз кедзөвт: вель уна ёкыш да йөрш кыским сылөн джуджыд йиръясысь.

Семён Иванович төдмөдіс менö ещö öти кыйсян местаөн. Кулöм юсянь неылын вөр пөвстö дзевсьöма тасьті кодь гөгрöс Дон вад. Сійö көть матігөгöрсä юыскöд абу йитчöма, вөр пытшкын олö ас кежас, но некутшöм төв оз пöдлы сэтысь чериыс. Тыдалö, ключьяс отсалöны сылы. Тайö вадъяс рөдмөмаöсь гырысь ёкышъяс да сиръяс. Кыйсьöны тани медсясö төв пуксигөн, кор йиыс вöсни на.

Эз кө мөд рөмдыны, гашкө, дыр на пукалім тайö лөнъ вадъяс, но төвся луныд тай дженъыд. Ковмис гартавны вугыршатъяснымöс да мөдöдчыны гортö.

Сэсянь коли нин уна во, а татчöс лöсьыд вөр-ваыс, паськыд Дон тыыс, ичөтик Кулöм юяс да вөр пөвстö дзевсьöм вадйыс пыр на менам синъяс водзын. Позьö öмöй татшöм местаяссö вунöдны?

Казьтышта Дон ты йылысь, и пыр жö дум вылö усьö мөд татшöм ыджыд ты — Синдор. И сэтчö мем удайтчыліс воыны, сэтысь кыйöм чериысь чöскыд юква панявны.

ТОБИК

Гажтöм босьтіс Тобикöс. Лун-лун куйлö öшинъ улас, шонді водзын мушвидзö. Кор вывті нин жар лоб, кильчö пос улас пырас. Кынöм сюмавтöдзыс сәні куйлас. Дивъя тани, гож саяд, лөдзьяс да гутъяс оз дөзмөдчыны, гырысьджык понъяс оз эравны, оз пурны.

Рытъявылыс петас кильчö пос увсьыс, сёяс-юас. Аддзас кө кыськө чипанъясöс, пыр жö уськөдчас на вылö. Тобиклы любö, мый чипанъяс полöны сыысь, котсігтыр котөртöны водзвылас, корсьöны понйысь дзевсянін. Коркө öтчыд збоймөдчис Тобик да уськөдчис Султан нима көза вылö, коді муно вöлі туй кузя. Султан öвтыштіс тошнас, скöра видзöдліс ичөтик еджыд пон вылö да горөдіс: «Ме... м-е-е!..» Тобик скөр Султанлысь көсийс бөр коксö курччыны, но сәк кості көза лэдзис юрсö увланъ, ачыс уськөдчис Тобик вылö. Пон муртса удитіс пышйыны сы бөрся вөтчысь Султанысь да дзевсьыны керка саяс.

Тобиклы көть вöлі витөд арös, но тушанас ошйысьны эз вермы: ичөтик, жеб. Сиктысь аддзас ыджыд понйöс, да вежыс петö: «Меным

кӧ эськӧ сы моз быдмыны, некодысь ог кут повны. Весиг Султан меысь кутас пышъявны». Но Тобик эз быдмы. Кутшӧм вӧлі во-мӧд сайын, сэтшӧмӧн и коли. Кӧчысь ыджыдджык эз ло тушанас.

Мӧд луннас Тобик садьмис водз. Гашкӧ, эськӧ эз на садьмы, но кӧзяиныс кутіс ветлӧдлыны, тыдалӧ, удж вылӧ мӧдӧдчӧ.

Тобик петіс кильчӧ пос увсьыс, видзӧдліс лӧз энэжас. Шонділӧн мелі югӧръясыс ворсӧдчисны нин сикт везьтын.

Петіс кӧзяиныс кильчӧ вылас, малыштіс Тобикӧс небыд гӧнӧдыс. — Горт овны кольччан. Эн вильшась, а то норасьӧны суседъяс, чипанъяссӧ пӧ вӧйсӧдлан. Ми кӧзаяйкакӧд видз вылӧ мунам.

Ог тӧд, мыйкӧ гӧгӧрвоис эз Тобик, но пыр жӧ кутіс шенасьны пушкыра бӧжнас, быттӧ кӧсйис шуны: «Кывзъяс, ог кут пакӧс-титчыны».

Кор горт дорас коли сійӧ ӧтнас, ещӧ на гажтӧмджык лоис. Некодкӧд весиг ворсыштны. Туй вылас эськӧ рувъялӧны понъяс, но некод оз кӧсйы ворсны ичӧтик Тобиккӧд. Да и эмӧсь сэтшӧм понъяс, кодъяскӧд паныдасьӧм бӧрын ӧдва удитан кокъястӧ нуны: дойдальнасны и курччаласны.

Недыр мысти керка дорӧ, кӧні оліс Тобик, кутіс матыстчыны почтальӧн, олӧма косіник нывбаба, коді быд лун ветлӧдліс сьӧкыд сумкаӧн сикт кузя, кежавліс пӧшти быд керка дорӧ. Почтальӧн эз на удит газетъяссӧ лэдзны почтӧвӧй ящикӧ, кызди сы вылӧ уськӧдчис Тобик да вом тырнас мӧдіс увтчыны. «Ав-ав-ав... Вот ме тӧнӧ ӧні повзӧда. Ӑдйӧ и усйысян», — мӧвпаліс керка видзысь пон. Но почтальӧн эз повзы, зымнитіс кокнас, горӧдіс: «Шӧтъ, лякбадь, а то нӧбръяла! Мый нӧ вомтӧ жерйӧдлан?» Сӧсся босьтіс киас нӧбр да шеньштіс увтчысь понлань. Тобик повзӧдымысла ойӧстіс и здукӧн тувкнитіс-пырис кильчӧ пос улӧ.

«И тайӧ меысь оз пов... Чипанъяс тай нӧ полӧны», — майшасис Тобик да пыр на тіраліс почтальӧн горӧдӧмысь. Пон мыйкӧ дыра куйліс аслас местаын да бара петіс ӧшинь улас. Кӧсйис котральштны туй кузя да шай-паймуніс: сӧні Султан нин ветлӧдліс. Аддзас кӧ Тобикӧс, бара садь быртӧдзыс повзӧдас. Ловъя юрнад он нин мын сысь.

«Вӧрӧ, гашкӧ, ветлыны? Сӧні ыркыдджык да и кодӧскӧ, колӧкӧ, верма повзӧдны», — вӧтліс ас дінсьыс шогсӧ пон. Сідзи и вӧчис Тобик. Чеччыштіс потшӧс костӧд, кытшовтіс карта сайтыс, медым люкасысь кӧза оз казаяв, и уськӧдчис вӧрлань. Вӧрыс, майбыр, сикткӧд дзик орчча.

Тобик котӧртӧ вӧрса векныдик туйӧд, исасьӧ, корсьюрӧ гӧлӧссӧ сетлӧ. Туй бокрын еджыд бордья бобув пукаліс, тыдалӧ, шонді водзас шонтысис. Тобик уськӧдчис бобув вылӧ, кутны кӧсйис, но эз удит: бобув кыпӧдчис да лӧзсис. «Ӑ-Ӑ... Повзин. Сідзкӧ, меысь кодсьюрӧ полӧны на», — радліс пон да мӧдіс котӧртны тӧрыбджыка.

Туйбокса нейджыд гөптын кузь кока истан котраліс, гагъясөс, тыдалө, куталіс. Тобик лажынътчыштис да мөдіс кыссыны гөптлань. «Тюрли-тюрли»... — повзыштөм гөлөсөн чивөстис вөсни кока лэбач, сәсся тойыштчис мусыс и воши пуяс сайө.

«Да меысь, вөлөм, унаөн полөны! Вот ошкөс кө верма ещө повзөдны», — дзыкөдз збоймис пон.

Водзө котөртө Тобик. Вөрын и збыльысь ыркыдджык, Шондилөн югөръясыс омөля веськалоны му вылө: дзор козъяс да пожөмъяс оз лэдзны налы пискөдчыны. Вель ылөдз нин котөртис, а векныдык туй век на оз помась, код төдас, кытчөдз мунө. Туй бокын куйліс кыз конда, төлыс, дерт, коркө пөрөдөма пусө. Тобик кежис сэтчө, көйис шойччыштны. Эз на удит воны пу дорөдз, кызди сәтысь звиркнитис кузь пеля руд көч. Тобикысь, гашкө, ыджыдджык. Пон сәтшөма повзис, весиг шөйөвошліс. А көч и ачыс повзис, кутис пызйыны мый вынсыс. Тобик петкөдліс грөз: «Ав-ав-ав...» да мөдіс вөтчыны кузь пель бөрся. Регыдөн и пон жаяліс. Суөдан өмөй тэрыб кокъяса көчөс? Вөтчысь бөр бергөдчис пу дорө. Аслас нюмыс быдөн петө любөысла.

«Со кутшөм ыджыд зверөс верми повзөдны. Ай да ме! Өні и Султанысь ог кут повны».

Унаөс на тайө луннас вөрын повзөдіс Тобик — шырөс, сырчикөс, весиг дозмөрөс, коді тапъяліс пуяс гөгөр да өктис вома польдчөм чөд тусьяс. Рытъявылыс нин пон мөдөдчис гортас. Көть кынөмсө нюкыртөмөн нюкыртө, но сьөлөм вылас долыд. «Быдөн на, вөлөм, меысь полөны. Аски бара вөрас кайла. Мед кутасны төдны, мый Тобик, көть и ичөт, но некодысь оз пов».

Ставыс, колөкө, бура помасис, но Тобик казяліс, кысянькө лэбзис чушканзі, лэччис ляпкыдик мыр дорө и пырис мыр улас. Понйөс вильышлуныс бара дэлыөдны мөдіс. «Час, ме вөтла тэнө сәтысь. Меысь дзесыны көсьян, чуравтөдзыд повзин», — тайө думьяснас Тобик матыстчис сись мыр дорө, лапаяснас заводитис кодйысьны, кытчө муртса на дзесис чушканзі. Кор розьсө ыдждөдіс, сәні тыдовтчис гөгрөс шар, быттьө сійөс важ рудов бумагаысь вөчөмаөсь. Тобик чашнитис-косяліс мыр улө дзевөм шарсө: и сійө жө здукас сәтысь, гашкө, ветымын чушканзі чепөсйисны ортсө. И быдөн на пысь уськөдчисны пакөститчысь вылө, быдөн видзөдчисны сатшыкысьны понлы синмас, чужөмас. Тобик эз вермы водзсасыны, шенасис бөжнас и кокъяснас, никсис, быттьө кодөскө отсөг вылө корис. А сәсся то мыш вылас шыбитчылас, то лапанас кучкас аслыс чужөмас, медым вөтлыны силитчөм чушканзіясөс.

Тобик пондіс пышйыны сиктлань. Синъясыс өдва аддзисны, гөгөр зөлитис. Ылөдз на колльөдісны пышйысьөс чушканзіяс. Көть и посниөсь найө, а эз повзыны, кужисны водзөс мынтыны Тобиклы, коді пазөдіс чушканзіясельысь позсө.

КЫМӨРҮЯС

Сулаліс жан морөса июль төлысь. Каръясын да сиктъясын бытё лун и вой ломтисны пачьяс, котельнөйяс, сэтшөм вөлі шоньд поводьяс. Жарысла косьмисны муяс. Кольö неуна кад, и юрнысö öшөдасны помидорьяс, капустаяс да мукöд пөлөс град вьв пуктасьяс.

Кык вежон чөж нин енэжыс югыд да сөстөм. Жар шондi кытшлалө аслас уна вося туйөд да долыда нюмъялө. Сийö мөдөдө небеса-сянь му вылө пыр унджык жар. Төдө, сы вылө таысь некод оз мөд шуасьны-вөйпны. Шондiтө тай быдөн пыдди пуктөны, радейтөны, торъя нин көдзыд муын олысьяс, көнъясын гожөмыс овлө пев чунь кодь дженьыд.

Дыр на эськө сөдз енэжөд гуляйтс шондi, но рытъявылыс, кор доналөм гөрд шар эз на удит саймовтчыны шойччыны стенөн суалысь вөр сайö, кыськө вичысьтөг күтисны сы вылө зырөдны кык ыджыд кымөр. Шондi пыр и төдiс найөс: тайö Шум вөчысь да Бөрдысь кымөрьяс, чоя-вока.

Чоя-вока мөдiсны варгыльтны шондiлань, тыдалө, көсийсны дзебны сийөс асланыс эшкын улө. Шондi и ачыс мудер: быйкнитiс-дзевсис вөр дiяс сайö. Асылөдзыс öнi сийö некодлы оз петкөдчы.

Шум вөчысь да Бөрдысь кымөрьяс пондiсны кытшлавны карьяс, сиктъяс да паськыд пармаяс весьтөд. Эжва ю пөлөн гуляйтшытасны, ягьясö кежавласны. Кымөрьяслы шог ни гөре, шлывгөны и шлывгөны. Кытчө төв, сэтчө и найö. Оз мудзны и оз пөсявны. Узьны ни сөйны оз ков.

Да и муно́м-ветлөмсьыс, майбыр, сьөм оз ков мынтыны. Вөльнөй лэбачьяс, мый көсьясны, сийөс и вөчасны.

Тадзи кытшлалiсны Шум вөчысь да Бөрдысь кымөрьяс асылөдзыс. Гашкө, көсийсны дөзмөдчыштны югыд шондiлы, медым сийö оз өна ышнясь. Сытөг на өд енэжас эмсөсь йөзыслы бур вөчысьяс.

Сэсся дөзмисны шондiлысь петөмсö виччысьны, мөдөдчисны бергавны совхознөй видзьяс весьтөд. Öтчыд кытшовтiсны, мөдысь. Некымын кытш на вөчисны.

— Вай гымышт гоз-мөдысь, воканөй, — велөдiс Шум вөчысь кымөрөс Бөрдысь чойыс. — Ме найөс аслам синваон киськалышта. Жар, көнкө, уджавнысö, со кызди пөсялөмаөсь йөзис.

Сьөд кымөр көсийс нин гымыштны, а Бөрдысь чойыс пөттөдзыс зэрыштны, но видзьяс вылын уджалысьяс мөдiсны янөдны найөс:

— Эн жө бара зэрөй, яндзимныд кө эм на! Миян со кызь гектар сайö видзьяс ытшкөма. Көс турунсö колө зорөдьясö меститны. Луныс кутшөм шоньд да мича!

Жальөсь лоины кымөрьяслы көрым заптысь войтыр. Эз гымавны-чардавны, эз зэрны, водзө надзөникөн шлывгисны. Регыд мысти казялiсны зэв ыджыд капуста му, орччөн тайö муыскөд морковьяс

да помидоръяс быдмисны. Омольтчёмаось, косьмыны заводитёмаось. Нывбабаяс, велёдчысыяс казялісны матыстчысь кымөръясос, мөдісны шенасыны кияснас, чышъянъяснас. Асьныс радось, горзёны, синъяс-сө оз вештывны енэжысь.

— Ай да, дитяяс... Ай да, кымөръяс... Зэрыштёй вай, зэрыштёй... Муясным дзикөдз косьмисны. Көсйисим озыр урожай быдтыны, а кызди быдтан зэртөгьд? Ас киськасянсө вот-вот жё эськө лёсьодасны да.

Кылісны кымөр чоя-вока бабуньяслысь корөмсө, паськөдісны сывъяссө, лэччисны улөджык, муяслянь, да бура и зэрисны.

Капушта му вылын уджалысь нывкаяс радысла мөдісны чеччавны, кутлыны өта-мөдсө. Көть и ставөн көтасисны, эз весиг дзэбсьыны шоньд зэрсьыс. Радлёны и олөма нывбабаяс, думнаныс аттёалёны кымөръясосө татшөм ыджыд бур вөчөмысь.

Кымөръяс вөчисны асьыныс уджнысө. Вель ёна гымыштіс Шум вөчысь кымөр, сэся мөдөдчисны водзө. Муяс вылад уджалысьяслөн ошкөмсьыд кыкнанныслы лой любө. Нимкодясёны, ниртчөны өта-мөд бердас.

Дыр кытшлалісны кымөр чоя-вока, уналаө волісны, унатор адзылісны. Буретш сэк, кор вөлі лэбзёны паськыд парма весьтөд, казялісны сьөд тшын, коді пуркйис-кайис веськыда парма шөрсянь. Веськөдчисны тшынлянь, көсйисны видзөдлыны, мый сәні вөчсьө. Воисны матөджык да чуймисны: няръялөмөн сотчө вөр. Билөн кузь кывъясыс нюлөны коз цуяс, дзижгөны-сотөны пожөмъясөс и кызъясөс. Бисө старайтчөны кусөдны уна дас морт. Тракторъяс кусөдчысьяслы отсасёны, но ярмөм биөс кокниа он сувтөд.

— Гашкө, отсыштам войтырыслы?— шыасис Бөрдьыс кымөр вокыс дінө.

— Позьө. Ва миян тырмас, и йөзсө колө жалитыштны.

— Тэ өтар боксяныыс кутан зэрны, ме — мөдарсяныыс.

И со кымөръяс уськөдчисны өдйө паськалысь би вылө. Лэдзисны асьыныс став вынсө, медым сулик ваөдз көтөдны мусө, сәні быдмысь став пуяссө.

Гашкө, быдса час уджалісны. Көртвомалісны өд битө. Оні сійө эз нин вермы воддза моз бушуйтчыны.

— Вай ещө босьтчылам, чойө, мед тайө пакөсть вөчысьыс пөкөритчас миянлы.

И чоя-вока бара мөдісны киськавны би вылө. Мурзёны да уджалёны. И йөзыс отсасёны кымөръяслы, сотчысь пуяссө муөн коялөны, потшөны быыслы водзө мунан туйсө канаваясөн, ордымъясөн. Дыр на ковмис водзсасыны быискөд.

— Вермим өд Антус пызьөс. Вынным тай бисьыд унджык на вөлөма,— радліс Шум вөчысь кымөр, коді оз сөмын чардав да гымав, но вермө и чойыс моз зэрны.

Радлоны и пöжар кусöдысьяс, аттьöалöны кымөръясöс отсöг сетöмысь. Вермисны кө эськö, кутлисны зиль чоя-вокаöс.

Кымөръяс вöчисны ассьыныс уджсö, сэсся водзö мöдöдчисны. Дыр-ö, регыд-ö, воисны Лышкыд яг весьтö. Гажа тані местаыс. Шойччан лунъясö карса олысьяс быдөн старайтчöны волыны татчö. Öтикъяс дона гобъяс корсялöны, мöдъяс чукöртöны вотöс, коймöдъяс шойччöны да гожъялöны. И Эжва юыс дзик матын. Позьö купайтчыны, куйлыштны пöсь лыа вылын.

Важөн нин, тыдалö, абу волöмаöсь тай таланьö кымөръяс. Еджыд ялаыс, коді вевттьö гажа ягсö, чажакылö, тшакъяс косьмöмаöсь, пуяс сулалöны гажтöма.

— Муса кымөръяс, мездöй миянöс. Дзикöдз косьмыны кутім, — пондिसны кевмысьны пуяс, тшакъяс да вотöсьяс.

И кымөръяс кывзысисны. Восьтисны вомъяссö да уна и ва лэзисны Лышкыд яг вылö. Кöтöдтöм места эз коль.

Со кутшöм уна буртор вермисны вöчны кымөръяс йöзлы, быдмөгъяслы, пуяслы, тшакъяслы и вотöсьяслы.

ТУЛЫСЛÖН ШЫАС

ЭЗЫСЬ ВОЙТЪЯС

Шоныд муясысь да саридзяс сайысь тэрыб кокъяснас воис варов тулыс, кутіс вöтлыны кузь тошка дзор юрсиа тöлöс. Лым толаяс мöдисны ляпкавны, топавны.

— Тёп... тёп... тёп... — варовмисны керка вевтъяс вылысь лэчысь эзысь Войтъяс. Найö зильöны пыдöджык пырны-дзевсьыны му бердö.

Тадзи найö варовитöны кузь лун чöж. Чеччыштасны му вылö медся джуджыд керка вывсянь, да оз и повзыны. Воасны му вылö — клоп потасны. А жöлöбъяс дорын бара нин чукöрмöны мукöдъяс.

Но виччысьтöг войвывладорсянь уськöдчис кöдзыд тöv, шеныштис паськыд тошнас.

Повзисны Войтъяс, йитчисны öта-мöд бердас.

— Помасис миян олöмным.

— Этша и сюри гажöдчыны.

Войтъяс көсйöны лэччыны му вылö, дзевсьыны, но некыз оз вермыны торйöдчыны öта-мöдсьыс.

Войбыд изöймитисны-кынмисны. Мыйөн югдис ывлаыс, кодюрö асьнысö эз тöдны: нюжалöмаöсь, быдмöмаöсь, быттьö ёсь штыкъяс чурвидзöны.

Надзёникён сайкалісны да бара варовмисны, мөдісны ошйысьны.

— Ме медся кузь да мича!

— А ме тэысь кыз да шылъд.

— Менё сакар пыдди позьё сёйны.

— Шонді петігас ме сэтшөма дзирдалі, бытьё пытшкын югыд пöнар ломзис.

Налысь ошйысьёмсö кыліс шонді, веськөдіс ассыс югөръяссö йи нёнъяс вылö, здукөн и сывдіс найöс.

И бара керка вевтъяс бокысь кутіс кывны войтвалөн тöдса гөлöс:

— Тёп... тёп... тёп...

Дженъыд вөлöма нэмыс йи нёнъяслөн.

ТУРÖБ ДА ШОР

Сьöдасисны карса туйяс, варовмисны жебиник Шоръяс. Гөлöсныс слабиник на. Воас кад и збоймасны, лун и вой оз ланьтлыны сэсса. Öд найö тэрмасьöны асланыс мам Эжва ю дорö, медым öтвылысь гөститыштны паськыд видзяс вылын да котöртны водзö, вой-выс саридзлань.

Садъмис и ичөтик Шор, мыссьыштіс сылём лымйысь артмём ваён, заводитіс писькөдны водзö мунан туй. Аслыс любö. Вель дыр öд шойчис, окота и уджыштны.

— Час, ме петкөдла тэныд пуж! Кутан тöдны, кызди пальöдны менö,— скöрмис Көдзыд.

Сійö пöлыштіс Шор кузя, зэвтіс медбөръя вынсö.

Гажтём лои Шорлы, вот-вот бырö эбөсыс. Кутіс гоннявны, кодöс эськö чукöстны отсöг вылö.

— Эн шөгсы, муса Шорöй,— шыасис Турöб.— Ме тэнö дзеба, көдзыдыд оз аддзы.

— Тэнсьыд буртö ог вунöд,— радліс жебиник Шор.

Лольштіс морöс тырнас Турöб, ваяліс да кояліс Шор вылö маті-гөгöрысь став лымсö.

Садъмис мөд луннас Көдзыд, шылёдыштіс тошсö, мөдіс вашъявны.

— Ме тай ён на. Öти войён кынті Шортö.

Шор эз кыв Көдзыдлысь ышнясьёмсö. Сылы вöлі шоныд лым улын, визувтіс надзёникён водзö и нинöмысь эз пов.

КОДНЫС ЁНДЖЫКÖСЬ ДА ПЕЛЪКДЖЫКÖСЬ

Бузгис-визувтіс ичөтик Юромка ю. Гожöмнас тайö вöрса юыс ёна ляпкалö, весиг подөн уналаті позьё вуджны сы вомён.

Вöрысь петіс ош да матыстчис гажаа сьылысь ю дорö. Гуын

төвбүд куйлөм бөрүн сылы ывла вылас кажитчис сэтшөм мичаён да гажаён, радысла туплясьны кутис крут берег вылын. Сэссия адзис өткөн сулалысь мыр, кватитис сийсө водз лапаяснас, здукөн чегис.

— Со ме кутшөм ён. Ме кодь силачыс зверьяс пөвстын парма-ын некод абу!— горөдіс вом тырнас ош.

Буретш сэки юдорса козыйн пукаліс кузь бөжа ур. Кыліс ош-лысь ошйысьөмсө да эз вермы терпитнысө, матыстчис мыр бердын куйлысь ош дінө.

— Видза олан, Михайлө дядь,— копыртліс юрсө ур да пуксис ошлы паньд.

— А... Тайө тэ, кузь бөж. Гашкө, пель костъясөс ёсь гыжъяснад гыжйыштан, а то аслым дыш.

— Ачыд нин кызкө-мыйкө... Казақъясыд өні абуөсь,— збодера вочавидзис ур. Ачыс вешийс ылөджык.

— Мый? Мый шуин, кузь бөж? Гашкө, эг велав да...

— Ог көйы, мися, казачитны.

— Да тэ кызди лысьтан тадзи сёрнитны мекөд? Он өмөй төд, коді ме? Медся ён, медся пельк. Став зверьясыс меысь полөны.

Ур пуксис лөсьыдджыка, эз көйы сетчыны ошлы:

— Көдъяскө, гашкө, полөны тэысь, меным тэ тшак ва. Ачым ме тэысь ёнджык и пелькджык.

Эз на удит помавны ур висьталөмсө, ош сэтшөм гораа серөктіс, мый матігөгөрын пукалысь лэбачьяс повзьөмысла лэбзисны кызд позьө ылөджык. Ош туплясьө да сералө, некызди дугдыныс оз вермы.

— Но и кузь бөж. Ой, кынөм доймытөдз сералі. Да ме печикта кө тэныд плешкад, садьыд пыр и бырө, вунөдан, кызди бать-мамтө шулісны.

— Мыйла прөста больгыны? Вай видзөдлам, кодным ёнджыкөсь да пелькджыкөсь. Верман кө менө, сэки и няйт пельяс косттө гыжйышта. Колөкө, пытшьяс сәні жуөны.

— Висьтав, мый вөчны?— мурөстіс ош да кыпөдчис чегөм мыр бердысь.

— Лок ме бөрся, Михайлө дядь,— уссө водзлань чургөдіс ур и мөдіс чеччавны кушмөм берег пөлөн. Ош мурзө да вөтчө сы бөрся, пыр на скөралө небыд гөна ичөтик зверь вылө.

Ур адзис берег дорысь пызан судта из, коді дыр куйлөмысла нитшкасьөма нин, сувтіс сэтчө. Ыджыд из дорын вөлі мужичөй кулак кодь мөд из.

— Воим али мый?

— Воим, Михайлө дядь, воим. Тані со берег дорас куйлө кык из. Өтиыс тэ ыжда кымын, а мөдыс ичөт, буретш сьөктанас сэтшөм, мыйта весита ме.

— Но и мый?.. Немтор ог гөгөрво, кузь бөж.

Ур бара чургөдліс водзлань усьясөб, мөдіс төлкуйтны ошлы:

— Көдным вермам тойыштны изсө юас, сийө и лөө медся ён

зверыс. Заводита ме...— сэсся ур крукыльтіс бѳжсѳ, медым оз мешайтчы, водз лапаяссѳ пунктіс ас кодъыс ичѳтик из вылѳ да мѳдіс тойлавны сійѳс водзлань. Кѳтъ и сѳбкыд вѳлі урлы, но век жѳ изсѳ вермы тойыштны юѳ.

— Чайтан, менам вынѳй оз тырмы?— мурѳстіс ош да матыстчис нитшкасѳм сѳбкыд из дорѳ.

Ур пуксис пу вож вылѳ да мѳдіс видзѳдны пессысыс ош вылѳ. Коли час... коли мѳд... Шондіыс кайис нин небеса шѳрѳ, а ош некыдз оз вермы вѳрзѳдны места вывсыс сѳбкыд изсѳ, быттьѳ вужъясѳма сійѳ му бердас. Шоныд пась кузяыс визувтѳ пѳсь, синъясыс гырдемисны, а нинѳм вѳчны оз вермы. Урлѳн жалыс петіс.

— Эновт, Михайлѳ дядь. Аддза, он вермы. Этша на, тыдалѳ, кодзувкот кольястѳ сѳйѳмыд. Оні вай видзѳдлам, кодным пелькджыкѳсь.

«Пельклуннад кыв шуѳг тѳнѳ кузь бѳжѳй, пановта. Ме ѳд вѳлѳс весиг верма суѳдны»,— мѳдіс радлыны ош.

— Вай тшѳкты, мый колѳ вѳчны?

— Аддзан, неуна водзынджык Юромка ю. Колѳ чеччыштны мѳдар берегас. Кодным вермам тайѳс вѳчны, сійѳ и лоѳ медся пелькзверыс.

Ош эз на удит лапнитны синъяссѳ, ур ѳддзѳдчис да звирк чеччыштіс ю вомѳн.

— Мый нѳ таті чеччыштныд? Ме и таыс паськыд ю вомѳн верма чеччыштны,— бара мѳдіс ошійысны ош. Сэсся зѳвтіс став вынъяссѳ да тойыштчис кыркѳтш дорсянь.

Мѳдар берегас Михайлѳ дядь сідзи и эз во, бузгысис-уси ю шѳрас. Кѳдзыд ва пиын купайтчис, шоныд пасьсѳ кѳтѳдіс, ѳдва берегас кайис. Бур, мый эз пѳд ваас.

Ур кайис медся джуджыд пожѳм вылас да мѳдіс шмонитны ош вылын:

— Кодным нѳ, сідзкѳ, ѳнджыкѳсь? Чѳв олан. Яндзим, тыдалѳ, лои.

Ош немтор эз вочавидз, лѳдзис юрсѳ увлань да варгыльтіс вѳрѳ.

НѢЛЬ ВОК

Олѳны-вылѳны нѳль вок. Ёнысыс-ѳнѳсь, мичаысыс-мичаѳсь. Некор оз пѳрысымыны. И зѳв шанѳсь. Пыр старайтчѳны му вылын да вѳрваын олысыяслы вѳчны кыдз позьѳ унджык буртор.

Первой воксѳ шуѳны Тулысѳн. Мѳдсѳ — Гожѳмѳн. Қѳймѳдыслѳн нимыс Ар. Но, а нѳльѳдыслѳн... Ті асыныд нин гѳгѳрвоид, челядь, Тайѳ Тѳв.

Көтө вокъяссыс моз жө Төв некор оз пөрысьмы, мыйлакө быдөн нимтөны сийөс пөльөн. Гашкө, сы вөсна, мый Төв пыр еджыд, пашкыра юрсиыс дзормөма. Вокъяс пиас сийө медся тыдалана. И ёнлуныс майбырлөн тырмө.

Воас кадыс да кузь туйө медводз петас Тулыс. Кытї мунас сийө, кутшөм муясө тувчылас сълөн кокыс, быдлаын пондас шондөдны, ловзыны, кыпавны. Садьмөдас шоръясөс, йи улын шойччысь юясөс. Тшөктас мича паськөмөн вөччыны пуяслы. Шоньд муясысь, саридзьяс бердысь аскөдыс вайөдас и быд сикас лэбачьяссө.

Тулыс вок тэрмөдлө быдөнөс: гөрысь-көдзысьясөс, вөр кылөдысьясөс, велөдчысьясөс, медым быд удж вөлі вөчөма ас кадө да бура.

Кыпыд Тулыс ёна и гажөдас йөзөс, пөткаясөс, зверьясөс. Челядьөс гожьөдас, унджык пөлөс зверьяслысь паськөмсө вежас, пөткаясөс тшөктас сывны-гажөдчыны, вын-эбөс сетас юяслы да шорьяслы.

Уджалас лун и вой. Уна буртор коляс ас йывсыс му вылө. Кор вель ёна мудзас, отсөг вылө чукөстас ассыс воксө — Гожөмөс.

Сосьяссө пуджөмөн локтас Гожөм. Дінсыс өвтө шоньдөн. Вокыслысь уджсө водзө пондас нуөдны.

Вежөдасны муяс, өдийө кутас быдмыны видзьяс вылын турун, град выв пуктасьяс. Жар Гожөм тупкас вомьяссө вывтїджык ышмысь юяслысь. Сөвмөдас лэбачьяслысь да зверь-пөткаяслысь пиянсө. Кисьмөдас чөскыд вотөсъяс, отсасяс көрым заптысьяслы. Прөст кадө гырысьясөс и челядьөс чуксаяс полтыкасьны-купайтчыны юясын, гожъялыштны шоналөм лыа вылын, пукуштны гажа садьясын да скверьясын. Гажөдас челядьөс пионерскөй лагерьясын, походьясын.

Со мыйта удж вичмө Гожөмлы. Ставсө он вермы лыддьөдлыны.

Сэсся коркө не коркө Гожөмөс вежас Ар. Первойя кадсө сийө вель дыр нимкодьяс ывлавывса серпасьяснас, отсалас идравны муяс вылысь став урожай. Быдтас быд сикас тшакьяс, пув. Ёнмөдас да сөвмөдас шоньд муясө мунысь лэбачьясөс, зверьяслы төв кежлө тшөктас вөчны сёян запас, унджык чукөртны гөс.

Мыйкө дыра уджыштөм бөрын Арлы окота лөө вежны ассыс олан местаяссө, аслысногөн гажөдны вөр-васө. Лун кык зөрас, гөгөр мыскалас, сэсся ыркөдчыны кутас. Кольө лун дас, и пуяс вылысь корьясыс вижөдасны, пелысьяс, кызьяс уна рөма краскаясөн вевттьясны, сэсся му вылө мөдасны гылавын корьяс. Зөра да көдзыд поводьясыс дөзмасны лунзылын төвйысь пөткаяс, лэбачьяс, эновтасын войыв му. Лэбзьөм водзвылас висьталасын уна атгөалана кывьяс Тулыслы, Гожөмлы, Арлы.

— Ён на өмөй мудз, дөна вокөй? — кызкө юалис Арлысь еджыд тошка Төв. — Гашкө, ме тэнө вежла? Му вылас өд зэв на уна уджыс.

— Вывтї рад лөа, — вочавидзис Ар и пыр жө сетис вокыслы туй. Төв видзөдлїс гөгөр да мөдис катлөдлыны юрсө.

— Ог ме вермы ветлөдлыны ва да няйт туй кузя, кокөй льяксяс, тошкөй сьодасяс.

И дзык пыр босьтчис удж бердө. Кынтис мусө, гөптьяс да юяс вомөн шылыд пос нюждис, гөгөр вевтис еджид шебрасөн, мед муывас быдмөгъяс оз кынмыны. Вөчис топид туйяс, кыти дугдывтөг журьялисны машинаяс, гримөдисны тракторьяс. Шойччан лунъясө йөзөс корис сувтны лыжияс вылө, лолавны сөстөм сынөдөн. Войянас дзевис лым пытшкө сьолаясөс, тарьясөс.

Төв зильлуннас эз кольчы мукөд вокьяссыс.

Тадзи олөны-вылөны нель зиль вок. Быдөнлы найө коланаось. Быдөн вокьясөс казтылөны бур кывйөн.

КӨЧЛӨН ШОГ

Вөлі нин октябрь пом. Пуяс вылысь гылалисны став корьяс. Сөмын ниа, коз да пожом пыр на вөліны асланыс паськөмаось. Шоньд налы: төв ни зэр оз веськав. Зато кызьяс, ловпуяс, пелысьяс, льөмпуяс асывсянь рытөдз дрөжжитөны. Пасьтөгид абу зэв лөсьид, кор вой төв букыштчас, лэчид төв мөдас дөзмөдчыны, сьөд небесаянь лым усыны.

Көч куйлис пөрөм вужля бокин, кытчө төв ни зэр оз веськав. Отар бок вылас мушвидзыштас, сэсся бергөдчас мөдар вылас. Шоньд и лөсьид. Пасьыс сылөн еджид нин. Петалас сөйны, тапикасыштас небыд еджид лым вывти, некутшөм зверь ни вөралысь сийөс оз казав. Сөмын понъясысь колө видзчысьны: найө здукөн аддзасны, еджид пасыне ни тэрыб кокыс сэки оз отсав.

Пасьтөм пуяс талун асывсянь бара мөдисны дзуртны-норасыны. Дрөжжитөны, шондлы кевмысьөны, медым му вылө ыстас ассыс яр югөрьясө.

— Мый нярганныд? Топөдны кутис көдзыдыс? Эк ти, льякбадьяс! Ме тай со ог норась. Ола-выла, пипу кырсьөн чөсмая. Мейсшуда зверыс абу,— кузь пель кыпөдчис вужля дорысь, табья кокьяснас кайис джуджид мыльк вылө, мөдис йөктыны да сывны:

Көч йөктө, йөктө
Мича табья кокнас,
Вый тупыль юрнас,
Шабди кудель бөжнас,
Сьөд сэгөр синнас,
Льөм пу кор пельнас,

Есь йыла пиньнас,
Дас кык тув сывнас,
Аслас дона кунас,
Сыла-госа кывнас.

Дыр на, колёкё, ошйысис да дэльбодіс коч пасьтём пуясёс, но кыськё зэв матысь кыліс понлысь увтчёмсё. Здукон чеччыштис вужля дорё, йёжгыльтчис, чошкёдіс пельяссё, весиг ыджыдджыка лолыштыны оз лысьт. Тадзи коч быдса час, гашкё, кывзысис. Пондас кё талань матыстчыны пон, ковмас энвотны шоньд патератё да лов тыртёдзыд төвзыны, пышйыны тэрыб понйысь.

Но ставыс помасис бура. Понлөн гөлөсыс ылыстчис и ылыстчис, сэсса дзыкёдз дугдіс кывны.

Бара гажмис кочильёй-чойильёй. Выльысь кыпёдчис нөрыс йылё да мөдіс сывны:

Коч йөктё, йөктё
Мича табъя кокнас...

— Ланьтін кё эськё, бурджык вөлі. Миянлы шог, а тэ сылан да йөктан, — вомалісны сійёс кынмысь пуяс.

— Кутшөм мем мог тіян шогёдз? Ме моз кё кутад котравны, сэки некутшөм кёдзыд тіянёс оз босьт, — вомаліс пуясёс кузь пель, сэсса тэрыба котөртис пипу раскё, медым пөттөдзыс сёйны.

Пөт кынөма коч узис дыр. Кор восьтис сьод сэтөр синъяссё, чуймис: став лымйыс войбыднад сылөма. Енэжын ворсөдчө ярьюгыд шонді. Радлөны шоньд поводдя пуксьөмлы кортөм пуяс, өні найё оз нин норасыны кёдзыд вылө.

«Кызди нө өні ме еджыд пасьнас куш му кузяыс кута ветлөдлыны? Ручьясыд, варышьгясыд, понъясыд пыр и аддзасны. И дзебсыны он вермы. Мый поводдяыс йөйталө, мыйла колө вөлі став лымсё сывдыны», — шогсис-майшасис коч да гонняліс гөгөр, оз-ө кодкө матыстчы вужля дорё.

Луннас, кор шондыс кыпёдчис небеса шөрө, кочсянь зэв маті муніс руч. Котөртыштас, исасьыштас. Коч сэтшөм топыда йёжгыльтчис вужля бердө, лыясыс весиг доймыны кутісны. «Аддзас оз бара?.. Аддзас оз бара?..» — тіпкис сьөлөмыс кузь пельлөн. Но руч эз казав сійёс.

Быдса лун куйліс өти местаын коч, сёйны весиг эз лысьт петавны. Мөд лун коли, а лым пыр на оз усь. Көть көчлөн и нюкыртө кынөмыс, сёйны корө, но терпитө, оз тапикты табъя кокъяснас пипу раскё. Бурджык не вөрзыны места вылысь. Еджыд пасьыс пыр и вермас вузавны сійёс.

Колис нин куим лун, а лым пыр на абу. Дзыкөдз шогөдіс кочильёйс. Бөр көть веж еджыд пасьсё руд паськөм вылө, да оз вермы.

Казялісны пуяс кӧчлысь шогсьомсӧ да мӧдісны дивитны сійӧс:
— Со тай мый артмис, кузь пель... Миян шог вылын сералін,
а ас вывтӧйд сійӧ жӧ муніс.

Кӧч нинӧм эз вочавидз, быттьӧ эз кыв пуяслысь кӧритӧмсӧ. Да
и мый шуан, кор поводдяыс оз кывзысь ни кӧчлысь, ни ручлысь;
ассыыс туй визьсӧ нуӧдӧ, кызди кӧсйӧ.



ЮРИНДАЛЫСЬ

| | | | |
|-------------------------------|----|---|----|
| Синва | 3 | Вёрса аптека | 45 |
| Разведкаын | 6 | Лышкыд яг | 47 |
| Салдатской пёрт | 9 | Праздник | 48 |
| Медводдза награда | 11 | Быдмёны пельсыяс | 50 |
| Медся колана школа | 14 | Кёлач бёжа Рекс | 52 |
| Рапорт | 16 | «Артистьяс» | 65 |
| Вердысь | 20 | Быдённы аслыс кад | 66 |
| Нянь | 21 | Ытва дырйи | 67 |
| Выль керка | 23 | Страда кад | 69 |
| Миян эм гудок | 25 | Сьылёны лэбачьяс | 69 |
| Мамлы орден | 26 | Ю вомён пос | 70 |
| Дедлён козин | 28 | Дон ты вылын | 72 |
| Отсасьсыяс | 30 | Тобик | 74 |
| Кодзувкоткар | 33 | Кымёрьяс | 77 |
| Зоялён ма | 35 | Тулыслён шыяс | 79 |
| Аттьёалана кыв | 37 | Кодныс ёнджыкось да пелькджы- кось | 80 |
| Вёрса ключкод сёрни | 39 | Нёль вок | 82 |
| Катя да Катшыс | 40 | Кёчлён шог | 84 |
| Водз чеччысыяс | 41 | | |
| Гажтём эськё вёлі.. . . . | 42 | | |

ДЛЯ МЛАДШЕГО ШКОЛЬНОГО ВОЗРАСТА

Коланев Иван Васильевич

РАПОРТ

Рассказы

На коми языке

Художник П. И. Семячков

Редактор В. А. Попов. Художественный редактор
А. В. Мошев. Технический редактор А. Н. Виш-
нева. Корректоры А. А. Надуткина, Е. П. Си-
дорова.

Сдано в набор 28/IV-1976 г. Подписано в печать
18/VI-1976 г. Формат 70×90^{1/16}. Усл. печ. л. 6,44; уч.-
изд. л. 5,77. Заказ № 3024. Тираж 2500. Бумага № 1.
Цена 23 коп. Коми книжное издательство, Сыктывкар,
Дом печати.

г. Сыктывкар, Республиканская типография Управ-
ления по делам издательств, полиграфии и книжной
торговли Совета Министров Коми АССР.

21.00

237k.

